













DEDICATIO  
Illustrissimo & Excellentissimo

DOMINO, DOMINO

GEORGIO

Duci in Ossolin, Comiti in Thenczyn,  
S. R. I. Principi, supremo Regni Polo-  
niæ Cancellario, Bidgostienfi, Luba-  
czovienfi, Lubomlenfi, Rycenfi, Adze-  
lenenfi Præfecto, &c. &c.



*Domino meo gratiosissimo.*



**B**ellum Chotinense, mole  
grave, eventu anceps,  
paucorum licet dierum,  
sub felicissimis auspiciis  
Vladislai Quarti, tunc  
Poloniarum ac Sueciæ Principis; at

\* 2

nunc



## DEDICATIO.

nunc Regis invictissimi, prudenter  
cœptum, fortiter gestum, finitum fe-  
liciter, Orbi politiori qui vel nudè  
exhiberent, perpauci fuere: vix unus  
aut alter, qui singula, quali arte quo-  
ve Marte gesta sint, dextrè retulerit;  
nemo vero, quod sciam, hætenus  
arcana istius belli consilia, inopinatos  
gentis nostræ successus, exinde fœ-  
dera paulo post subsecuta, solidè atti-  
git. Fuerit hæc nostrorum temporum  
infelicitas, vel etiam exterorum in-  
vidia, quibus solenne est propria tan-  
tùm & sua laudare, aliorum incuriosi,  
haut multum laboro. Nostrates sane,  
qui bellum hocce scribere aggressi  
sunt, dum non omnium exactam ha-  
berent

## DEDICATIO.

berent notitiam, pleraque imperfectè  
posteritati transmiserunt. Unus de-  
mum extitit Sobiescius, Vir quæ ge-  
neris natales & proprias Virtutes  
summus, quæ pietatem in suam Pa-  
triam, quæ Polonia est, nemini secun-  
dus: tractandis vero negociis quibus-  
vis arduis par omninò; præterea in fœ-  
deribus pangendis ultra humanam for-  
tem felicissimus, tunc equidem ad ex-  
peditionem illam ab Equestri Ordine  
designatus belli pacisve Arbiter; post  
autem, per varios honorum gradus  
cum laude incedens, primus tandem  
Regni Senator evasit: quam novam  
spartam, iudicio sapientissimi Regis  
Vladislai Quarti, oblatam, adornare



## DEDICATIO.

dùm aggreditur; in ipso ilicò limine succubuit, jubente eo qui vitæ necisque Dominus est. Hic, inquam, talis ac tantus Reipub. Polonæ Senator, in vivis cum esset, brevi quidem at pleno in compendio Historiam belli Chotinensis, cujus ipse magna pars fuit, summa dexteritate ac fide consignavit, ut sibi suisque aliquando usui foret. Cæterum ubi post fata demùm Illustrissimi Viri, (felicitate quadam mea, an seculi?) ad meas pervenit manus, piaculi instar duxi, nî fæctum tanti Viri ab interitu, cui cuncta subjacent mortalia, pro virili mea vindicarem, atque vel tali modo pius existerem erga manes maximi Senatoris,

## DEDICATIO.

toris, cui parem aliquando Respub. Polona habuit, superiorem haut æquè: idque opus posthumum, omni cedro dignum, in scenam literariam, typo nitidiorè descriptum, producerem. Sic enim est, ut fama cujusque post cineres haut longius duret, quam literæ jubent, in quibus perpetuo vivitur, si quid magnum æternumque esse debeat. Dum verò prædictum opus Historicum in publicum edere paro, quærendus non tam illi, quàm mihi patronus erat, me qui fortiori manu defenderet adversus quorundam zelum, si ita loqui liceat, intempestivum, qui nudam synceramque veritatem ægris adspiciunt oculis, ut nec

Solem



## DEDICATIO.

Solem ferre possunt, queis visus est  
hebetior. Sed nec longè quærendus  
ejusmodi veniebat Patronus, cum  
Tuæ divinæ Virtutes, Illustrissime  
Heros, jam olim me, qui in Orbe sum  
minimus, quàm universum Orbem,  
& quidquid in eo præclarum reperi-  
tur, in sui admirationem traxere. Res  
Tuas, laudabiliter domi forisque ge-  
stas, omnes loquuntur, qui Te unquam  
viderunt, audiverunt. Audivere  
Pontifex, Imperatores, Reges, Res-  
publicæ, eloquentiam summam cum  
maxima prudentia junctam. Videre  
majestatem vultus in corpore specio-  
so, elegantiam in singulis membris &  
admirati sunt. Ipsa verò etiam Roma,  
Vrbium

## DEDICATIO.

Vrbium ac Religionis caput, penitus  
obstupuit, ubi insolitum comitatum,  
inauditum antehac Tuorum affec-  
tum splendorem, quem in solenni  
Legatione, nomine serenissimi Regis  
Tui, præferebas, suis adspexit oculis.  
At Polonia, in cujus Tu suprema  
specula constitutus, Te Iustitiæ sum-  
mum antistitem, bonorum asylum,  
malorum verò terrorem laudat æter-  
numque laudabit. Bonæ etiam literæ,  
quæ Rerumpub. fulcra sunt & orna-  
menta, Te unicè suspiciunt, quòd  
immortalis Dei beneficio cælitus da-  
tus, quantum singulis ingenio, do-  
ctrina, eloquio, prudentia prævalet,  
tantum universis palmam præripere

\* \*

affi-



## DEDICATIO.

affiduè contendas , eas autoritate  
Tua, quæ summa est fovendo , atque  
eximiis beneficiis promovendo. Tibi  
ergo, Princeps Illustrissime jure quo-  
dam proprio hocce etiam opus con-  
secrandum erat, quod à tineis & blat-  
tis per me vindicatum, Tuis augustis  
faustisque ominibus in æternitatis  
ædem inferretur. Sed & alia superest  
dedicationis meæ causa. Volui om-  
nino memoriam Illustriss. Cels. Tuæ  
per hoc renovare (quam tamen scio  
nunquam apud Te intermorituram )  
maximi illius senatoris , Illustrissimi  
Sobiescii , Tibi verò etiam quondam  
intimi ac conjunctissimi , quippe  
quem ad Tuas incomparabiles Virtu-  
tes.

## DEDICATIO.

tes proximè accedere judicabas , eo-  
que intensius amabas , quod in ipso ,  
propè Teipsum cerneres. Accipe  
ergo , Princeps Illustrissime , seculi  
decus , Tui quondam paris , hoc est  
summi in Republica Polona senatoris,  
& innocentis Viri opus magnum so-  
lerisque de Bello Chotinenfi , & quo-  
tiens per graviora Reipublicæ negocia  
licuerit , in eo tanquam in tabella ali-  
qua contemplare veterem amicum ;  
res verò ab illo pro Patria eo in bello  
gestas , literisque consignatas oculis  
ac mente quandoque revolve. Mihi  
vero, qui eximiarum Illustrissimæ Cels.  
Tuæ Virtutum admirator semper ex-  
titi , clementer concede , quò sub



## DEDICATIO.

umbra illarum non minus securè,  
quàm cum laude vitam ejusmodi  
vivere queam, quæ omnibus pro-  
desse nemini obesse unquam voluit.

Dantisci 15 Novembris  
Anni 1646.

*Illustrissima Celsitudinis*

*Tua*

*Devotissimus cliens*

GEORGIVS FÖRSTERVS.

## COMMENTARIORVM CHOTINENSIS BELLI LIBRI TRES.

Autore IACOBO SOBIESKI,

In eà Expeditione ex Ordine Equestri Commissario,  
post verò Castellano Cracoviensi, &c. &c.

### LIBER PRIMVS.



Onstitutum mihi est descri-  
bere Sigismundi Tertii Polo-  
niæ Regis, contra Osmanum  
Turcarum Imperatorem, ex-  
peditionem: bellum certè,  
quod unquam memoria hominum protu-  
lit, aut ætas mortalium vidit, maximum;  
apparatu & copiarum numero formidolo-  
sissimum, rerum gestarum magnitudine ce-  
leberrimum, ipsâ verò celeritate, & pro-  
spero eventu, supra omnium seculorum  
fidem, stupendum; ubi non in longinquis  
& diversis regionibus, sed è vicinis castris,  
atque adversâ ex propinquo acie, non plu-  
ribus annis, tantò minùs mensibus, sed pau-

A

cis



cis diebus unius Regni nec integer exercitus, cum tribus ferè Orbis partibus decertabat, vixque non totius rei Christianæ extrema alea ac fortuna, ad Tyræ vertebatur ripam, ut Chotinum proximioribus antea provinciis notum, nunc Turcarum cladibus nobilitatum, in ultimis terrarum finibus per seram posteritatem claresceret, & magnis scriptorum ingeniis exercendi styli latissimum campum præberet. Iuveni verò feroci, ac indomito Tyranno, Carolum Chodkievicium Palatinum Vilnensem, Magni Ducatus Lithvaniæ supremum Ducem, ut ætate, ita iudicio maturum, variisque bellorum casibus eruditum, occulto quodam consilio fata opposuere. Quin imò hoc etiam spectaculum casus edidit, ut duo juvenes Principes, nascendi forte pares, hinc Vladislaus primogenitus Sigismundi filius, illinc Osmannus, pro tot populorum salute ac gloriâ in arenam descenderint.

Eo igitur ordine, quem ipsemet vidi, & diligentius observavi, eâ fide, quam Commissarii.

missarii officio functus in omnibus consiliis adhibui, totius belli, quadraginta diebus gesti & confecti, seriem persequar: cum nihil Turcis (nam & in hostibus virtus solet esse admirabilis) per injuriam aut odium detracturus: tum nec plus æquo Polonis, ob innatum in patriam studium, concessurus.

Quàm primùm Othomanici Imperii moles, Africæ jam, & Asiæ gravis, in Europam se exeruit, ac translata suâ Constantinopolim sede, Græcis & Triballis latè dominari cœpit: Poloniæ quoque Reges, vicinarum Provinciarum, gentiumque, origine, cognatione, & linguâ sibi conjunctarum, extremis calamitatibus præmoniti, barbarorum magis indies crescentem fortunam ditionibus etiam suis habebant suspectam. Inde cum Bajafete, & Selimo, illo filio, hoc Mehmetis secundi nepote, Casimiri tertii, ejusque liberorum mutua intercesserunt foedera, pluribus legationibus, ac ipso sacramento utrinque stabilita, incontaminata coluit fides. Hanc à majo-

*Amicitia  
Polonorum  
cum Tur-  
cis.*



4 BELLI CHOTINENSIS,  
 ribus unâ cum imperio traditam sibi ami-  
 citiam Sigismundus primus; omnium æta-  
 tum memoriâ dignus Princeps, par pari  
 retulit Solimanus, inter Turcarum Impe-  
 ratores rerum gestarum gloriâ eminentissi-  
 mus, qui sæpius multa propensissimæ in  
 Polonos voluntatis indicia edidit, vetustâ-  
 que foedera sanctioribus adhuc, ac æterno  
 quodam nexu duraturis pactis refarcivit,  
 quæ in honorem memoriamque ejus S O-  
 L I M A N E A appellata, ad hunc usque diem,  
 non sine magnâ veneratione, à Turcis le-  
 guntur. Sed rerum humanarum Imperiis  
 etiam adjuncta vicissitudo interruptit non-  
 nunquam hæc constantissima pacis studia.  
 Stephano enim Palatino Moldaviæ contra  
 Ioannem Albertum lata auxilia, conjuncta  
 in ipsius Russiæ visceribus cum acerrimo  
 Poloni nominis hoste focia ac infesta ar-  
 ma, cum Sigismundo primo regnante, in  
 Oczakoviensibus campis sæpius cum mu-  
 tuâ prædâ confertæ utrinque manus, &  
 aliquot postea in Podoliæ ac Russiæ Pro-  
 vincias subsecutæ incursiones, non leviter  
 tam

*Polono-  
rum &  
Turcarum  
rupta a-  
micitia.*

LIBER PRIMVS. 5  
 tam Polonorum, quam Turcarum irrita-  
 runt animos, non sine certo quodam præ-  
 sagio funesti aliquando inter hos populos  
 belli. Augusti tamen & Stephani, pruden-  
 tissimorum Regum, insignis solertia, om-  
 nes majoris incendii scintillas sopiente,  
 sancta olim à Divis majoribus suis foede-  
 ra, iteratis vicibus redintegravit. Ingemi-  
 scebat multoties alti spiritus & vasti ani-  
 mi Princeps Stephanus, communibus ma-  
 lis ac periculis per totam Christianitatem  
 serpentibus: atque Sixto V Pontifice Ma-  
 ximo ad sacri belli piam societatem invi-  
 tatus, volvebat Regiâ mente dignos vir-  
 tute suâ conatus: sed difficillima imperii  
 sui tempora, & continuata cum Ioanne  
 Basilii Magno Moschoviæ Duce bella re-  
 tinebant pares animo impetus. Tandem  
 via fata invenerunt, tantique, ut mox ex-  
 ponemus, belli cum discrimine belli glo-  
 riam Sigismundo huic Tertio, non sine  
 magnâ tot ætatum & Christianorum Prin-  
 cipum invidiâ reservarunt. Aliis enim con-  
 cessum erat de longè tantum fremendo

A 3

Turci-



*Occasio  
prima bel-  
li Turcici.*

Turcicam potentiam admirari ; aliis lace-  
sere potius , quàm labefactare. Solus eam  
ac primus Sigismundus summo ausu im-  
petiit , & foelicissimo eventu infregit. Ex-  
canduerat jam pridem Tyrannorum fero-  
cia , cùm sæpius à Cosacis Zaporovien-  
sibus , piraticam exercentibus , solo adæqua-  
rentur maritimæ urbes , igni & ferro vasta-  
rentur fertilissimæ provinciae , opibus ac  
mercibus suis spoliarentur celeberrima Eu-  
ropæ & Asiæ emporia. Nonnunquam et-  
iam Imperatoribus , oculos hortorum suo-  
rum amoenitate oblectantibus , triste &  
pudendum objiciebatur spectaculum , fu-  
mantes nempe undique pagi , quos Cosaci  
in ipsâ Constantinopolis viciniâ , cum ma-  
gnâ potentissimæ urbis consternatione , in-  
cendebant : Vindicta quidem anniversariis  
Tartarorum in ditiones Poloniæ excursio-  
nibus repetitâ : altius tamen barbarorum  
animis inhærebant continuatæ ab infimâ  
plebis fæce injuriæ. Conceptum Turca-  
rum in Polonos odium facilè fovit Ste-  
phani Potocii in Moldaviam expeditio ,  
quem

*Glades  
Potocii.*

quem eò impulit contracta cum Mohiliis  
affinitas , ut multis Regni proceribus fren-  
dentibus , privatâ autoritate , suismet viri-  
bus , & spe solâ fretus , cum exercitu Con-  
stantinum Hieremiæ filium in Moldaviam  
duceret. Sed fortuna votis non annuit ,  
nec spei eventus respondit. ad Dziezam  
enim fluvium memorabili clade cum le-  
tissimo exercitu affectus , & in manus ho-  
stium illapsus , Turcarum furori in ludi-  
brium cessit. Nec dissimilem exitum Sa-  
muel Korecius sortitus est , qui Michaëli  
Duci Wisniowecensi superstes , affinis item  
sui Alexandri Mohilæ , partum insigni Po-  
lonorum de Thomszâ victoriâ domina-  
tum stabilire cupiens , ab Imbraim Bassis  
profligatus ; unâ cum uxore , ejusque ma-  
tre , & cum Alexandro ac Bohdano Mohi-  
lis , ipse tamen rerum per aliquot menses  
præclarè gestarum gloriâ & apud hostes  
clarissimus , in Turcarum venit potestatem ,  
reservatusque in funestam insolentis tri-  
umphii pompam , Constantinopoli in eo-  
dem , quo & Potocius , ergastulo , misera-  
bili

*Korecius.*



bili quodam fato delituit. Continuatis utriusque exercitus cladibus plurimum intumuerant Barbari; jam Polonum nomen in fabulam totius Constantinopolis versum; Internuncii non in eo, quo pridem, honore habiti; mercatoribus etiam more prisco difficilior & periculosior per ditio- nes Turcicas patebat aditus, omninoque veteris amicitiae inter duo imperia arcta olim vincula, mox in apertum eruptura bellum, dissolvi coeperant. Ejusmodi incendii scintillas fovebant Moschi, inveterato odio in Polonos perciti, ac recentibus cladibus exulcerati. certatim cum literis currebant Constantinopolim nuncii, veniebant magno cum apparatu & splendore, variis muneribus onusti legati, variisque pollicitationibus in communis belli societatem Othomanicum Imperium trahabant. Extincto Achmeti filius ejus Osmanus, necdum pueritiam egressus, successerat, cujus animus paternis offensionibus exulceratus, ut eò facilius deliniri ac Polonis reconciliari posset, post subsecu-  
tam

tam cum Patre Achmete per Skinder Bassam & Stanislaum Zolkievium Palatinum Kyoviensem, & Campestem exercitus Ducem, Buszensem transactionem, ad novum Principem renovandi foederis causam suscepit legationem Petrus Ozga Trembovelensis Capitaneus, qua omnibus inimicitiarum suspicionibus sublatis optata iterum pax coaluisse existimabatur. Verum Osmanus tantis fortunae obsequiis insolens, latissimi Imperii vastitate tumens, ingenio ferox, aetate furens, in ipso extremæ adulationis sinu inter innumeras blandientium mancipiorum illecebras enutritus, non unum Oceanum, nec unum orbem insanâ libidine, ac plus quam humano fastu metiebatur: imò quasi naturæ etiam Dominus, nihil furori suo invium, nihil potentia inaccessum, nihil fortunæ invictum putabat. Principis genio indulgebat servilis Consiliariorum patientia. Skinder Bassa dolis & astu confutus, innatusque Poloniae hostis, Corecianâ verò clade elatus, non solum illi indubitatam de Polonis vi-  
B                    ctoriam,

*Transactio  
Busensis.*

*Paracula  
belli Cho-  
tinensis.*



etoriam, sed jam universum Poloniae Regnum pro certâ & incruentâ prædâ deferebat. Tomszâ & ex Moldaviâ ejectus, ac inde gravioris de Polonis vindictæ cupidus, fidelem suam operam promittebat, belli-que felicitatem, prout odium in hanc Rempubl. conceptum, & mens mendaciis assueta vafro homini dictabat, tam in privatis, quàm publicis consiliis, & ipse, & per substitutas, magnoque precio conciliatas personas ostentabat. Ali Basza Wezirafesmez fraudulentis infensissimorum Poloniae hominum consiliis parvo negotio infatuari poterat: nullo enim usu rerum pollebat, Palatii alumnus, ac antea Principis libidinum minister, tunc voluntati quoque Domini, per fas & nefas, foedissimo servitio ancillari, inter præcipuas felicitatis suæ partes reputabat. Eorum igitur instinctu Osmanus Otfinovium, Sigismundi internuncium ad corrigendos nonnullos pactorum articulos, tanquam ad amicum & socium Principem missum, nec aspectu dignatus, loco honoris, quem sacra legationum

num ubique terrarum requirunt, adjunctis multis opprobriis, contumeliosè tractari, & per Sulbassam, Carnificum ac lictorum præfectum, in Urbem introduci iussit. Gaspar Gratianus Moldaviæ Palatinus, Christianâ pietate, & optimâ in Regnum Poloniae voluntate ductus, per dispositos tabellarios, Sigismundum de tantâ Regiæ Majestatis contumeliâ, ac aperto bello Turcico, certiolem reddidit. Ipse verò Turcarum jugum excutere satagens, Stanislaum Zolkievium (qui tunc ob sua insignia in Rempubl. merita, Cancellarii & Supremi exercituum Ducis, summam in Poloniâ utramque dignitatem obtinebat) per secretas literas sollicitabat; Vt cum exercitu fines Moldaviæ ingrederetur; Secum universâ Provinciæ illius Nobilitate Regum Poloniae Dominium non modò non recusare, sed maximo desiderio flagitare. Zolkievius, post magnam animi luctam, variasque deliberationes, Tyram in Moldaviâ transgressus, ardentissima ejus vota explevit. Gratianus Turcis, qui ad

*Expedi-  
tio  
Cecoren-  
sis.*



eum capiendum, & Skinder Bassa, maximis itineribus Iassos advolarunt, partim captis, partim trucidatis, licet non eâ, quam pollicebatur, accolarum frequentia, fidem tamen Reipubl. obstrictam exolvit. Longo servitio attrita Moldavia gens, & malo suo potentiam Turcicam experta, majus fortè Zolkievianarum copiarum robur expectabat. Parvus ille quidem numero exercitus censebatur, sed tum Militum virtute, tum vix aliquando tot seculis auditâ inediae, laboris, vigiliarum tolerantia, ævi sui fidem superando, pro ostento quodam à posteritate judicabitur. Numerosissimis enim Tartarorum, duce Devletgerejo Galga (hoc titulo insigniuntur secundogeniti Chamorum fratres) copiis, & conjuncto illis Skinder Bassæ, non solum tam parva, respectu hostilis exercitus, manus fortissimè restitit, impetumque barbarorum sustinuit; sed paucae illæ cohortes, nocturnâ multorum ex panico terrore fugâ, diminutæ, octo ferè in suo receptu diebus ac noctibus, tantam Turcarum Tartarorumque

rumque vim, & quasi è coelo demissum sagittarum ac globorum nimbum, eâ fortitudine repulerunt, ut impetu suo fatigatus hostis, & retro gradum movens, jam tunc substiterit; cùm funestus Reipubl. Polonæ casus, in portu naufragium, ac in victoriâ cladem attulerit, magisque eò lugubrem reddiderit cladem, quod sola calonum, lixarum, ac infimæ in exercitu fæcis inconcussa licentia, talem patriæ suæ notam inusserit. Puduit Zolkievium, ut alterum Paulum Æmilium, ne enim cladi suæ superstes esset, invicto animi robore, quo sibi in totâ vitâ semper constabat, cum Tartaris dimicando, in conflictu aliquot vulneribus faucius, non procul à Tyræ versus Mohilovum ripâ, pro patriâ occubuit. Stanislaus verò Koniecpolius Campestris Exercitus Dux, Varronis illius exemplo, non desperavit: qui animo, manuque promptus, dum equo abjecto, ab hostibus undique cinctus, per tot catervas acerrimè pugnando erupisset, in Moldavorum prius, ac mox & in Turcarum manus incidit.



Capti, Ioannes & Lucas Zolkievii, unus filius, alter ex fratre nepos supremi Ducis, & cum iis Nicolaus de Komorow Strus Haliciensis, Alexander Balaban Vinnicenfis Capitanei, Samuel Corecius iterato infortunio miserabilis, Martinus Kazanovius, Nicolaus Potocius Iacobi Palatini Braclaviensis filius, Volodimirus Farenfbach, Malinscius Strzyzovius, & omnes ferè agminum & cohortium Præfecti, fortissimi juxtà ac clarissimi viri, numerosaque varii gradus & ordinis militum multitudo. Sed minimè dubito, belli hujus ut rationem, ita eventum eos posteritati tradituros, qui illi interfuerunt. mihi hæc vel attingisse, ad prosequendam posterioris expeditionis seriem, sat erat.

*Denunciatio apud  
Tarcas  
belli Poloni.*

Talia Martis præludia Osmani animum, sanguinolenta consilia spirantem, facile irritarunt. ad instar enim cruentæ belluæ furens, Regno Poloniæ in omnibus Imperii sui partibus bellum denunciavit. proclamabantur passim à præconibus, per Asiæ & Africæ regna, provincias, urbes, vicos, hostes

hostes Othomanicæ domus, Poloni. vix sexus, nulla ætas, aut gradus, ab hac expeditione immunis declarabatur. Europæis, & vicinioribus Constantinopoli copiis sistendi se dies inprimis edicta. Dziambegerejus Tartarorum Krimensium Cham (id nomen apud eos Regium nomen denotat) ex Tauricâ Chersoneso accersitus. Osmani ipsius in futuro bello præsentia, equinâ jubâ ex palatio appensâ, tanquam fueto majorum suorum signo, omnibus manifestata. Ad pontem supra Danubium fabricandum, Moldavia & Bulgaria, non sine profundo suo gemitu, destinatæ, quod impia contra Christianos arma servili operâ adjuvare cogerentur. Quicquid verò ad tantum apparatus in Europâ defuit, mare ex longinquis illis oris summâ celeritate, maximâ copiâ, ingenti sumptu suppeditabat. Devoraverat jam feroci suo animo universam Poloniam indomitus Tyrannus; arces ejus, urbes ac provincias, tanquam indubitata spolia, inter Bassas, libidinum suarum mancipia, dividebat. Ætate tamen prove-



proveciores, & prudentiâ eminentiores  
ejus consilarii, (inter quos Mosti, sacro-  
rum summus Præses, & Halil Bassa, origi-  
ne Armenus, autoritate pollebant,) variis  
rationibus injustam, difficilem, & longin-  
quam in Poloniam expeditionem dissua-  
debant. Mustapha Vezirazemes, præpo-  
steros ejus conatus liberiùs arguendo, à  
propriis Tyranni manibus cultri ictu vul-  
nus accepit. Arioli quoque omnia infau-  
sta superstitionibus suis præfagiebant.  
Cum nihil horum obstinatam Osmani  
mentem, fatis eum ad interitum suum tra-  
hentibus, divertisset, ad primum pericu-  
losissimi belli nuncium exhorruit Polonia,  
contremuit & universus Christianus orbis.  
*Comitia*  
*Varso-*  
*viensia.* Varsoviæ Comitibus Ordinibus indixit Rex.  
ac primùm ad Pontificem Max., Ferdinan-  
dum Imperatorem, & omnes ferè Chri-  
stianos Principes; expeditis legationibus,  
classicum sacri belli per totam Christiani-  
tatem canebat, contra communem hostem  
communia expectando auxilia. Nihil enim  
æquius videri potuit, quàm ut Christianæ  
militiæ

militiæ antesignanus, Princeps non solum  
votis, sed & subsidiis Christianitatis juva-  
retur; utque Regnum Poloniæ, quod in  
excubiis Reipubl. Christianæ situm, & ad  
sustinendum primum Paganorum impe-  
tum, vel ipsâ quadam naturæ dispositione  
esset constitutum, conjunctâ eorum pro-  
pugnaretur manu, qui sacrosanctum Chri-  
stianorum nomen profitentur. Ac Grego-  
rius, ejus nominis X V Pontifex Max. per  
Achatium Grochovium Præpositum Leci-  
censem, Regisque Secretarium, nunc Epi-  
scopum Præmissiensem Nominatum, & ad  
Sacram Sedem Internuncium, certam quo-  
libet mense pecuniæ summam, durante hac  
expeditione obtulit, majores adhuc pro-  
mittendo sumptus, quàm primùm Ferdi-  
nandi Imperatoris cum rebellibus hære-  
ticis bellum (à quo Ecclesiæ fiscum exhau-  
riri affirmabat) aut certâ victoriâ, aut ho-  
nestâ pace finem acceperit. Verùm Cos-  
mus de Torres, Archiepiscopus Andrino-  
politanus, ac Nuncius ordinarius, in Polo-  
niam, his ferè diebus Cracoviam appulit,  
C quibus



quibus transactionis Chotinensis fama ad eum pervenit, nullaque interposita morâ, confecti jam belli Pontificem certiores reddidit. Iacobus Angliæ Rex, cum & Oratorem Regium, Georgium Ossolinum, Palatini Sendomiriensis filium, lautè & magnificè tractasset, & singulare suum in Rempubl. Polonam studium declarasset; non contemnendis Anglorum, Scotorum & Hibernorum copiis, Sigismundi exercitum aucturus erat, nisi temporis, quo bellum hoc Turcicum inceptum & finitum est, angustiae modum ac occasionem illi præclusissent. Cæteri Christiani Principes, partim antiqua sua cum Turcis foedera, partim intestinos ac domesticos motus, belli demum difficultatem, in excusationem adducentes, piissimos Sigismundi pro re Christianâ conatus omnino deseruerunt.

In Comitibus Varsoviensibus varia agitantur Consilia, de nervo belli, militum numero, & exercitus Duce. Omnium Ordinum ora conversa, animique simul erant incli-

inclinati in Carolum Chodkievicium Palatinum Vilnensem, Magni Ducatus Lithvaniae supremum Ducem, autoritate, rei-que militaris usu ac scientiâ pollentem, multis victoriis, insignibus trophæis, clarissimis triumphis, apud exteras ac barbaras etiam gentes celeberrimum. Illi igitur summum regimen & res Polona restituenda, unanimi Reipubl. consensu, deferbatur. Suffectus in locum campestris Ducis, laboris socius Stanislaus Lubomirscius Regni Pocillator, adjuncti publicâ lege ex Ordine Equestri Commissarii, quorum alii in aulâ Regis commorari, alii Chodkieviciu sequi debebant, cum limitatâ secretiori diplomate, ac juramento obstrictâ potestate, quæ se extendebat ad trutinandum cum censu belli sumptum, solvenda militibus stipendia, absolvenda cum ducibus judicia, sancienda foedera, & fida consilia, quoties ad ea accerferentur, præbenda. Eorum autem non decet præteriri nomina, qui huic expeditioni interfuerunt. Nicolaus nempe Sieniavius Regni Incisor,



Matthæus Lesniovius Belzensis Succamerarius, Michaël Comes in Tarnow, Iacobus Marci Sobiescii Palatini Lublinensis filius, Ioannes & Paulus Dzialynii, hic Pokrivnicensis, ille Bratianensis Præfecti, Nicolaus Kossakovius Visnensis Capitaneus.

*Contribu-  
tiones in  
bellum  
Turci-  
cum.*

Subsidia belli hæc, autoritate Comitiorum fuere decreta, præter universæ Nobilitatis, more institutoque majorum, generalem expeditionem, octo agrariæ contributiones, binæ ducillæ (eo vocabulo ab antiquis in Regno legibus census ex cervisiâ nominatus) binæ quartæ Regalium bonorum, & ex eisdem in magno Ducatu Litvaniæ donarium, quod illi bono magis exemplo, & laudatissimo in communem Rempubl. studio, quàm concessio jure largiti sunt. Ex bonis item summis antiquitus oneratis & pensionibus certa pecunia assignata. Ordo quoque spiritualis in Synodo Petricoviensi centum quinquaginta millia florenorum ad sacrum bellum contulit.

Exercitus numerus, ob plures, qui postea ex-

ea exponentur, defectus, à primo Comitiorum instituto longè differebat. Constat mihi tamen, pecuniam ex ærario publico in Chodkievicianum exercitum distributam, tam pedites Germanos, Hungaros & Polonos, quàm hastatos levis & gravis armaturæ equites, computando in 34 millia, 987 milites, præter aliquot agmina Germanorum, qui pudendo & foedissimo exemplo in ipsis limitibus signa deseruerant. Eâdem fraude multi & in Polono exercitu, cum magno fisci detrimento, nomen suum contaminarunt. Kozakorum Zaporohensium triginta millia numerari poterant, quorum magna pars per ditiones Podoliæ prædabunda bellum Chotinense subterfugerat.

*Exercitus  
Polon.*

De expeditione generali nihil à me determinati expectet posteritas. Cùm enim non omnes Palatinatus ac districtus cum Sigismundo Leopolim ad indictam diem venissent, nec horum etiam certus numerus patet. Inter aulicas tamen Sigismundi cohortes mercenarii militis peditum &

C 3

equi-

MBP Łódź





equitum Germanorum censebantur aliquot millia. Magnatum etiam (præter hos, qui, ut memorabimus, Vladislauum sequebantur) propriis sumptibus collectas cohortes præteriri hîc non decet: Dominici Ducis in Ostrog Zaslaviensis, Ianussii Ostrogienfis Castellani Cracoviensis amplissimi hæredis, 600 peditum & equitum milites; tum Raphaëlis Lesczynii Palatini Belzenfis centum hastatos, Iacobi Sobiescii Palatinidæ Lublinensis levis armaturæ turmam, item Szafzkievicii Braclaviensis Succamerarii, Malinscii, Rasieczynii manipulos. Aderat & Georgius Dux Czartorienfis, qui in itinere à Tartaris vexatus, & vix non omnibus equis amissis, desideratis plurimis famulis, ipse tamen jacturæ superstes in castra venit. Tormenta bellica, quibus nos Cosaci fere adæquabant, viginti octo in castra fuerant advecta.

Atque hoc Poloni, quem recensui, sumptu, tali apparatu, iis viribus, quibus omnibus majorum memoriam superarunt, cum Osmano Turcarum Imperatore, de salute

salute ac gloriâ suâ decertarunt. Atrocissimi belli observabantur prodigia, in defectu sub ipsum meridiem Solis, terræque motu per diversas Moldaviæ, Podoliæ, Russiæ partes. Apparebant quoque in aëre confluentes inter se igneæ columnæ.

Chodkievicius, antequam reliquæ colligerentur copiæ, primas Lubomirscio excubias demandaverat, qui ad Skalam Podoliæ oppidum, ultimis Maji diebus, ingressus castra, loci naturâ, ob invias rupes, & Zbrutium fluvium alluentem, munitissima, vigilantis ducis exequiebatur munus, exploratores sæpius in hostiles ditiones immittendo, & novis semper præfidiis vicina Tyræ vada sepiendo, subitaneasque è Moldaviâ Tartarorum incursiones reprimendo. ubi Simeon Kopyczynius, vir animi & corporis robore validus, ac multis antea bellis exercitatissimus, singularem ei operam præstitit. Podolicæ etiam nobilitatis rustici, inter sylvarum ac rupium saltus, cæsis ad internecionem Tartaris, ferociam eorum refrænarunt. Venerat in Ca-

stra Lu-

*Castra ad  
Skalam.*



stra Lubomirscii Constantinus Vevellius, genere Cretenfis, Cretenfi quoque ingenio præditus, & postea in Christophori Ducis Zbaravii legatione ad Mustapham Imperatorem, notabili perfidiâ insignis, nomen quidem Christianum præ se ferens, sed Turcis, unde opibus creverat, propensissimus. Secretiora ille ab Alexandro Moldaviæ Palatino attulerat mandata, unâ cum literis Vsaim Bassæ monoculi, qui Turcarum confinia in Bessarabiâ tuebatur, & januæ Imperatoris Præfecti, qui apud Turcas magistratus pro summo honoris fastigio reputatur. Tentabant per Constantinum, Polonorum de pace animos, quam speciosis quidem verbis blandè suadebant, fictum in eâ resarciendâ studium suum obtestati. Sed eventus docuit, explorandi potius, quàm amicitiae causâ missum in castra ab iis fuisse, natione, fide, moribus Græcum hominem. Lubomirscius in absentia Chodkievicii nullo ei responso dato, honorificè, ut Christiani Principis Internuncium, exceptum, lautè propriis sumptibus

ptibus tractatum, in vicino à castris rure, sub honestâ custodiâ, usque ad supremi Ducis adventum, detinuit. Nec Chodkievicius tardavit, sed cum Litvano exercitu ad Rzepnice pagum Lubomirscio se con-

*Castra ad  
Rzepnice.*

junxit, ac statim universum exercitum in legiones partitum, ad Braham, Tyræ imminens oppidum, movit. Anteibant legiones, Boratiniana; Præfecti Lipnicensis, Lesniovii Belzensis Succamerarii, & Lubomirsciana. succedebant Zienoviciana Castellani Polocensis, Sieniaviana Incisoris Regni, cum Procopio fratre, Chodkievicianâ & Sapiehana Capitanei Orfanensis: subsequebantur Zoravinsciana Castellani Belfensis, Opalinsciana Castellani Pofnaniensis, Kossakoviana Capitanei Visnensis: quæ postea tum in acie instruendâ, tum in muniendo ac defendendo vallo, & excubiis peragendis, eadem nomina obtinuerunt. Ibidem instituti excubiarum præfecti, Wiernek, Bogdaszovius, & Kazimirus; destinatus ad castra metanda Dolmad, Litvanus, veteranus miles sub signis

D

Chod-



*Castra ad  
Brahm.*

Chodkievicii, quem magna tunc distinebat deliberatio, transeundusne cum exercitu Tyras erat, an in ipsis limitibus expectandus hostis, ubi difficilior ei aditus pateret, sibi verò pabuli, annonæ & victus copia facilius suppeditaretur, atque reliqua ex Poloniâ subsidia securiùs in castra venirent.

Ex alterâ parte Regis aliquot literæ ulteriores progressum urgebant: permovebant duces Nobilitatis Podoliæ, continuæ de rapinis militum querimoniæ; locus ipse trans Tyram & ad castra metanda aptissimus, & in acie instruendâ variorum stratum gematum capacissimus, mirum in modum utrique Duci placebat. Brahæ denique inhærere minus tutum censebatur, ne exercitus validissimo Kozakorum Zaporohensium præsidio destitueretur, qui legatione suâ unanimem consensum Chodkievicio declararunt, se tunc exercitui Polono juncturos, cum is fines Moldaviæ attigisset, aliàs in perpetuo versari metu, ne Respublica Turcis per aliquam transactionem recon-

reconciliata, collectas in potentissimos hostes vires in capita postea sua convertat. Iacta igitur alea est, publicatumque per castra de transeundo flumine imperatorium mandatum. Ad instar portentis & prodigii omnibus videbatur, vertiginosum ac saxosum Tyram tunc primum quasi subjugari pontibus velle, cum hactenus tentatum ejusmodi in pluribus locis opus vi semper suâ rapidissimus fluvijs discussisset. Mobilem jam pontem extruxerant pedites; sed is grandi aquæ impetu fractus, Rutheno cuidam (Lithvanum alii fuisse volunt) exhibuit non vulgaris industriæ singulare specimen. firmiorem ille operam inchoaverat, imò & perfecerat: verum ea, seu artificum aliorum imperitiâ, seu custodum negligentia, aliquoties destructa, iterum atque iterum reparabatur. Interim Constantinus Vevellius ad Chodkievicius accersitus, tale accepit respon-

*Pons supra  
Tyram.**Responsum  
Vevellio  
datum.*

D 2

pacem



28 BELL. CHOTINENSIS,  
pacem studium. Tardioris ejus in Molda-  
viam reditus conjecta causa in Tartaro-  
rum excursiones, quæ difficiles viarum adi-  
tus reddebant. Datae ad hos omnes, qui  
ad Lubomirscium scripserant, literæ. Sin-  
gulari etiam Chodkievicii Epistolâ inter-  
pellatus Vfaimus Vesirasemes ad sana pa-  
cis consilia per Szembergum Internuncium  
Szembergi  
legatio.  
invitabatur. Atque Szemberganæ legatio-  
nis, hominis sagaci ac circumspecto inge-  
nio præditi, morisque barbarorum non  
ignari, hunc solum fructum expectavimus,  
ut eo prætextu mentes & vires Turcarum  
expiscari ille posset. Tanta elucebat in  
vultu Chodkievicii majestas, ut Constan-  
tinus, ad primum ejus aspectum, tanquam  
ad numen aliquod venerabundus procide-  
re voluerit, nisi ipsius Ducis manu suble-  
vatus, & singulari comitate recreatus è  
tentorio discessisset. Post ejus certè obi-  
tum, in familiari colloquio, me ipso au-  
diente, aliquoties narrabat, Herois illius  
intuitu adeò se perterritum & consterna-  
tum fuisse, ut lingua ejus tunc balbutiret,  
tituba-

titubarent pedes, tremere totum corpus,  
nec mens sibi constaret.

Continuis aliquot diebus exortus in  
exercitu magnus Cohortium fremitus  
transitum per Tyram impediēbat. Passim  
ac turmatim milites Præfectorum suorum  
tentoria obibant, obruebantur Duces im-  
portuno clamore, miscebantur omnia, mo-  
dò irâ, modò dolore, nunc precibus, mox  
minis. languebat jam solitum obsequium,  
dissolvebatur disciplina militaris, contem-  
nebantur utriusque Ducis jussa, æquè tyro  
ac veteranus, civis ac externus, gregarius  
& nobilis, pedes & eques, castra querimo-  
niis implebant; pecuniâ & commeatu exer-  
citus destitui, in stipendiis fraudari, multa  
sibi opponi pericula, nulla proponi præ-  
mia; imminere hostes, tardare subsidia;  
cuilibet denique cohorti celari inauçtora-  
tionis suæ diem. Chodkievicius, quò pul-  
lulantem seditionem in ipsis primordiis fa-  
ciliùs opprimeret, lymphatos ferè homi-  
nes ad concionem vocare detrectavit. sed  
inito consilio cum omnibus Commissariis,

D 3

quibus



quibus ex præscripto Comitiorum id negotium præcipuè incumberebat, singulis cohortibus eundem suæ inauktionis, quo castra ingrediebantur, diem assignavit, & unum ex Commissariis Iacobum Sobiescium Palatinidem Lublinensem, cum Stephano Potocio Camenecensi Capitaneo, ac privilegiato exercitus Notario, ad hunc describendum ordinem delegavit, pari diligentia ac fide, trutinando & temporis rationem, quo militiæ adscribebantur, & locorum distantiam, per quam ad castra tendebant. Unâ ac alterâ die injunctum nobis munus absolvimus, relictâ tamen penes Regem supremâ censurâ, quam nostris sententiis adstipulatam brevi ex literis Varfaviâ allatis cognovimus. Inter alios prosperos belli istius successus, & hoc non in extremis reputabitur, tot in exercitu capita, totque sensus, primæ statim Commissariorum de suâ inauktionis declarationi, per secretas schedulas, unicuique cohortis præfecto traditæ; aded acquiescere, ut nemo postea vel musitare contra  
Duces

Duces ausus sit. Quod temporumne, quæ mox sunt subsecuta, necessitati, an Reipubl. Polonæ fortunæ attribuere debeamus, utrumque libero posteritatis iudicio relinquo. Priorem itaque militum contumaciam obsequio, moram alacritate compensatam, non sine magnâ animorum oculorumque voluptate spectavimus. Ruebat ad flumen universus exercitus, & antequam pons fractus repararetur, tabulatis ligneis ab Odorovio equitum levis armaturæ Præfecto, ex superiori orâ secundo fluvio advectis, transibant Tyram suo ordine cohortes. Præcedebat cum suis legionibus Lubomirscii agmen, qui simul ac Moldaviæ fines attigisset; Lipnicii c. l. levis armaturæ equites, cum Richteri Livonis l. sclopetariis, & cum non contemnendâ gregarii militis manu, ad suppeditandum ex hostili terrâ in castra com meatum, expedit. Exiguam Lipnicius tunc retulerat prædam: felicius rem gesturus, si in Seratum Moldaviæ trans Prutum oppidum cautiùs irrupisset, quò ad celebrandas nundinas magna  
Arme-

*Polonorum  
in Molda-  
viam Ex-  
cursio.*



Armeniorum & Moldavorum frequentia confluxerat. Sed præpropere & insolenti Lipnicianorum clamore territa, tempestiva fugâ, vitæ & facultatibus suis consuluit. Malè ista excursio habebat Chodkievici-  
cium. clementiâ enim potius, quàm rapinâ Reipubl. suæ Christianam provinciam devincire studebat, de cujus fide, & in Polonos optimâ voluntate multa ei pollebatur Petrus, Simonis Mohilæ Valachiae quondam Palatini filius, qui exul & profugus, ac Zolkievio singulari Patrono orbatus, dum in clientelam Chodkievicii se, suasque omnes spes tradidisset, consuetudine ejus familiariter utebatur. Metuebat etiam ad omnia circumspectus Dux, ne injuriis suis laceffiti Moldavi ex redeunte Szembergo vindictam repeterent. quam obrem tubâ (ut mos fert militaris) severissime edixerat, ne quis infestare amplius Moldaviam auderet. Verùm Bernascius, prædonum gentis suæ fax, in vicinâ sylvâ latitans, factâ ex insidiis in eos irruptione, qui pabulandi & lignandi causâ illuc com-

*L. Atrocina Bernascius.*

mearant,

mearant, multos equis & curribus spoliavit, plurimos cepit, reliqui, quinquaginta ex suo comitatu desideratis, celeri se fugâ salvarunt. Kopaczovius, animi intrepidus, & bellis Moschoviticiis sub disciplinâ Lifovii exercitatus Centurio, cum Byczek nobili Moldavo, Regias partes jam pridem secuto, redierant à Chodkievicio versus Socaviam, ad explorandum Turcarum & Tartarorum exercitum missi. Sed cum nullæ hostiles apparerent copiae, unum tantum ex Alexandri Palatini Moldaviae aulâ nobilem comprehensum adduxerunt.

Ob tardiùs reparatum pontem duodecimo tandem die Tyram transiit Polonus exercitus. Equorum hinnitu, tubarum clangore, tympanorum sono, nitentium armorum splendore, faustis denique omnium acclamationibus, effundebat se ingens quoddam per castra gaudium. ipsa quasi læta signa, tot illæ cruces, tot aquilæ Polonæ, ultro progredi, equi veluti gressu suo Moldavico solo minari videbantur. Tanta diversæ ætatis, varique gradus tur-

*Transiit per Tyram.*

E ba vin-



ba vindictam de cœlo extensis manibus poscebat : omnes jam in animo victoriam , jam in ore triumphum gerebant , armis etiam suis terram hanc penetraturi , quæ pri- dem Polonorum non aliter esset tumulus , quàm Italia Gallorum quondam sepulchrum . Vnusquisque properabat ad expiandum cæde , incendio , ruinâ , tot seculis sparsum ibi Polonorum sanguinem ; hic parentis , ille fratris , iste amici , omnes tot majorum suorum manibus ex hostium cadaveribus iusta solvere accelerabant .

*Castra ad  
Choti-  
nium.*

Chodkievicius ob ingravescentem va- letudinem corpore debilis , & animo vivi- dus , vultuque verum Martem præ se fe- rens , generosissimo equo infidebat , aspe- ctu ac gestu solo universum animando exercitum . Ex unâ parte cingebantur ca- stra rupibus Tyræ impendentibus , ab alte- râ vicinarum sylvarum anfractibus . me- dius eo spatium patebat campus , ut nec to- tam aciem hostis explicare , nec pugnandi necessitatem Chodkievicio inferre valeret . Nulla hæcenus notitia pervenerat de Co- sacorum

facorum Zaporohensium exercitu . ad quem investigandum & accersendum oblatâ suâ operâ Konaszevicius , cohortis levis arma- turæ præfectus , avidius à Ducibus expe- ctabatur . Plurimum interim omnium re- creavit animos adventus Petri Konaszevi- cii , cui militare cognomen à pharetrâ du- ctum , Sahaydaczny nempe , Zaporohen- ses indiderunt . redibat ille Varsoviâ , ubi legatione apud Regem functus , optatum suis ferebat responsum , certâ spe fretus , reperturum se Cosacos Chodkievicii ca- stris conjunctos . Verum illi , vilissimi , & ex vulgi fece infimi hominis ( quem Cosaci suetâ dicendi nugacitate , Borodavkam Rutenicè , quasi Verrucam diceret , appella- runt ) temulentum ac ignavum regimen tunc agnoscentes , non tam ejus ductu , quàm effrenatâ suâ licentiâ , modò per Po- doliam , modò per Moldaviam erronei va- gabantur . Petrus iste Konaszevicius rarâ ingenii sagacitate , judicii notabili maturi- tate , in dictis factisque singulari industriâ , adedò originem , vitam ac consuetudinem

*Adventus  
Petri Ko-  
naszevicii.*

*Vita &  
mors Petri  
Konasze-  
vicii.*



36 BELLI CHOTINENSIS,  
plebejam exceſſerat, ut inter clariffimos  
ætate ſuâ in Poloniâ viros æquiſſimo jure  
poſteritati innotefcere poſſit. Quoties  
exercitui Zaporohenſium præerat, rerum  
terrâ marique geſtarum gloriâ celeberrimus,  
conſtantiffima ubique fortunæ beneficia agnoſcebat. In Perecopenſibus campis,  
Tartaris aliquoties fuſis, Tauricam Cherſoneſum perterrituit. In illâ paſcuorum  
vaſtitate armenta abegit, prædam ex Ruſſiâ reportatam in ipſo reditu eripuit. Vladislao  
verò jus ſuum in Moſcoviâ armis recuperante, ſummâ ſe celeritate, cum maximâ  
hoſtium conſternatione, ad Moſquam Imperii illius metropolim conjunxit, victoricia  
ſigna per ampliffimas ditiones circumtulit; ferro & igni hoſtiles regiones depopulatus;  
opimis ſpoliis onuſtus, Ielcii, Sackii, Livnii, Kalugæ, ſitu ac præſidiis munitiffimarum urbium  
funectis ruderibus nominis ſui terrorem univerſæ Moſcoviæ incuſſit; quæ tot æumnis &  
calamitatibus ingemiſcens, in ejus vidit manibus ſuam auferri ſupellectilem, ſuaſque

LIBER PRIMVS. 37  
que opes, ac tantam diverſi gradus, diſparis ætatis, utriuſque ſexus captivorum tur-  
bam, inter illius currus ac cetera impedi-  
menta, interruptis ſingultibus numeravit. Nec minùs maritimarum victoriarum fa-  
mâ Konafzevicii nomen inſigne videtur. & hîc conſtabat ſibi ejus fortuna, felicem  
illi ſemper piraticarum excuſſionum largita eventum, diruta aliquot præſtantiffima  
in Europâ & Aſiâ emporia, exuſtæ vicinæ Conſtantinopoli ditiones, & in iſtâ, quam  
deſcribimus, Chotinenſi expeditione non vulgaris præſtita dexteritas augebat ejus  
creſcentem indies apud Turcas gloriam. Cæterùm ipſe erat animo ingens, pericu-  
lorum appetens, vitæ contemptor, in con-  
ſpectu primus, in receptu ultimus, manu  
promptus, corpore agilis, in caſtris vigi-  
lans, ſomno parùm indulgens; nec aded,  
ut mos eſt Coſacis, crapulæ deditus: Ve-  
neri intemperantiùs addictus, quæ mor-  
tem etiam illi acceleravit: in colloquiis,  
aut ſobrius, aut ebrius eſſet, circumſpe-  
ctus, ac in omni ſermone parciffimus. Regi



ac Reipubl. æquè semper in suo Magistratu fidus, in compescendâ Cofacorum licentiâ aded̄ severus, ut etiam ex minimâ causâ sanguinis eorum esset prodigus; unde illis invisus aliquoties ex hac exercitus Zaporohensis præfecturâ ab insolenti multitudine dejiciebatur. Religionis Græcæ ritum ardentissimo & plus quàm superstizioso cultu observabat: iis, qui in sacrosanctum Romanæ Ecclesiæ gremium se contulerant, infensissimus juratusque hostis. unde jam ante ipsum ejus obitum impij ejus in Rempubl. conatus variis suspicionibus differri per vulgum coeperant. Chodkievicius hunc Petrum Konaszevicium (cujus singulares virtutes & maxima in Patriam merita id breve diverticulum à nobis requirere videbantur) humanissimè exceptum, munibusque cohonestatum, nullâ adhibitâ morâ, expedit, ut Tyræ inhærendo obviam Cofacis iret, unâ cum duobus subsidii causâ Annibalorum levis armaturæ cohortibus, & cum Molodecio, homine ex Lubomirscii familiâ, longo usu,

ac ve-

*Konasze-  
vicius ex  
castris  
discessus.*

ac veteri consuetudine Cofacis familiarissimo. Moscinio, uni ex domesticis Lubomirscii, explorandi hostis causâ castris egresso, cœca nox omnem successum perturbavit. Ex adversâ enim Pruti ripâ, cum in Moldavos prædones casu incidisset, nec hostesne, an sui exercitus homines essent, dignoscere obstante caligine potuisset; vox tamen Moldavos prodidit. coortum inde tumultuarium prælium, quod ipsæ impendentes tenebræ facilè diremerunt. Moscinus postquam animadvertisset, suos met mutuis se ictibus ac vulneribus conficere, receptui signum dedit, ac re infectâ rediit. Meliori fortunâ usus est Fekiety Vngarus, ex Turcarum castris, sub illam Bussensem cum Skinder Bassâ transactionem, ad Polonum exercitum transfuga, rarâ fide & fortitudine in Vladislai Moschovitico bellò, Chodkievicio singulariter commendatus, qui tunc ex Iasseni territorio adduxerat Moldavum captivum procerâ staturâ eminentem, & in prioribus expeditionibus, cum adhuc Turcica signa seque-

*Moscinus  
excursio.*

*Fekiety  
excursio.*



sequeretur, optimè sibi notum. verùm ab eo nihil ampliùs expiscari Duces poterant, præter concordem cum aliis exploratoribus de Alexandro Moldaviæ Palatino relationem, quòd, Iassis præsidio nudatis, cum suo exercitu Osmano obviam ivisset. Invalescente de Turcarum adventu rumore, *Adventus legionis Rusinovicianæ.* Rusinovius & numerum & spem exercitus auxit, adductâ nimirum lectissimâ levis armaturæ Polonorum manu, quæ in castris Ferdinandi Imperatoris, contra suos rebelles, cum summâ Sarmaticæ gentis apud exteros gloriâ, merebatur. Nonnulli ex gregariis militibus, ob quærendum victum ad vicinos pagos excurrentes, speciem hostilis alicujus cohortis speculatoribus præbebant. *Panicus terror.* Certior ab eis redditus Chodkievicius, jam aliquot equitum turmas è castris in campum eduxerat. reliquus exercitus prælio se accingebat. cùm Stanislaus Zoravinscius Castellanus Belzensis, cujus tunc legio in excubiis diurnis permanebat, ipse omnibus vicinarum sylvarum saltibus accuratiùs perlustratis, mox

mox suos ex voce & habitu cognovit, & rem, ut se habebat, Chodkievicio retulit. Hanc exercitus perturbationem brevi idem dies in summum convertit gaudium, optatissimo adventu subsecuto Doroszenkonis Cofacorum Zaporohensium legati, qui devastatis Orioviensis regionis fertilissimis conditionibus, & Sorokâ funditus deletâ, prospera jam incepti belli primordia enarrando, simulque advenientium propè Cofacorum & debitum obsequium, & propensissimum in Rempublicam studium sacrosanctè promittendo, commune tædium publicâ compensavit lætitiâ. Faustum hinc ulterioris progressus arripiebatur omen; solus cum reliquo suo exercitu & cum majoribus tormentis desiderabatur Vladislaus. Moverat jam Leopolim castra: sed ut eò citiùs versus Chotinum properaret, Stanislaus Zoravinscius Castellanus Belzensis cum Iacobo Sobiescio Palatinide Lublinensi, nomine Ducum & totius exercitus, susceperunt ad eum legationem, per fas patriæ, Parentis & altricis suæ, per F suum

*Adventus  
Doroszen-  
konis Le-  
gati Cofa-  
corum.*

*Ad Vla-  
dislaum  
missi Ca-  
stellanus  
Belzensis,  
& Iacobus  
Sobiescius.*



suum Regiæque domus decorum, per flo-  
rentem denique hætenus Paternum domi-  
natum, ardentissimis precibus flagitando,  
ut se in castra Chodkievicii sisteret, ad di-  
vertenda communi ope imminetia Polo-  
niæ regno pericula. Ad pagum ii Probuzne  
repererunt Vladislauum, gloriæ & novi in  
*Exercitus*  
*Vladislai.* Rempubl. meriti avidissimum. Sequeban-  
tur eum Ioannis Wejer Palatini Culmenfis,  
Ernesti ac Gerardi Dönophorum tria ag-  
mina peditum Germanorum, Vngarorum,  
Nicolai Kochanovii, Almathi Bartoszevii  
cohortes, & sexdecim bombardæ mayo-  
res: Hastatorum equitum. Nimiræ Pod-  
lachia, Constantini Plichtæ Sochaczovien-  
fis Castellani turmæ, & ipsius Vladislai  
Prætoriana cohors, cui Martinus Kazano-  
vius præerat. Constabat hæc Nobilitatis  
insigni flore, & splendido ex privatis im-  
pensis comitatu. Ianussii Ducis Wisniove-  
censis, Adami Przyemscii Curruum Regis  
præfecti, Andreae de Danbrowica Firley  
Casimiriensis, Pauli Dzialynscii Bratianen-  
fis Capitaneorum, Stephani Koniecpolscii,  
Sigif-

Sigismundi Tarlonis, Thomæ Sobiescii,  
& aliorum magnæ in Republ. spei lectif-  
simorum ac nobilissimorum juvenum. Erant  
& levis armaturæ Gniewoszii, Zborovii,  
Ioannis Dzierzek: Gravis verbò armaturæ  
Palatini Culmenfis & Dönoffii Capitanei  
Hiperpolensis cohortes. Tum Pauli Vo-  
lucii Episcopi Vladislaviensis, Antistitis ob  
hanc in patriam pietatem æternâ memoriâ  
dignissimi, centum hastati equites, & cen-  
tum pedites, quibus Philippum fratrem  
suum Castellatum Ravensem præfecerat;  
item Alexandri Radzivillii à majorum suo-  
rum constantissimo in defendendâ Republ.  
animo non degeneris, hastatorum, levis  
armaturæ, & peditum tria vexilla. Summâ  
utrumque Legatum humanitate Princeps  
excepit, & attentissimas aures precibus  
exercitus porrexerit, tardio rem suam adven-  
tum excusans, partim ob tormenta bellica  
Leopolim ferius & malo ordine advecta,  
partim ob tabescentem, & in horas lan-  
guentem peditatum Germanorum, qui lon-  
go itinere confecti, nimio æstu afflictæ, la-  
borif-



borisque minimè tolerantes, & guloso oleum esu continuis morbis exhausti, serpere potiùs, quam progredi, & loco corporum, umbras hominum præ se ferre non sine magnâ spectantium commiseratione videbantur. Quæcunque à Vladislao accepimus, tum ipsi vidimus, ea omnia in castra reversi Chodkievicio fideliter retulimus, qui tum temporis tristissimo nuncio perturbatus, ingentes curas animo coquebat. De Cosacorum Zaporohensium ad internecionem cæso exercitu, incerto auctore, (ut sunt inania famæ) percrebuerat rumor, qui in majus, more vulgi, creditus, & ex longinquo variis sermonibus auctus, in deterius vergebat. cuncta enim castris observabantur funesta; tam summorum, quàm infimorum par luctus, demissus vultus, tristis aspectus apparebat, suspensa denique omnium capita cernebantur, ac murmure cum gemitu conjuncto (quilibet enim mœsta proclamare detrectabat) per tentoria militum differebantur lugubria nova. Chodkievicius animo anxius, certior in

*Novatristia de Cosacis Zaporohensibus.*

tior in utramque partem reddi, hoc unum cogitabat. unde Lifzka & Kuliczkovius, cohortium levis armaturæ Præfecti, versus Stepanowce excurrerant, atque à Tartarorum exercitu præclusos sibi aditus nuntiantes, primi rumoris fidem cumularunt. In rei autem veritate Zaporohenses ex ipsis extremi periculi faucibus erepti, foelicissimo ac gloriosissimo successu cum Turcis decertarunt. Octo ferè diebus ac noctibus impendebat illis Turcarum exercitus, continuo insultu, & integro numero-

*Cosaci à Turcis interficiuntur.*



46 BELLUM CHOTINENSIS,  
 oppugnabat nidulo affixos & humanâ ope  
 orbatos. Atque dum uno ac altero die ir-  
 ritos suos conatus indignabundus Osma-  
 nus vidisset, naturam, quæ instinctu divi-  
 no locum iis munitum præparaverat, fame  
 debellare contendit. Obsessi undique ( ut  
 est desperatio magnum ad honestè mo-  
 riendum incitamentum ) cum incredibili  
 ausu hosti immanissimo restitissent, nota-  
 bilem in Turcico exercitu stragem, stu-  
 pentibus ac freudentibus ipsis hostibus  
 edebant; tandem labore confecti, inediâ  
 consumpti, pulvere sclopetario destituti,  
 fide prius imploratâ, à tot calamitatibus  
 reliquum, & quasi jam extremum spiritum  
 in manus ferocissimi Tyranni inâ cum ar-  
 mis tradiderunt. Qui virus suum à majo-  
 ribus adhuc in Cosacos conceptum, in  
 hoc, ceu aliquo inermium hominum ma-  
 cello evomere cupiens, abhorrendam om-  
 nibus seculis, ac apud summam etiam bar-  
 bariem pudendam lanienam exercuit, &  
 cum omnes diversis suppliciis, in truci suo  
 conspectu mactari jussisset, tunc demum  
 inusi-

LIBER PRIMVS. 47  
 inusitatam suam crudelitatem satiavit, cum  
 majestate Imperatoriâ abjectâ personam  
 carnificis sumens propriis manibus aliquot  
 ex iis ad arborem ligatos, partim sclopeto,  
 partim sagittâ transfixisset. Præbebant mi-  
 seri teterrimæ belluæ supplex jugulum,  
 immortalis gloriæ æternâ vestigia ibidem  
 relicturi, ubi mortalem deposuissent vi-  
 tam. Illos certè genere & factis antea ob-  
 scuros tali demum interitu eadem fors no-  
 bilitavit, quæ & Osmano tanquam gene-  
 ris humani prodigio perpetuam ignomi-  
 niam, ac perenne apud omnes Heroas op-  
 probrium inussit.

Ad castra Chodkievicii prædonum Mol-  
 davorum solita latrocinia non cessabant:  
 adjunctâ sibi certâ Tartarorum manu eos,  
 qui pabulandi causâ incautiùs excurrissent,  
 sæpiùs aggrediebantur. Petrum quoque  
 Konaszevicius ejusmodi, ut referemus,  
 casus in summum impulerat discrimen,  
 quod duce Fortunâ, & singulari suâ vir-  
 tute comite tandem evasit. Converterat  
 ad Stepanowce iter, illic se exercitum Za-

*Latroci-  
 nia Mol-  
 davorum.*

*Casus me-  
 morabilis  
 Konasze-  
 vicii.*

poro-



porohensium deprehendere ratus, postquam incidisset in impressa ad instar latioris viæ equorum vestigia; mox pro hostibus suos transisse summo errore iudicavit. Accensi à Turcis obscuriore nocte frequentissimi ignes; & hi illum fallebant. jam enim à Cosacorum castris proximum se esse gaudebat. Illucescente statim die dum ex opposito monte tentoriorum apices conspexisset, retrogredi cœpit. insequuntur Turcarum speculatores: plures etiam advolant. ille comitatus sui paucitatem solâ animi alacritate ac manus promptitudine superare elaborans, ita manus cum obvio hoste conferebat, ut tamen ad majorem, quem longiùs reliquerat, suorum manipulum contenderet. nec ab Annibale & Molodecio deferebatur. Acriùs instabant Turcæ. amisso ille equo, & ob transfixam sclopeto manum, viribus primis destitutus, in adjacentes se sylvas recepit, ubi die ac nocte latitans, viarum ignarus, & ideo consilii inops, tum ex incurato vulnere debilis, languido gressu ad Tyram dirigebat,

rigebat, quem simul ac transisset, non procul à Mohilovo castra sua reperit. Zaporohensis Cosaci Borodavkæ regiminis peritæsi, solemni suo more, per unanimum acclamationem, Konaszevicium in exercitus sui præfectum iterum creant, qui Borodavkam, multorum criminum ab ipsâ multitudine accusatum, in vincula conjecit, & brevi post ad Chotinum capitis poenâ condemnavit. Infestabantur nihilominus omnes circum castra viæ quotidianis ferè latronum excursionibus. Iam insidiis petitiæ infidiæ, atque ad comprimendam illorum licentiam nonnullæ equitum expeditorum cohortes, in latibulis sylvarum, iteratis vicibus, erant abditæ. Sed, cum nemo apparuisset, frustrâ expectabatur, circumspecta præsertim locorumque peritissima illa colluvies. Aliquot Zaporohensium manipuli ab exercitu separati, dum reportatâ ex territorio Onoviensi prædâ, versus Chotinum properando, densum excitassent pulverem, pro hostibus è longinquo facillè judicati, canendi per castra classici ansam

G

dede-

*Latrocinia  
Moldavorum.*

*Adventum  
legionis  
unius Zaporohensium.*



50 **BELLI CHOTINENSIS;**  
 dederunt. Iam acies tum instrui à ducibus  
 coeperat, cùm de adventu illorum certus  
 nuncius pervenit, qui cohortium strepitum  
 statim compescuit. Cantimirus, pluribus  
 antè præliis prospero eventu cum Polo-  
 nis commissis nimiùm feròx, & fuetis pu-  
 gnandi furtis summopere confusus, primam  
 ulterioris belli aleam subire voluit. Sele-  
 ctis ex Tartarorum copiis veteranorum  
 quinque millibus, ipse in remotiori sylvâ  
 latitabat, fratre germano emissò, qui duo-  
 rum millium equitatu, cui maximè fide-  
 bat, stipatus, & optimam stratagematis  
 occasionem ex coortâ nebulâ nactus, in  
 excubias Poloni exercitus incidit, quibus  
 vix non ad ipsam Lubomirscianam portam  
 insistendo, barbaro clamore ac inordinato  
 periculo castra implevit. Vnus ex Tarta-  
 ris, corporis egregiâ compositione, emi-  
 nentiori staturâ, & imperterritò animo in-  
 signis, acerrimè dimicando, à portâ Lubo-  
 mirscianâ lapidis ictu propiùs occubuit.  
 Ab aliâ verò parte, per montium Tyræ in-  
 hærentium declivia, Tartarorum cohors  
 inva-

*Cantimiri  
 primi co-  
 natus.*

**LIBER PRIMVS.** 51  
 invaferat, in primo castrorum ingressu sta-  
 tiva Piotrovii, qui levis armaturæ equitum  
 præfectus, à custodiâ vadum fluminis  
 redeundo, magnâ exercitus Poloni fortu-  
 nâ illic restiterat. Dolus enim hostilis, ip-  
 sis castris imminens, in miserabilem co-  
 hortis ejus stragem conversus est, ubi com-  
 militonum plurimi, propter exercitus sui  
 viciniam securi, & itinere nocturno de-  
 fessi in utramque aurem dormiebant. Nec  
 impiger Chodkievicius, quamvis malâ va-  
 letudine affectus, contra advenientem ho-  
 stem, exercitum in aciem redegit. Dextrum  
 cornu Lubomirscius obtinuit, acceptâ in  
 subsidium Matthæi Lesniovii Succamera-  
 ri Belzensis legione; finistram occupavit  
 Chodkievicius, agminis fronte in obvios  
 collium asperiorum anfractus conversâ,  
 unde ex insidiis impetum Tartarorum me-  
 tuebat, atque ibi legionem suam & Sienia-  
 vianam collocaverat; quibus pro subsidiis  
 imminebant legiones, in primo ordine, Pe-  
 tri Opalinscii Poseniensis & Bohuslai Zie-  
 novicii Polocensis Castellanos; in se-  
 cundo,

*Acies tum  
 primum  
 instructa.*



52 **BELLI CHOTINENSIS,**  
 cundo, Alexandri Sapiehæ Orfanensis, &  
 Nicolai Kossacovii Visnensis Capitanei:  
 medium constabat agmen ex legione Sta-  
 nislai Zoravinscii Castellani Belzensis &  
 Boratini Lipnicensis Præfecti. adjunctæ  
 iis erant Svizinii & Srzedzinscii, militan-  
 tes sub signis Thomæ Zamoscii Palatini  
 Kyovienfis, hastatæ cohortes. In tantâ, &  
 maximè tyronum multitudine, non omnes  
 observabant, in iis præsertim primordiis,  
 exactum in acie ordinem; idque non sine  
 Chodkievicii stomacho, qui incredibili  
 animi promptitudine & dexteritate, in nu-  
 merato habens omnes uniuscujusque legio-  
 nis cohortes, suum cuilibet locum, verba  
 facto adæquans, destinabat. Tam ob Vla-  
 dislai atque exercitus Zaporohensis absen-  
 tiam, quàm ob variatum à Comitiorum in-  
 stituto militiæ numerum, & mutilatas plu-  
 rimas, quæ aderant, cohortes, statim ma-  
 gnos in suo exercitu defectus facilè adver-  
 tit Chodkievicius; cum multò diversam  
 aciem in animo suo disposuisset, tanquam  
 Dux hac in arte versatissimus, & cum om-  
 nibus

**LIBER PRIMVS.** 53  
 nibus, non modò sui, sed veteris etiam ævi,  
 Imperatoribus comparandus. Collocave-  
 rat etiam nonnullas gravis & levis armatu-  
 ræ, Germanorum & Hungarorum peditum  
 cohortes, in sylvarum latebris, ut ex insidiis  
 Tartaros aggredierentur, atque feliciter  
 stratagema successit. impetu enim in hostes  
 facto, parvo negotio catervas illorum dif-  
 siparunt. Cantimirus fugâ suorum perspe-  
 ctâ, in eandem se ipse conjecit, & Zaporoh-  
 ensibus obviam casu factus, Tartarorum  
 plurimos ex præcipuâ militiâ amisit. Ca-  
 ptivorum de proximo tum Osmani, tum  
 Dziambergerei Tartarorum Chami adven-  
 tu constantem relationem Szembergus &  
 Constantinus Vevellius confirmarunt. nam  
 relicto quatuor à Chorino miliaribus Tur-  
 carum exercitu, tanquam præsentissimi bel-  
 li Feciales in castra redierant. Vsaimus Ve-  
 zirazemes Szembergum, honorificè tamen  
 tractatum, coram Osmano celavit. Il, qui  
 de renovandâ pace per Constantinum Ve-  
 vellium utrumque Ducem sollicitarant, tur-  
 pi ob servilem metum mendacio inficias  
 iverunt;

*Reditus  
 Szembergii  
 cum Ve-  
 vellio.*



iverunt ; datumque ab Vſaimo ſuperbum reſponſum , pacem nimirum, quam Poloni peterent , ſitam in armis eſſe. Impendens totius Reipubl. cervicibus inexpertum ha-ctenus periculum , tubâ etiam eſt per caſtra denuntiatur. Animabantur in familiaribus colloquiis à Ducibus milites,unicam vigere ſpem, certamque ſperari ſalutem in divinâ ope & Polonâ virtute, ſuadebant vim vi propugnandam, arma armis repellenda : non patêre hîc locum precibus,quam ſummâ labe avitam gloriam contaminarent ; tantò minùs auro vel pecuniâ pacem redimendam, quod utrumque ferro ſæpiùs parari ſoleat. Ad maiorem verò ſecuritatem, ſummâ celeritate caſtra vallo & foffis per legiones muniri imperavit Chodkievicius. Konaszevicius uno miliari à Chotino caſtra ſub veſperam metatus, cùm tamen Turcas imminere ſibi advertiſſet, non plùs horâ Coſacis ſuis, poſt tot exantlatoſ labores, reſpirii conceſſâ , eâdem nocte in planitiem ad Tyram vergentem, & Chodkievicianis caſtris proximum, exercitum ſuum movit.

CHOTI-

## CHOTINENSIS BELLI

## LIBER SECVNDVS.



Memorabilis hic Polonis in om- *Adventus*  
nem poſteritatem evenit dies, *Osmani*  
quo tam cum Oſmano Turca- *ſecunda*  
rum, quàm cum Dziambege- *Septem-*  
rio Tartarorum, ex tot regnis *bris.*  
ac gentibus collecta potentia Regno ſuo incubuit, ac Othomanici per tres orbis partes latiffimè patentis imperii, elata ex innumeris victoriis ſigna tunc ſe Poloniae oſtendarunt. Tunc Tyras Euphrati, Nilo, ac vicino Danubio invidens, ad accedentis novi hoſpitis, & tanti Imperatoris majeſtatem, veluti alveo ſuo exurgere ; Aſia cum Africâ, quaſi propriis ſedibus mota, in Podoliam properare cernebantur. Immenſa illa & variarum nationum colluvie referta agmina, à diverſo coelo, ex longinquo ſolo, ad Sarmaticos limites coadunata, aliam aëris conſtitutionem, diverſum locorum ſitum, omnia denique oculis ſuis peregrina-  
miraban-



*Exercitus  
Osmani  
descriptio.*

mirabantur. Multis barbarorum prius erant experta arma Polona, quàm eorum nomen auditum: ad plures citius explosarum bombardarum pervenerunt globi, quàm antea aliqua de remotissimâ gente notitia. Varia armenta, præcipuè buffalorum, camelorum, mulorum greges, multitudi-  
ne suâ, excutiebant è longinquo ex aridâ ob inopiam imbrium terrâ, ad instar nebulae, densum admodum pulverem. Quatuor etiam Elephantis fervens sanguine ac ætate Tyrannus, insolenti potentiæ suæ alludere, & Africæ monstris Polonum exercitum terrere voluit. Est, quod omnis miretur ætas, metandorum castrorum tempus quasi momento hostibus constitisse: incredibili celeritate explicata, atque extensa tentoria, illo splendore & candore, ac subitanea coelo demissa nix esset, tres eminentissimos montes impleverant. Dziambegerus uno inde miliari, inter circumjacentes sylvas, stagni cujusdam commoditatem nactus, Tartarorum collocavit exercitum, cum Valachis, Moldavis, iisdem quibus & Turcæ

Turcæ castris continebantur. Ingentem Barbarorum numerum, tum ex occupato loco, tum ex frequentissimis agminibus, facile colligere quilibet poterat. Variant hîc tamen tam nostri, quàm Turcæ. mihi narrasse sufficit, in hoc bello capita sua duos Imperatores devovisse; quorum si substituti Duces, numerosissimis sæpius cum Christianis copiis decertarint, credibile profectò eveniet, ipsis plus tum temporis propriæ salutis ac dignitati consuluisse. Ianizerorum (quod militiæ Turcicæ robur semper fuit) multò, quàm vulgò credebatur, pauciores reperti. causam præbuisse affirmant, magistratuum avaritiam, quæ præter majorum institutum in militum locum pecuniam emungebat, dum quilibet pro labore munuscula, & æs pro periculo libentissimè offerret. Equitatus, ob vestium,

*Numerus  
Turcarum  
& Tartarorum.*

*Equitatus  
Turcarum.*

H quo



*Asiatici.* quo itinere attriti, non adeò, ut expectabantur, comparebant validi. Asiatica imbellis turba numerum tantum explebat; promissis magis barbis (quas Turcæ summâ curâ plerumque alere solent) quàm fortibus factis notabilis, clamore, non virtute insignis, ad fugam prona, ad conflictum inepta, mercibus ac opificiis, non præliis assueta. Multi senio jam confecti, plurimi corpore obesi, nec arma dextre tractare, nec munia belli ritè obire valebant. *Europææ copiae.* Europææ copiae, decus & præsidium totius exercitus meritò erant. Veterani in illis Hungaricis bellis exercitati milites, corporis ac animi habitu, & ipso etiam vestitu ab aliis Turcis dissimiles, veteris adhuc Christianorum coloniae primos spiritus, & antiquæ militiæ nonnulla vestigia retinebant, atque hastati ii plerumque in primâ constituebantur acie. Communia, quibus exercitus Turcicus accingebatur, arma vidimus, cum acinace arcus, aduncos ferreos clavos, & angulares clavas, maximè verò breviores cum cuspide emissarias hastas, quarum

quarum jactu hostes suos feriebant. minorum bombardarum ac sclopetorum rarissimus apud eos usus, præter lanizeros solos, apparebat. loricas nonnulli induebant, alii vestibis tantum cooperti, graviores etiam ictus à Polonis, magnâ ex parte armatis, excipiebant. Ariolorum maxima in exercitu ab Osmano fovebatur turba, ad quorum vanissima auguria, inani quoque superstitione, omnem belli progressum dirigebat. Tormenta bellica, summo & apparatu & sumptu, ad fortissima quævis quatienda moenia adaptata, cingebant magno loci ambitu, tanquam validissimo muro aliquo, tot tentoria Polonis propiùs opposita, quorum aliquot globos 25 libras ponderantes propriis hisce oculis conspexi. Tibiarum in magnâ copiâ, tubarumque ingratus auribus inhorrescebat sonus. Nihil tamen horum terruit ad omnia discrimina præparatum jam pridem Chodkievicii animum, qui educto castris exercitu, adjunctisque sibi Zaporohenfibus Cosacis, eundem, quem nudius tertius

*Tormenta bellica.*

*Musica militaris.*

H 2 contra



*Acies con-  
trà adve-  
nientem  
Osma-  
num.*

contra Cantimirum locum, ac lævum cor-  
nu occupaverat, munitâ legionis suæ fron-  
te densis Opalinscianæ, Zienovicianæ, &  
Sapiehanæ legionibus. Dextrum cornu ad  
sylvas, ubi latitabant Tartari, vergens, Lu-  
bomirscio contigerat, qui in fronte collo-  
catis suâ, Ioannis Rozrazevii, Zlotnicii,  
Ianovii, Ratovii, hastatis cohortibus, sub-  
sidia ita multiplicaverat; ut primum in iis  
renerent ordinem Stanislai Zoravinscii Ca-  
stellani Belzensis; secundum, Matthæi Les-  
niovii Succamerarii Belzensis, & Stephani  
Potocii Capitanei Camenecensis hastati  
equites; tertium, binæ Ioannis Farensba-  
chii turmæ; quartum, Boratinii legio; quin-  
tum demum, Herburti Scalensis Præfecti,  
Stanislavii & Alexandri Prusfinovii Palati-  
nidis Belzensis hastatæ cohortes. Mediâ  
inter duo cornua acie continebantur ali-  
quot Germanorum peditum cum bombar-  
dis majoribus cohortes. Extremum verò  
agmen, ad ultimum sustinendum hostium  
imperum destinatum, constabat lectissimo  
Nicolai ac Procopii Sieniaviorum equita-  
tu, &

tu, & merentibus sub signis Thomæ Za-  
moscii Palatini Kyoviensis, Swiezinii ac  
Srzedzinscii cohortibus, quibus à latere in  
subsidio Nicolaus Kossacovius Capitaneus  
Visnensis cum suâ legione aderat. Magnum  
inter Lubomirscium & Chodkievicium,  
ob illos, quos antè recensuimus, defectus,  
patebat intervallum. Ne verò Tartari ex  
sylvarum insidiis postremos agminum or-  
dines solito suo astu divellerent, aut sub-  
reptitio antiquo stratagemate in extrema  
castrorum irrumperent, conversæ versus  
easdem sylvas sunt plures, tam in fronte,  
quàm in alâ, levis armaturæ cohortes. In-  
stitutâ igitur Chodkievicius universâ acie,  
brevis, in quantum temporis ratio exige-  
bat, pristino suo, summorumque Impera-  
torum more, exercitum cohortari coepit.

Campus hic, fortissimi milites, in quo  
utramque cernitis aciem, factorum potius,  
quàm verborum capax esse debet. Non  
me natura ad loquacitatem composuit, aut  
ætas, in castrensi pulvere transacta, specio-  
sos mihi dicendi flosculos inferuit, nec ip-  
sum

*Oratio  
Chodkie-  
vicii ad  
exercitum.*

H 3 sum



sum proelii, quod mox subsequetur; momentum, prolixam ad vos postulat orationem; qui charissimæ Patriæ & communis Reipublicæ cives, pro ejus gloriâ ac incolumitate, corpora vestra devovistis. Multum equidem fatis debeo, quod me è variis continuorum bellorum casibus ac periculis ereptum, & diversis, ut nunc videtis; morbis conflictatum, ad hunc usque diem reservarunt, ut vel vivus optimè de Regiâ Majestate ac inclytâ hac Republ. mereri; vel mortuus, tot Christianorum, tot denique civium meorum manibus in hostili solo parentare possim. Primum in ipsâ causæ æquitate, quæ semper cum Christianis contra Pagmos militat, postea in hac uniuscujusque vestrâ dexterâ spem; & totius regni salutem positam esse, velim sciatis. Non vos terreant ista, quæ conspiciatis, tentoria, in fastum Tyranni, & inanem vestrum pavorem extensa, cum plurima hominibus vacua, oculos tantum fascinent: nec elephantis, aut camelis pugnandi vis inest; sarcinis illi suis onusti im-

fito

fito oneri succumbant: absit vobis aliquem terrorem incutiant. Hanc Asiaticam multitudinem pro inani umbrâ, & vano numero reputate: an'imo, victu, vestitu molles; voluptatibus suis enervati, & à muliebri agmine non dissimiles, ad primum Polonæ tubæ classicum, armorumque vestrorum strepitum concident, nec vobis unquam resistent, genuinis virtute & stirpe Sarmatis, ac duri Martis veris alumni; quorum olim majores, ab occidente, Albi, ab Oriente, Borystheni, ferreas illas imposuerant columnas, tanquam duratura cum ipso ævo sempiterna per tot sæcula gloriæ monumenta. Signo dato, ruite in hostes Poloni & Litvani, avitæ gloriæ memores. nec enim ignavissimo cuique hîc jam in hostico, inter alluentem rapidissimum fluvium, ac diffusas undique Turcarum & Tartarorum copias, occasio fugæ dabitur. Fortissimis verò viris, perpetuæ memoriæ latissimus patebit campus: Timidis, quos inter vos reperiri nec puto, nec opto, cedit in virtutem necessitas, audaces confir-

met



met ipse constans. sibi animus, ipsa demum in Deum & patriam pietas. Tu, ô summa iustitia atque potestas, per quam Reges regnant; & omnes in terris bellatores victorias obtinent, insurge in acerrimos nominis tui hostes; atque dextrâ tuâ fac virtutem, scelerum nostrorum vindictam retarda, immensæ verò potentiae tuæ digito Paganorum conterendo agmina, iustas tandem de immanissimis gentibus fume poenas.

Simul ac dicendi finem fecisset, multis in exercitu excussit lachrymas, in omnibus certè incredibilem quandam alacritatem excitavit. Avidissimè quilibet pugnae tesseram expectabat. canebant nonnulli diversum in laudem Deiparae sacratissimæ Virginis Pæana: nonnulli jam in proelii procinctu tum ultimæ voluntatis codicillos raptim notabant, tum anteactæ vitæ nævos sacris confessionibus expiabant. nec officio suo deerant ex variis Divorum familiis pii Religiosi, qui, in ipsius periculi limine, cohortibus se immiscentes, pro loci

*Preparatio exercitus ad prælum.*

& temporis commoditate, devotis exhortationibus mentes Christianorum militum disponebant, & contra omnes Sathanæ insultus muniebant. Osmanus in suo impotenti animo fingebar jam, ipsâ adhuc adventus sui horâ; certam Turcarum victoriam, hostiumque Othomanicæ domus extremam ad internecionem cladem. atque eâ spe insolescens, cibum sumere detrectavit, donec prius omnes, ad minimum Poloni, apud inferos essent cœnaturi. Inde ad primum aspectum viribus, quas oppositas vidit, contemptis, nullâ ex continuo itinere exercitui quiete concessâ, eodem ferè momento, novo & inaudito hactenus bellandi exemplo, illic castra sua locare, hîc Polonos aggredi iussit. Coorta inter excubias Cosacorum Zaporohensium & Turcarum speculatores velitatio, non magni in Cosacos imperus initium dedit: quem cum fortissimè sustinerent, & æquè pedites ac equites in barbarorum agmina summo ausu irruerent, ne tamen ictu suo defessi ab ingruente Osmani exercitus vi

*Prima velitationes*

3

*certamina.*

I obrue-

29



obruerentur, latitantes in collium & sylvarum anfractibus Hungarorum ac Germanorum peditum cohortes, improvisâ eruptione factâ, lassis jam Zaporohenfibus suppetias ferebant. Excurrebat & Chodkievicius, Ruffinovianis (qui vulgò Lissoviani vocabantur) & nonnullis gravis & levis armaturæ equitibus, atque selectâ ex universo exercitu alacrium militum catervâ stipatus. Acrius postea commissum prælium appropinquans nox diremit. Pedites, arboribus se inter virgulta obtegentes, cum manifestâ Ianizerorum jacturâ sclopera sua in eos explodebant. Equites magno utrinque ardore, animante suos Chodkievicio, manus conferebant. Nec tormenta Turcica talem, ut illo boatu suo minabantur, stragem in Polonis ediderant. Septem numerabantur equi ex Chodkievicianâ cohorte interfecti, unus ex gregariis militibus interemptus, ictus in dextrum pedem majoris bombardæ globo Zawifza, adolescens, ex Kiscianâ cohorte, stirpe nobilis, qui postea in castris maximis doloribus excru-

excruciatus animam exhalavit. Bohodanus etiam & Czarowic, deductæ olim à Vitol-do Tartarorum coloniæ posteris, semperque in Livonicis ac Moschoviticiis bellis egregiâ in Rempubl. fide insignes, & tunc communi cum Turcis Mahometanâ superstitione minimè devincti, non tanquam cum religionis suæ fociis, sed sicut cum patriæ hostibus acerrimè dimicantes occubuerant. transfixi sclopeto Ruffinovius legionis, Iedrzejovius, qui ex eo vulnere obiit, & Kluscus levis armaturæ, Klebecus Livo & Ryszkovius gravis armaturæ equitum Præfecti, atque Rakovius peditum centurio, quos Ioannes Stanislaus Sapieha supremus Magni Ducatus Lithvaniæ Marschalcus propriis sumptibus in exercitu alebat. vulnerati plures, occisi aliquot in variis cohortibus equi. Sed hanc, qualiscunque fuerit, jacturam, notabilis Turcarum clades compensavit. Auferebantur sua frequenti Turcarum manu cadavera, à peditibus verò Polonis generosi ducebantur equi; inferebantur castris equorum



splendida ornamenta, vestium elegantissimarum exuviae, hastarum fragmenta, variique generis armorum reliquiae. lixæ etiam & calones, pecuniâ, auro, & pretiosâ supellectile locupletati, in castra redibant. Vſaim Bassa monocus, qui Skinder Bassæ in Silistrensi præfecturâ successerat, & tunc summâ autoritate atque bellicâ laude inter omnes ferè, qui aderant, Turcarum proceres eminebat, globo transfixus, maximo sui in exercitu Turcarum desiderio relicto, vitam cum morte commutavit. Quidam ex præstantioribus Osmani aulicis, Asiæ minoris præfecti cognatus; vivus quidem in potestatem Polonorum venit, sed præ nimio vulnerum dolore, cum nullam vocem exprimere posset, statim expiravit. Tàrtari se pauci admodum velitationibus ingerebant. ad distinendum enim Lubomirscii dextrum cornu destinati, sylvis tantum inhærebant, neque præclari quidquam facinoris, præter solum barbarum clamorem, edebant.

Prospera istius diei in primo conflictu  
I ..... auspicia

auspicia pro optimo reliqui belli augurio reputabantur.

Subsecutâ nocte iniit Chodkievicius *Consilium de belli progressu.* consilium de ulteriori progressu. Ardebat invicti animi Imperator summo pugnae ac gloriae desiderio; & antequam medius campus hostium fossis ac munitionibus undique impleretur, Martis eventum experiri cupiebat. Commissarii cunctationem ei suadebant, neve Reipubl. fortunam extremæ committeret aleæ, flagitabant, cum & subsidia generalis totius Regni expeditionis tardarent, & Vladislaus, ad alteram fluvii ripam, ab exercitu suo disjunctus, periculo non careret. Annuit facilè salutaribus sententiis Chodkievicius, optimè animadvertens, rei gerendæ occasionem præmanibus sibi esse, nec invito pugnae necessitatem ab hoste inferri posse. Vladislaus, *Vladislaus adventus,* omnibus impedimentis cum magnâ exercitus sui parte ad Braham relictis, selectæ militiæ ac nobilitatis flore comitatus, in castra ad Chotinum venit. sed sive præ nimio æstu, dum armatus in ipso diei ardore



et dore à Cameneciâ ad Tyram contenderet, five etiam ex repentinâ aëris Moldavici mutatione (quæ plerumque ad instar acerimi hostis multa robustissima quævis corpora vexabat) in gravem ac periculosum inciderat morbum, quo plurimum confictatus, & cum summâ etiam animi ægritudine, durante illâ expeditione, lecto affixus in castris decumbebat.

*subsecutus statim morbus.*

Simulac Dziambegerejus Tartarorum Chamus Osmano se conjunxisset, magnæ inter eos intercesserant similitudines. barbaro fastu elatus Princeps iniquis oculis intuebatur Cantimirum, genere & gradu inferiore, propriumque subditum, sibi ab Osmano præferri, eum in summâ veneratione apud omnes Turcas haberi, & præter vetus majorum institutum, in Silistriæ & Besfarabiæ Præfecturam evehi. Inde non illo studio ac obsequio, quod utrumque promittebat, mandata Osmani exequiebatur, verum nomini ejus infensus in suis seorsim stativis permanebat, atque Tartarorum commoda satagendo, nec communicato cum

cum Turcis consilio, Nuradinum fratrem suum natu minimum, aliosque fidos & rei militaris peritissimos proceres, quibus se & Cantimirus immiscuerat, ad vastandas Russiæ & Podoliæ ditiones expedit. Turcæ nihilominus in Polonorum perniciem semper intenti, ab hostili conatu non abstinebant. Legio tunc Petri Opalinscii (qui dum post hanc expeditionem in Palatinum Posnaniensem Ioanni Ostrorog successisset, magnamque sui in omnium animis expectationem excitasset, in ipso virilis ætatis flore extinctus est) in diurnis vigiliis excubabat, cui opposita aliquot Turcarum agmina versus Lubomirscianam portam se convertebant, & jam plures illorum equites congregari cum Opalinscianis speculatoribus cœperant, donec uno ex Grzymultovii cohorte nobili viro desiderato, in speciem fugæ juxta præscriptum Chodkievicii terga dederint. Interim castra ab omni militiæ gradu, pari labore ac summâ celeritate muniebantur. tam Chodkievicianæ, quàm Lubomirscianæ portæ objecerant

*Nuradinus in Poloniam ex-  
cursio.*

*Certamen  
novum  
Turcis.*



72 **BELLI CHOTINENSIS,**  
 cerant pedites in modum aggeris plaustra  
 terrâ ac fimo repleta. constituerant etiam  
 ab utroque latere munitiones fossâ cinctas,  
 prout temporis ipsius ratio concedebat.  
 Turcæ, directo ad portam Lubomirscii cur-  
 su, Polonos, qui ex castris excurrerant,  
 magno clamore aggrediebantur. sed fre-  
 quentiùs explosæ, ex Lubomirscii pro-  
 pugnaculo, majores bombardæ plurimos  
 equis dejiciebant, adversamque discutie-  
 bant aciem. Reliquæ tamen Osmani legio-  
 nes, tum in declivio, tum in sylvis abditæ,  
 & ab omni tormentorum periculo remo-  
 tæ, celeri gradu properabant versus delu-  
 brum ritus Græci ex lapide confectum,  
 quod inter rudera Chotinensis oppidi in-  
 tegrum adhuc remanserat. Poloni, qui in  
 suâ ad vallum statione pervigilabant, post-  
 quam perspexissent hostem imminere par-  
 ti castrorum, exiguâ, aut nullâ ferè muni-  
 tione cinctæ, magno impetu illuc omnes  
 ruebant, unde præsentissimum discrimen  
 observabant: quos Ianizari ex sclopetis  
 suis depellere frustra conabantur. Non  
 enim

**LIBER SECVNDVS.** 73  
 enim vicinum jam fossæ hostem ibidem ex-  
 spectabant, sed singulari alacritate, & im-  
 perterritio animo, turmatim ex vallo in me-  
 dias defiliebant Ianizerorum cohortes, qui  
 cum vexillis suis sylvam castris proximam  
 occupaverant. Destinatum iis mox est à  
 Chodkievicio subsidium, partim ex cohor-  
 te Nicolai Kochanovii trecentorum pedi-  
 tum Hungarorum, qui in ipsâ corporis Vla-  
 dislai custodiâ merebantur, partim ex Ger-  
 manorum peditibus militantibus sub signis  
 Ioannis Wejer Palatini Culmenfis. Res igitur  
 ad acerrimum utrinque congressum  
 devenit. tandem hostes notabili reportatâ  
 clade in fugam se conjecerunt, quos ulte-  
 riùs insequi, ob insidiarum metum, circum-  
 spectus in omnia Chodkievicius vetavit.  
 Cosacorum quoque Zaporohensium ca-  
 stra ingenti ac irritò conatu à Turcis op-  
 pugnantur. tot majorum ac minorum  
 bombardarum globi coniecti nihil effece-  
 runt. Cosaci enim, viribus suis freti, lon-  
 giùs à fossâ excurrabant, hinc cum Turcis  
 cominus dimicabant, illinc in aperto cam-  
 po sclo-

*Turcarum  
 insultus in  
 Cosacos.*

K

po sclo-



po. sclopeta sua in eos securiùs explodebant. Turcæ animadversâ manifestâ suorum strage, amissis tribus campestribus tormentis, quæ postea sub vesperam recuperaverunt, primos illos conatus turpissimâ fugâ deseruerunt, mox nomen suum novo opprobrio contaminaturi. Calonum & lixarum fex, ac puerorum caterva, ludere, non pugnare edocta, ultrò se velitatio- nibus, quæ ab utrinque fiebant, intruserat: dum milites signo receptui dato in castra se contulissent, imbellis illa turba proelium redintegrait, & impetu in hostes facto solo clamore adedò eos perterruerat, ut Turcarum agmina, quæ plùs quàm ex centum vexillis constabant, perturbata ac dissipata, sine ordine, sine regimine in proximas sylvas fugam arripuerint, quos non fortium virorum arma, sed puerilis petulantia cachinni ac sibili, non sine insigni potentia Turcicæ labe insequiebantur.

Quamvis Chodkievicius præcipiti nonnullorum sensu sæpiùs eo traheretur, ut tergiversatione postpositâ, quàm primùm  
de sum-

de summâ rerum prælium cum Osmano iniret; dubium tamen ille Martem cautè experiri statuens, non speciosa, sed tuta elegit consilia. Totius belli ratio in munitionibus ei constabat, unde tum hostem ex libitu aggredi, tum imparem viribus suis Turcarum impetum securè sustinere posset. Vno igitur Græci cultus ligneo sacello, latebrarum hostilium capacissimo funditus dejecto, in altero priùs nominato, ex lapidibus fabricato delubro, collocaverat præsidium Ioannis Kochanovii peditum. Collem portæ suæ imminem, ad extruendum unius noctis operâ vallo & fossâ septum propugnaculum assignavit, quod nullâ interpositâ morâ machinis bellicis majoribus, & agmine peditum utriusque Dinhoffii munierat. Relictis Turcæ Polonorum castris, quicquid eis roboris inerat, in Zaporohenses converterunt. duabus ferè continuis horis reboabant bellica illorum tormenta: Ianizeri etiam sclopeta sua sine intermissione explodebant. Cosaci propugnando defessi, ne tandem ingenti

*Castra à  
Chodkie-  
vicio mu-  
nita.*

*Cosaci à  
Turcis op-  
pugnaban-  
tur.*



vi, & recentibus hostium subsidiis succumberent, opem à Chodkievicio sæpiùs implorabant, quæ illis non defuit. Germani enim Vejeri & Lerunti fortissimi viri, ac Georgii Ducis Zaslaviensis, Ielscii, Racovii, Hungari pedites, statim omnem Turcarum impetum repulerunt. Ante portam verò Lubomirscianam, quocunque hostium equites comparebant, ab alacri milite, qui ex munitionibus excurrerat, fugati, lautè sanguine suo obvium campum consperferant.

*Poloni à  
Tavris  
infecti.*

Ad alteram verò Tyræ ripam Tartari infestabant vias à Cameneciâ Braham vergentes, & plures ex Vladislai exercitu currus victum vehentes spoliabant. Turcæ quamvis à Cosacis attriti, eo tamen magis exulcerati, animum & vires iterum resumperunt: admotæ bombardæ grandiores adeò continuis aliquot horis quatiebant Zaporohensium fossam; ut aërem fumare, & oculos caligine quadam obscurari crederes, atque Chodkievicinus palàm fatetur, se, ab ineunte ætate bellis assuetum, similem

milem tormentorum boatum nunquam invitâ suâ audivisse. Edebatur non exigua in equis strages. Zaporohenses in manufactis cavernis sine ullo discrimine latitabant, cùm in eâ exploforum globorum admiraculum usque multitudine nemo ex iis periisset, præter unum Wasiuk (quod Basilii nomen est) veteranum unius legionis Præfectum.

Ad divertendum Turcarum à Zaporohensibus impetum, Rufinovii legio, cum aliquot gravis armaturæ cohortibus, destinata irruit in hostem, qui in primo statim congressu fractus, & inopinatè alio in loco, à numerosis alacris militiæ catervis, ex vallo in eorum agmina currentibus, oppressus, non solum coactus est turpissimam fugam capeßere, sed etiam, illas suas præcipuas bellicas machinas deferendo, gloriosam prædam Polonis relinquere. Verùm cùm ii in grandiores machinas ad quercus ferreis catenis ligatas cernerent; rotis earum abscissis, ne tam facilè à Turcis recuperarentur; ipsas bombardas in vi-

*Turpis fuga  
Turcarum.*



cinum præcipitium dejecerunt. Nec hîc substitit victoriæ cursus, qua utinam Poloni uti tunc scivissent! plûs una effecisset hora, quam 40 illi dies in summis laboribus ac periculis exacti. Turcas enim fugientes infecuti, in castrorum partem Tyræ adjacentem, jam tentoria cum omni supellectili abripiebant, equorum, camelorum, & varii generis armentorum greges abigebant, obvium quemque interimebant: jam Turcica castra Christianorum armorum strepitu, ac magnis clamoribus sæpiùs repetito tremendo cunctis potestatibus Salvatoris nomine resonare, jam sanguine suo inundari cœperant; cùm tam Zaporohensium Cofacorum, quàm adjunctæ iis castrensis fæcis pudenda prædæ libido hostibus ad recolligendas vires ultro tempus dedit: qui dum multitudinem illam spoliis inhærere vidissent, optimam rei gerendæ occasionem nacti, castris suis omnes pepulerunt, multos ibidem necarunt, captos quæsitis tormentis ac meditatâ sævitâ excruciarunt. major tamen eorum pars  
id

id discrimen evasit, spoliisque onusta rediit. Accurrit ad Chodkievicium, ante suam portam equo insidentem, celerrimus nuncius, Osmani castra à Cofacis Zaporohensibus & magnâ ex Polono exercitu turbâ esse occupata, ac ad plenam victoriam nihil nisi subsidia deesse: de quibus iteratis vicibus utrumque ducem Konaszevicius sollicitabat. Sed Chodkievicius solem inclinare jam inspiciens, nocti pugnam committere prudentissimo consilio renuit: nec minùs fatidico spiritu id pertimuit, quod suis cladem attulerat, ne prædæ in plurimis ignominiosa aviditas universum postea exercitum in summum præcipitaret periculum. Adeò credibile est, magnorum Imperatorum mentibus assistere semper singularem quendam Genium, qui illis salutares cautelas infusurrare soleat. Editio tamen profundo suspirio, ac profusis lachrymis, oculisque ad coelum elevatis, magnâ undique militum coronâ cinctus, in hæc verba prorupit. Tua, ô supreme rerum hominumque arbiter, potestas, tuum  
impe-

Chodkie-  
vici ver-  
ba.



imperium, & tuum est bellum. Tibi soli assurgit, quicquid sub Sole videtur magnum; praelia, clades, victoriae, ex tuo dependent nutu: ad libitum inermes armas, imbelles praestas bellicosos, conteris arrogantes, extollis humiles, ignavissimo cuique animum addis, ac ubi minimus apparebat timor, tu formidinem injicis, & (si ego abjectissimus ante Thronum tuum pulvis id eloqui possum) in rebus humanis ludis. Atque nunc divinam Majestatem tuam supplex veneror, quod ejusmodi ad me perveniant nuncii, stupendae tuae providentiae in patriam meam recentissimi testes. Perge tanta augere beneficia, opprobriis fatiare paganos, Christianorum verò propagare gloriam.

Ex hac insperatâ Zaporohensium irruptione Turcarum castra magna invaserat consternatio: nullus ordo aut gradus militiae terrore vacuus reperiebatur. & ipse Osmanus, cum antea minimè crederet, nihil tam firmum in mundo esse, cui etiam ab infirmo non immineat periculum, tum  
demum

demum, quàm fragili loco starent superbi, propriis oculis vidit, prioremque fastum in muliebre mutavit planctum, dum inani spe delusus conspexisset, praecipites in fugam eos ruere, quorum virtute fretus, non tantum de Polono exercitu, sed de universo terrarum Orbe certam sibi victoriam, & magnificos triumphos, vanâ fiducia, pollicebatur.

Ob faelicius subsecutam hanc incurfionem, inveniebantur nonnulli, qui noctu Turcarum castra invadenda seridò suadebant. Chodkievicius primis suis adhibitis rationibus opinionem eorum refellebat, in eam potius propendendo partem, ut quàm primum reliquae Vladislai copiae à Brahâ Tyram transissent, antequam exercitus pulvere tormentario, annonâ, commeatu, & equis fame passim intereuntibus destitueretur, aperto jam Marte cum Osmano decertetur. Verùm cum ei cunctatione facillimè vires Turcarum frangi posse, tam Commissarii, quàm alii in re militari versati legionum ac cohortium praefecti de-

L mon-



82      **BELLI CHOTINENSIS,**  
monstrassent, arreptum consilium deseruit;  
omnemque animum partim ad corrigenda,  
partim ad augendas castrorum suorum  
munitiones applicuit.

*Insolentia  
gregarii  
militis.*

Memorabilem gregarii militis insolentiam ad posteritatis horrorem inferere hîc operæ pretium arbitror. Ementitum illi sparferant rumorem, Chodkievicii mandata accessisse, ut omnes Moldavi, qui hæcenus Regias partes sequerentur, nunc manifestâ perfidiâ notati, penitus sine ullâ commiseratione delerentur. Ad radicem ii Chotinensis rupis, per familias suas dispersiti, in tuguriolis degebant; alii, in summâ egestate precarium ducendo spiritum, per emendicata suffragia victum quærebant; alii propriis, quantulæcunque erant, impensis se & universam domum sustentabant. In fide itaque publicâ munitos, & ab omni violentiâ securos, petulantissima illa posteriorum militiæ ordinum turba, non uti in Christianos, & Reipubl. dedititios, sed ut in paganos & acerrimos hostes sæviit, non ætati, non sexui pepercit. Senio con-

**LIBER SECVNDVS.**      83  
nio confecti homines, & decrepitæ anus ex ponte Chotinensi in præcipitium detrudebantur, ab uberibus maternis avulsi infantuli, abrepti è sinu paterno liberi, cum nec extremi utrinque osculi vel tantillum temporis concederetur, in profundum fluminis abjiciebantur, & constupratæ prius in oculis parentum puellæ. Imbellis hæc multitudo, quæ ejulatu suo coelum penetrabat, non rabiem eorum mitigare, non plûs quàm ferrea pectora emollire poterat: sed in unum plurima congesta supplicia, miserabilem spectantibus abominandæ lanienæ speciem præbebant. Atrocissimum id facinus coram Chodkievicio celabant omnes, ne fortè malâ valetudine affectus, bili ex tantâ insolentiâ commoveretur. Lubomirscius tamen ad inquirendas exortitumultus omnes circumstantias, certis personis delegatis, aliquot eorum in recenti crimine captos, in loco patrati delicti suspendi iussit. Sceleris nihilominus immanitati pœna non correspondebat; quam nec brevi ipse severus innocentis sanguinis

L 2      vindex,



vindex, ac vivorum mortuorumque justus judex, in aliquâ notabili exercitus clade repeteret, in communi omnes versabantur metu.

*Castra  
Турецких  
мол.*

Interea Turcæ castra sua, ex primo loco mota, propiùs ad exercitus Poloni munitiones transtulerant, ut inferior eorum pars in planitie Tyræ adjacens, parùm non equaretur Zaporohensium Cosacorum fossæ. Nihil Osmanus intentatum ad obtinendam victoriam reliquit, & ubi vel leonina pellis non sufficebat, vulpinam assuebat, dum varios dolos in capita Polonorum fabricaret. Aliquot rusticos ex Podoliâ, nobilium subditos, qui cum latronibus Moldavis passim prædabantur, primùm datâ pecuniâ, postea adjunctis non contemnendæ fortunæ pollicitationibus, illexit, ut promptam illi suam operam in castris Polonorum incendendis offerrent. Vnus jam ex iis ad hanc fraudem emissus, Rzepnice pagi, duobus à Kameneciâ miliaribus siti, accola, optimo in rem Polonam casu, in Zaporohensium Cosacorum manus incidit.

*Fraus ali-  
quorum  
rustico-  
rum Po-  
dolia.*

dit. adductus in castra, variisque tormentis excruciat, omnem Turcici astus feriem prolixè enarravit, ac plures nobilitatis Podolicæ subditos, ejusdem sceleris conscios, nominavit. ipse tandem ad aliorum terrorem merito enormi affectus supplicio, cautiorem postea in extinguendis focus reddidit exercitum.

Constantinus Vevellius, qui pridie ante adventum Osmani cum Szembergo ad Chodkievicium ab Vsaimo Vezirazeme venerat, facilè versipellis Græcus ex antea actis diebus colligebat, pacis utrinque consilia nondum affectari. atque ut eò citiùs animum Chodkievici expiscaretur, semper de responso ad Vsaimum sollicitare eum non desinebat, qui inter armorum strepitum minimè sibi literas exarandi hactenus vacasse ostendens; ne tamen legationis ac omnium gentium jura in tardiori Internuncii reditu violari à se, temerario aliquo hostium judicio perpenderetur; Constantinum, plusquam unâ septimanâ in arce Chotinensi detentum, in castra Osma-

*Vevellius  
in castra  
Osmani  
dimissus.*

L 3. ni di-  
69



ni dimisit, ac per eum, in ipso etiam belli ardore, optimam suam, in honestam & æquam pacem, voluntatem Vezirazemi declaravit. Nihilominus hostiles utrinque ausus non cessabant. Lermuntus, inter Dinophii propugnaculum & Cosacorum Zaporohensium munitiones, cinxerat se fossâ celerrimâ operâ confectâ. adhærebant ei Sapiehæ Marschalci Curia Litvaniæ, & Georgii Ducis Zaslaviensis, ac Ielscii Hungari pedites: cùm Turcæ, nullo fructu explosis toties in Cosacos bombardis, Dinophium postea aggredierentur, vicinus tam Lermunti, quàm illorum magnatum peditatus, ignominiosè numerosas hostium cattervas fugavit. Ne tamen victi omnino viderentur, comparatis ad hunc solum usum vehiculis, è regione portæ Lubomirscianæ bellicas suas machinas transtulerunt. Obversabantur oculis, cum exiguâ tamen jacturâ, per castra huc & illuc, prope etiam Vladislai tentoria, defilientes globi, qui maximè petebant Nicolai Sieniavii Incisoris Regni cohortem, cui Gliniecius præerat,

*Turcarum  
fuga.*

erat, ac tunc extra vallum in diurnis excubiis remanebat. atque Iarczevius interemptus evitandi majoris periculi modum exhibuit, dum Gliniecius per virgulta ad Lubomirscii munitiones pedetentim retrocessisset. Assignaverat Chodkievicius aliquot peditum cohortibus locum, inter suam & Lubomirscii portam aptissimum, ut stationes destinatas vallo quàm primùm munirent. sed negligentius opus procedebat, ac omnino imperfectum, novam Turcis rei gerendæ occasionem porrexit. in eam enim partem, quæ nullo aggere septa, tutissimum hosti aditum præbebat, edito ingenti clamore ac strepitu, plura equitum ac peditum, densis ordinibus, coacervata agmina irruerunt. Ziczovius ac Sladkovius, insigni labe notandi centuriones, nullas excubias, nullos speculatores præmiserant; ipsi, ac si in intimo pacis & otii sinu inter domesticos lares degerent, incauti, inermes, vestibus etiam exutis, pomeridiano somno indulgebant. Verùm ibidem, antequam expergiscerentur, ignaviæ suæ

*Ziczovii  
ac Sladko-  
vii igna-  
via.*

justas



justas luerunt poenas: Turcæ enim statim, ac stationes illorum invasisent, utriusque in primis abscisso capite, duobus vexillis ereptis, ad reliquos pedites mactandos summâ se celeritate contulerunt. passim ii cædebantur, inopinatâ hostilium armorum vi oppressi. Dispersa vidisses ac truncata cadavera; cum Turcæ amputata eorum, & ad castra sua reservata capita, non ut viliorum hominum, sed quasi selectæ Polonæ militiæ, eminentiorisque status procerum essent, gratiæ Osmani captandæ & præmii assignandi causâ, ad pedes ea defunctis etiam ferociâ suâ illudentis Tyranni turmatim prosternebant. Iam & munitiones ad portam Chodkievicii vergentes deferere peditum plurimi, vicino periculo territi, coeperant: nisi à Nicolao Sieniavio ac ejus commilitonibus, vigilas diurnas peragentibus, modò minis, modò verberibus revocati fuissent.

Edita prope ipsa castra duarum cohortium Sladkoviani & Zyczoviani peditatus strages, tantum spiritus addidit reliquis  
Polonis,

Polonis, quantum minuerat, profligatis illis. Incredibili enim alacritate, maxima florentis militiæ turba ex vallo ruebat in obvios hostes, qui primo statim congressu discussi, primoque vigore in consternationem verso, atque fugâ arreptâ, non incruentam ex illâ irruptione reportarunt victoriam. per suorum enim cadavera terga dabant, amissis aliquot, ut ex corporis constitutione, vestiumque exuviis cognosci poterat, primariis in Osmani exercitu viris.

Antequam in demoliendâ Ziczovii fossâ conatus suos experirentur, ad distrahendas Polonas vires, præmiserant nonnullas legiones, quæ rectâ ad Græca delubra, versus castrorum partem non bene adhuc munitam sita, solo clamore impetum fingentes, velitationum ludicris in varia loca Polonos ubique intentos divertebant. Nec stratagema malè cessit. Lubomirscius, loci istius munitione destituti evidens periculum animadvertens, illuc se ipsum, & exercitus præcipuum robur conjecerat. Non procul inde Ioannes Wejer Palatinus Cul-

*Polonorum  
alacritas.*

M mensis,



*Stratage-  
ma We-  
jeri.*

mensis, arte & ingenio Apelmanni Belgæ, Architecturæ militaris periti, extruxerat propugnaculum, quod Turcæ magno nisu oppugnare conati, atque mox insigni clade affecti, illam partem castrorum aggredi amplius cessarunt. Furorem eorum astu Wejer domare contendit. ex condicto enim pedites sui, in fossâ abditi, non comparebant, ut Turcæ, destitutum omni præsidio vallum rati, eò audaciùs ibi irruerent. Quod cùm præstitissent, & ab omni discrimine securi ad ipsam accurrissent fossam, Germani tum temporis sclopetis suis proximos sibi hostes commodissimè petebant. Ita plurimis cæsis, reliquis dissipatis, virtutis ac dexteritatis suæ egregium Palatinus Culmenfis edidit specimen. Turcæ nihilominus, prospero ad fossam Ziczovii & Sladkovii successu elati, priorem fortunam tentare appetebant. Nicolaus Sieniavio, cum unâ ducentorum hastatorum cohorte, diurnas peragebat vigilias. Chodkieviciana, Petri Opalinskii Poseniensis, Nicolai Zienovicii Polocensis Castellanorum, & Ale-

& Alexandri Sapiehæ Orfanensis Capitanei legiones, in omnemque eventum paratæ, quidnam moliturus esset hostis, speculabantur. Dum itaque celeri cursu, districtisque acinacibus, referta Turcarum agmina versus valli Ziczoviani reliquias impetum suum dirigere cœpissent; Chodkievicius ilico, repetitis aliquoties acclamationibus, manus cum iis Sieniavio conferere mandavit, qui majorum suorum gloriâ ac virtute non dedecorus, pari genere & expectationi animo in obvium hostem irruit, minimè ab ipso Imperatore destitutus. Is enim corporis ægritudinem, diuturno morbo nactam, vivido illo & ingenti spiritu superans, mox cum tribus cohortibus accurrit, & Sieniavio ita se adjunxit, ut Chodkievicius aciei frontem, Sieniavio dextrum, Zienovicus sinistrum obtineret cornu, Rudomina verò iis in subsidio immineret. Diversum in utroque exercitu spectaculum fortuna, per omnia humana, maximè autem in res bellicas potens, & illic exhibuerat. Turcæ selecti

*Prælium  
cum Tur-  
cis.*

M 2 equi-



equitatus tam robori, quam numero confisi, vultu & gestu victoriæ applausum præ se ferebant. Poloni, quatuor tantum suas cohortes cum numerosis hostium agminibus congredi cernentes, inter spem & metum positi, intimis suspiriis & ardentissimis votis Chodkievicianum conflictum prosequiebantur. Interim coortus summus armorum ac hominum undique strepitus; acerrimæ pugnæ faciem intuentibus præbebat. Brevi tamen, urgentibus fatibus, ad Polonos inclinata victoria tumidos antea Turcarum animos eò usque depresso, ut non solum signa stationesque suas deseruerint, sed turpissimam capeffentes fugam, ignominiosissimo certamine, in castra sua ruerent, tanquam ferales aliqui nuncii, non tantum unius exercitus, sed totius jam Othomannici imperii deplorandæ cladis. Osmanus inopinatâ copiarum suarum consternatione perculsus, & tunc, cum inter homines esset, hominem se sensit. Unico enim adversi casus ictu, ex ferocissimo tyranno in abjectissimum mancipium repente mu-

*Clades  
Turcarum.*

tè mutatus, solis lachrymis, fæmineis nempe armis, salutem, ac tantam nominis sui majestatem tutari non dubitavit: dum inter crebros singultus, puerilibus querimoniis; coram ipsismet ex proelio profugis, summam eorum ignaviam inculasset, & quos leonum gestare pectora putasset, eos tandem ad instar leporum in fugam, auspiciis Osmanicis indignam, coniecisse vidisset. Magnam hanc Turcarum fuisse stragem, quilibet ex ipsis cadaveribus colligere poterat, quæ in adjacenti Polonis castris campo ubique sparsa patebant. Sed mihi etiam, quando cum Stanislao Zoravinscio Castellano Belzensi apud Osmanum Republicæ nomine legatione fungebar, nonnulli, non vulgaris inter Turcas status, liberius retulerunt, nefastum illum copiis suis extitisse diem, quo plurimos veteranos, multorumque bellorum gloriâ eminentissimos viros, & præcipuum militiæ suæ florem amisissent. Id certò constat, nocte, proelium subsecutâ, cum facibus & rhedis summâ diligentia à Turcis quæsitâ

M 3

fuisse



*Cedes  
Castellani  
Polocen-  
sis.*

fuisse præstantium heroum cadavera. Nicolaus Zienovicius Castellanus Polocensis, legionis unius Præfectus, vir & natalium splendore, & singularibus in Rempublicam meritis clarissimus, dum ex equo interempto in medios hostes decidisset, eodemque momento dejectâ casside, quæ ineptè ligata erat, caput denudasset, à Turcis undique cinctus, & inter illorum equos huc & illuc volutatus, iteratis confodiebatur ictibus. tandem cum Turcis in fugam converfis, plus quam viginti vulneribus faucius, & semivivus in plauastro quodam in castra est advectus, magnâ nominis sui gloriâ relictâ, tertio demum die spiritum, unde acceperat, reddidit. Ex cohorte quoque Chodkievicii, sex ex primis ordinibus nobiles, cum vexillifero occubuerunt. Vexillum ipsum, ex Moschoviticiis adhuc proeliis reportatum, non sine magno Chodkievicii stomacho, in hostium manus devenit. Zienovicii tres, Sieniavii duo, Rudominæ novem commilitones, unâ cum ejus fratre cæsi; vulnerati, Rudominæ cohortis

hortis præfectus, octodecim Chodkievicii, & ex qualibet quatuor cohortium aliquot equites. interfecti sunt nonnulli gregarii milites, & plures equi. Lubomirsciana agmina in stationibus ad vallum permanebant, & ad primum congressus intuitum, subsidium suis ferre properabant. sed celerrima hostium fuga non solùm iis, sed ne Opalinscianæ quidem, Sapiehanæ, & Zienovicianæ legionibus, quæ propè aderant, ad conflictum tempus concesserat. In tanto proelii fervore, ex alterâ tamen parte, tam Zaporohensium Cosacorum castra, quam Lermunti & peditum Hungarorum munitiones à Turcarum petebantur insultu. verùm quàm primùm Cosaci & pedites in campum progressi, cominus cum iis pugnassent, nullâ interpositâ morâ, omnes, quæ se illuc contulerant cohortes, non sine insigni clade repulerunt. Chodkievicius animos ac vires hostium in commisso proelio expertus, primum illud de subeundâ pugnæ aleâ consilium exequi instituerat, nisi partim maturi ex Polonia subsidii

*In Cosacos  
Turcarum  
insultu.*



subsidii spes, partim ingravescentis Vladislai morbus conatus ejus retinuisent. totus tamen dies in restaurandâ Ziczovii fossâ infumptus, Turcis nihilominus coeptum laborem impredientibus, qui hesternâ attriti ignominiâ in suis castris delitescabant. Postridie, præter usitatum hæcenus morem, summo manè Turcarum legiones rectâ ad portam Lubomirscianam comparebant. Lubomirscius, providens ne vindictæ cupidi agmina sua aggrederentur, tempestivè aciem instruxit. ad divertendum verò Tartarorum impetum, peditatus Cosacorum Zaporohensium duo incirca millia in vicinis sylvis abdita collocavit. Vtrinque bellico certabatur astu. Lubomirsciani in sua stratagemata hostem allicere studebant. Turcæ, loco occupato dimoveri minùs tutum rati, Lubomirscianos ulteriùs à castris provocabant. Duæ itaque adversæ acies, proelio accinctæ, circumspectâ quadam cunctatione inter se contendebant. Antecefferunt tamen velitationum præludia, sæpiùs etiam, at nullo effectu, explo-

*Cunctatio  
Turcarum.*

explodebantur Turcarum majores bombardæ. Declinante jam Sole alacriorem Chodkievicius ex alâ suâ militem velitationibus immiscuerat, quem tres Rusinavianæ cohortes subsecutæ, & magno ausu in aliquot Turcarum agmina irrumpentes, in fugam ea converterunt. Dissipatas recolligere vires hostis putabatur, dum ex declivio signa versùs aciem Lubomirscianam ostentaret, quo Svisinii ac Srzedzinscii cohortes, ad sustinendum primum impetum destinatæ, gradum celeriorẽ jam moverant. sed Turcæ proelium omnino detrectantes, in sylvas se receperunt. Zaporohenses Cosacos, non jam majoribus bellicis machinis, sed sclopetis Ianizeri impetebant. verum ii extra fossas, conjunctâ cum Lermunti & Dinophii Germanis peditibus manu, plurimis nullo suo damno interemptis, reliquos fugarunt. Nec Bartoszovii ad Braham trans Tyram munitiones ab insultu Tartarorum immunes erant. at facilè una & altera peditum Hungarorum irruptio omnem eorum vim repressit.

N

equi



equi tamen in pascuis cum armentis abacti, rapacissimæ & prædæ assuetæ genti insignis victoriæ loco sufficiebant.

*Polono-  
rum ad-  
versa for-  
tuna.*

Foelicem hætenus periculosissimi huius belli progressum multæ (ut plerunque fert rerum humanarum vicissitudo) interturbabant adverfitates. Ac primum fera, & ideo incerta ex Poloniâ auxilia, præsens discrimen augebant. Indies, imò in horas diminuebantur cohortes: quotidiana multorum efferebantur funera, grassante passim per summos ac infimos, omnemque militiæ gradum, ex aëris aut aquæ infectione, pestilentiali quodam & contagioso morbo; ut alii profusione alvi excruciat, inter tormina ac ingentes dolores, ad instar durissimi supplicii, animam exhalarent; alii reluctantem cum corpore spiritum, ob vehementem ægritudinem, etiam inviti retinentes, bellica obire invalidi, & ad propugnandam extremam vim inepti, in castris tabescerent. Si æquo iudicio aliquorum ex posteris ignavia, per tot ætates partam fortissimis factis majorum gloriam obscu-

obscurare, aut nonnullorum ex popularibus socordia universæ gentis res continuatâ felicitate ac fortunâ gestas, deturpare posset; jure merito & mortuorum Polonorum manes, & superstitum vitam pude-re deberet, quòd plurimi in hac reperirentur expeditione, qui detestando in omnes nationes exemplo, castra ac signa sua, diurnâ, nocturnâque fugâ certatim defererent, nonnulli in fluvio, luctuoso potius fato immergi, quàm periculo pro patriâ gloriosè opponi; plurimi, dum fugerent, in Tartarorum manus incidere, quàm forti dexterâ hostem repellere, maluissent. Iniquo (ut par erat) animo ferebant Duces tantam patriæ suæ labem, variisque modis tam nefando sceleri obviabant, & in reparando ponte tardiores se, non sine magno exercitus incommodo exhibentes, ut vel hoc solo retinaculo turpissima eorum fuga cessaret. Insignia etiam nobilitatis nomina, in interiori currus parte, inter victualia, hæsitantia, ac inde extracta, tanquam exercitus sui probra, per castra ducebantur. Atque

N 2

eorum

*Pœna pu-  
blica in  
fugitivos.*

eorum singuli, qui se hoc facinore conta-  
minarunt, publico rescripto postea notati,  
ad maiorem posteritatis formidinem, bo-  
norum privatione, & perpetuâ infamiâ Co-  
mitiorum edicto sunt mulctati. Reliqui  
verò, qui huic bello supererant milites,  
singulari suâ constantiâ, & eorum delicta  
compenfarunt, & suam gloriam per omnes  
orbis partes immortalitati consecrarunt.  
Accedebat, ad manifestam quotidie exerci-  
tus diminutionem, equorum strages, ob  
avenæ & fœni defectum, cùm ab utrâque  
Tyræ ripâ hostium obsidio difficillimum  
commeatum, & periculosam redderet pa-  
bulationem. Pulveris quoque tormentarii,  
qui continuis bombardarum displosioni-  
bus absumebatur, notabilis inopia bene-  
navandæ operæ spem tollebat. Tot igitur  
simul coadunatis difficultatibus adactus  
Chodkievicius, novum ex re consilium  
coepit; noctu nimirum castra Osmani in-  
vadendi, quæ nullo vallo aut fossâ septa  
aditu facillimè patere putabantur. Idem  
suadebat nox ipsa, ad ejusmodi militaria  
furta

*Consilium  
de inva-  
dendis  
noctu Os-  
mani ca-  
stris.*

furta obscuritate suâ aptissima, cùm præ-  
fertim Turcæ à captivis & transfugis tra-  
ducerentur, quasi non solùm armis, sed et-  
iam vestibus exuti, ab equis separati, deli-  
catiùs somno indulgerent. Stimulabat non  
minùs recens Cosacorum Zaporohensium  
exemplum, qui tanto terrore, lucente et-  
iam die, totum barbarorum exercitum im-  
pleverant; ac si plena non daretur victo-  
ria, sola tamen inopinata animorum in ho-  
stibus perturbatio magnam illis afferret  
cladem. Ioannes Wejer Palatinus Culmen-  
sis, in Hungariâ bellorum cum Turcis ge-  
storum non inexpertus, eam sententiam  
maximè promovebat; in quam summopere  
vel decumbens Vladislaus propendebat:  
tum Petrus Konaszevicius; suo & totius  
exercitus Cosacorum nomine, excursio-  
nem hanc feriò postulabat. Chodkievicius  
Cosacorum prædæ aviditas primum maxi-  
mè deterrebat, nec vastus permittebat ani-  
mus furtivis conatibus rem agere, cùm  
præclarè factorum insigni memoriâ cele-  
bres olim Imperatores aperto Marte cum

N 3

hoste



hoste decertare gloriosius judicarent, seque in continuâ armorum palæstrâ ita confenuisse, ut non astu aliquo, sed ausu belli fortunam hætenus experiretur. Verùm quamvis aliquoties in tam gravi deliberatione animo hæreret, tandem ne mordicus secundis exercitus successibus obstare videretur, studiis ac rationibus aliorum cessit; atque omnem stratagematis illius apparatus, solitâ suâ in gerendis rebus promptitudine, jam disponebat: Cùm hostes advectis quatuor trans Tyram grandioribus bellicis machinis, Cosacorum Zaporohensium castra demoliri frustrâ tentarent. Nec plus ibi damni est reportatum, præter aliquot equos interemptos, & cum Ioacinto legionis unius Præfecto & decem ex gregariis Cosacis cæsos. quinimò, ex loco eminentiori sæpius explosis Polonorum bombardis perterriti Turcæ, celeri gradu cum tormentis suis ad pontem nuper constructum retrocesserant. Duas simul castrorum Osmani partes aggredi placuit, unam inferiorem Tyræ adjacentem, Cosacisque

*Modus invasionis  
nocturnæ  
in castra  
Turcarum.*

vici-

vicinam, in quam viginti millia Zaporohensium, & aliquot levis armaturæ cohortes per declivium, per ascensum autem Georgii Ducis Zaslaviensis, Rakovii, Ielscii, Almadii Hungari, ac Gerardi Dinophii Germani pedites irruere, & hos omnes ad agmen Chodkievicii pertinentes legiones sequi debebant. Ad invadendam verò alteram partem ad sylvam vergentem, reliqui Hungari pedites, cum Ernesti Dinophii Germanis destinabantur: Subsidii causâ Lubomirscio cum suâ alâ, & agmine pedestri Palatini Culmenfis, penès nemus quoddam, Tartarorum insidiis obnoxium, in eminentiori colle subsistendum erat. Mandaverat Chodkievicius levis armaturæ cohortibus, ut in excubiarum, si aliqui apparerent, speculatores, excitato prius clamore ac strepitu impetum facerent; illis fugatis illico in castra Turcica irrumperent, ea verò cursu accelerato occuparent Zaporohensium, & tam Hungarorum, quàm Germanorum pedites. Tunc quoque assignatum fuerat tempus, communi totius exerci-

exercitus acclamatione, tubarum, tibia-  
rumque clangore hostes obruendi. Ipsi  
Duces cum hastatis, & gravis armaturæ  
cohortibus, & cum Palatini Culmenfis ag-  
mine, in maturum auxilium intenti, in pa-  
tenti campo successum illum speculari vo-  
lebant, quò faciliùs & profligatis peditibus  
succurrerent, & tam Tartarorum, quàm  
Turcarum impetum sustinerent. Determi-  
natum opus inchoari commodiùs non nisi  
diluculo poterat. Relicti sunt in castrensi  
præsidio ii, qui castra sequebantur, & ex-  
tra ordines militiæ, partim ob cohortium  
supplementum, partim propter proprium  
usum, à singulis ferè militum privato sum-  
ptu sustentabantur. Nec contemnenda il-  
lorum extitit manus: imò alter exercitus  
apparebat. arma omnes portabant, sclo-  
petis etiam utebantur, ut penès unum ali-  
quot reperisses. inde Turcæ igneas Polo-  
norum fuisse copias profitebantur.

Vladislaus primogenitus Regis filius,  
Regni magna spes, Princeps de Republ.  
Polonâ, alterâ parente, altrice certò &  
propa-

propagatrice suâ, optimè ab ineunte ætate  
merendi studiosissimus, ob crescentem  
morbum in castris relinquendus, piâ qua-  
dam & conjuncta cum luctu sollicitudine,  
omnium animos impleverat. discessurus  
inde quilibet, quoties ad decumbentis  
Principis vile tuguriolum oculos conver-  
tisset, statim & in mente graviter punge-  
batur, remanere ibi insidiis hostium expo-  
situm, gloriæ suæ pignus, exercitusque uni-  
versi decus. Prætoriana tamen cohors, cum  
Kochanovii peditibus, ab eo non dimove-  
batur. Eo igitur præmisso ordine jam ex  
Chodkievicianâ & Lubomirscianâ portâ  
egrediebantur simul cohortes. Silentium  
omnibus indictum, tesseraque proelii data.  
Hinc autem caliginosa nox, illinc hostium  
securitas, optimâ fausti successus fiducia  
unumquemque muniebat. Ac in ipso pro-  
cinctu, dum nihil aliud præter auroram ex-  
pectaretur, repentino non casu equidem,  
sed æterno quodam factorum nexu, pluvia  
fereno coelo exoriri cœpit, quæ adeò inva-  
lescebat, ut Zaporohenses Turcarum ca-

O

stris



stris jam vicini usum sclopetorum omnino sibi hoc repentino imbre jam esse ademptum Chodkievicio nunciarent, & ex illâ, ubi erant, statione missionem flagitarent, ne brevi illucescente die stratagema expergefactis hostibus palàm fieret. Idem & aliis cohortibus vitandum erat. ac proinde statim reliquus exercitus, injuncto sibi silentio, in castra rediit. Pluviam illam immortale singularis DEI Opt. Max. providentiæ beneficium, cum submissâ Numinis adoratione agnoscant in omnes ætates Poloni. humanitus enim nocturna hæc excursio bene illis succedere non poterat. nam in uno plura obiciebantur discrimina, cum omnia primis nonnullorum relationibus contraria, ipse postea in castris Turcarum viderim, quæ loco valli cingebantur, in eâ, quam conabamur aggredi, parte, bellicis machinis, denso ordine inter se connexis. Qualibet nocte ex pascuis ad dominos suos abacti equi ibidem ligabantur: apparebant accensæ totâ nocte lucernæ ante præcipua tentoria. hæc verò funibus aded-

strictum

strictum in modum erant colligata, ut nec semitam inter ea conspexisses. atque hoc solo impedimento non solum equites, sed & pedites Poloni, noctu præsertim, omni aditu illinc arcerentur, sæpiusque ipsi cadendo non tam facilè hostem feriissent, quàm ipsi frequentissimis Turcarum ictibus succubuissent. nec aded somnolentos Turcas, ut narrabatur, observavimus. nam more institutoque eorum, noctu omnia peraguntur consilia, visitantur amici, instruuntur mensæ, parantur convivium & privatæ comessationes, lege Mahometanâ vetitæ: somno etiam sopiti, horridis ubique & creberrimis acclamationibus ad preces & supplicationes superstitionas excitantur. Ad extremum, ut verum (quemadmodum fides historiæ à me requirit) fatear, dum castrorum Osmani splendorem ad hunc usque diem considero, vix credibile videtur, exercitum Polonum, plebejos maxime, abstinere manus potuisse à tantâ prædâ, quæ eos sine dubio, turpissimo lapsu in extremam cladem & perennem ignomi-

*Adventus  
Vevelis.*

niam coniecisset. In ipso ab utrinque hosti-  
lium conatuum casu, Constantinus Vevel-  
lius, tanquam tractandæ pacis Commissa-  
rius, venerat, cum literis Radulonis Palati-  
ni Valachiæ, qui Chodkievicium ardentis-  
simè sollicitabat, ut ad Vsaimum Vefirase-  
mem, internuncium aliquem rerum usu  
pollentem quàm primùm mitteret; debi-  
tam verò ei per omnium gentium jura non  
solùm securitatem, sed etiam cum dignitate  
Reipublicæ Polonæ singularem inter bar-  
baros reverentiam sacrosanctè polliceba-  
tur. Nihilominus Chodkievicus, commu-  
nibus omnium votis stimulatus, coeptum  
aggrediendi noctu Turcica castra confi-  
lium iterum exequi studebat, eodem quo  
nudius-tertius ordine: ac maturiùs jam se  
ad constitutam excursionem accinxerat  
exercitus, cùm aliquot ex cohorte Mosci-  
nii Hungari, & ex cohorte Dinophorum  
Germani profugi sub ipsam vesperam, rei  
gerendæ seriem hostibus patefecissent, ita  
ut tunc occultâ quadam factorum disposi-  
tione bis tentatum opus dissolutum sit.

Illâ

Illâ tamen nocte, Cosacorum Zaporohen-  
sium manipulus, Tyram transgressus, quos-  
cunque Turcarum in pascuis somno sopi-  
tos invenerat, armentorum grege abacto,  
omnes interemit. Antequam certum ne-  
gotium, quod Commissariis cum Zaporoh-  
ensibus intercesserat, recensebimus: (quan-  
doquidem hætenus longè latèque per va-  
rias gentes famam eorum pervagari cog-  
noscamus,) non abs re fortè videbitur, vel  
per transfennam, de initiis, moribus, ac in-  
stitutis illorum recensere ea, quæ & à pe-  
ritis accepi, & ipse videns annotavi. Om-  
nes ferè ex Russiâ originem ducunt, quam-  
vis plurimi ex majori & minori Polonia  
nobiles, infamiâ notati, tum nonnulli ex  
Germaniâ, Galliâ, Italiâ, Hispaniâ etiam,  
ob patrata facinora extorres, inter illos in-  
veniantur: qui tamen religionis Græcæ  
cultum observare, Ruthenicam linguam  
exercere, abjectâ generis, si quæ inerat,  
claritudine, plebeja cognomina assumere,  
atque omni civilitate depositâ, agrestem  
vitam degere coguntur. Domicilia majores

*Origo, vi-  
ta, & mo-  
res Cosaco-  
rum Za-  
porohen-  
sium.*

O 3 eorum



eorum fixerant in locis naturæ miraculo munitis, quæ Borysthenes ad ostia sua vergens alluit. Catadupas olim veteres appellarunt Geographi, nunc à Roxolanis vernaculo sermone Porohy vocantur. Ibi ante corruptam disciplinam militarem, omnes per cohortes & legiones distributi, in summo obsequio, & continuo bellorum exercitio degebant, & tanquam nidulo aliquo affixi, palæstram hanc propter alias occupationes deferere nefas putabant. Victum parcâ manu, tum ex venatione, tum ex piscatione quærentes, frugalitatem per omnia colebant. ab urbanis commerciis segregati, rei que familiaris nullam aut parvam notitiam nacti, ab intemperantiâ & insolentiâ alieni; nihil aliud præter arma sola attendebant. In Oczakoviensibus campis fælicissimè sæpiùs cum Tartaris dimicabant, & gloriam pro peculio fatagentes, excursionibus maritimis ditiones Turcarum infestare non desinebant. Exercitus eorum aliquot tantum millibus constabat, & observabantur gradus militiæ, veteranisque

nisque & emeritis summus præstabatur honos. Quamobrem Divi Poloni Reges, jura, privilegia, ac immunitates certas iis largiti, singulari gratiâ bellicosos subditos suos fovebant, & prompto ubique patrocinio protegebant. Successu postea temporis, dum fœcunda culpæ secula & eorum priscum morem depravassent, indies hæc colluvies excrescere cœpit. Non jam ex virtute & meritis censebantur milites, sed passim dabant nomina ex ditionibus Russiæ ab agriculturâ, à variis opificiis profugi. Rustica imbellis illa multitudo non nisi gravis veteranis esse poterat. inde æmulatio ac dissensio exorta vetus militiæ institutum interturbabat, parsimonia versa in rapinam, disciplina in contentionem, obsequiumque in licentiam mutatum. Prædabundi vagabantur passim per Russiam, Litvaniam, Kyoviensem & Braclaviensem Palatinatum. patebant libidini eorum Ecclesiæ, fisci & nobilitatis bona. copiis etiam Reipubl., duce Stanislao Zolkievio, decertatum est cum Nalevaikone exercitus il-

tus illorum Præfecto, qui profligatus, & cum sceleris sui fociis captus, in comitiis Varfaviensibus enormi supplicio immanium criminum dignas luit poenas. Non solum verò vi, sed & variis per præcipuos viros transactionibus, Respublica insolentiam eorum compescere, ad primumque illos ordinem redigere enitebatur. Quotiescunque enim aliquam suscipiunt expeditionem, numerosos exercitus ex rapinâ ditionum Regni alunt; ex bello reversi, quasi colonias quasdam per vicos & urbes, tam Regias, quam Nobilitatis, ducunt, omni-que Præfectorum ac Dominorum suorum obedientiâ se exolvunt. Pauci ex veteranis in suis ad Borysthenem domiciliis commorantur, reliqui, partâ toties prædâ locupletati, rei tantum Oeconomicae cum uxoribus & liberis operam navant. Otio verò allectati in forenses contentiones se immiscunt, ac in Comitiis, frequentibus legationibus partes eorum promovent, qui Græci ritus religionem professi, in Latinos invehuntur, & Occidentalis, Catholicæ nempe,

nempe, Ecclesiæ imperium renuunt. Non pridem stipendiarios suos voluit esse Respublica, quibus quotannis certa pecuniæ summa Kyoviam reportatur. Summum apud illos obtinet regimen exercitus Præfectus, qui loco insignium gestat baculum ex arundine confectum. atque ut tumultuario modo, non suffragiis, sed solis acclamationibus, & frequentibus pileorum in candidatum ejectionibus, eligitur: ita sæpius instabilis vulgi libidine magistratu privatur; quàm diu tamen munere suo fungitur, penès eum remanet supra quemlibet Cosacorum vitæ & necis arbitrium. Secundum honoris obtinent gradum quatuor bellici Consilarii, vocati Assavlii, cum Legato, qui Substitutus Præfecti exercitus nominatur. Sequuntur postea Castorum, bellicarum machinarum, legionum præfecti, tum Centuriones, & publicus Notarius, qui census & sumptus eorum notare, & consilio religionis Græcæ Monachorum literas ad Regem & Proceres Regni exarare solet. In Trechtimirovo, Pa-

P

latina-



latinatus Kyoviensis oppido, quod iis Respublica, ob fidelem ex præstitis meritis, grati animi memoriam, donavit, asservantur, cum exercitus Præfecti & Consiliariorum scitu, eorum privilegia, tormenta bellica, varia ex dirutis Turcarum emporiis importata spolia, militaris etiam supellex, ac Regia vexilla, quæ illis in signum supremi domini, quotiescunque pro Republ. arma sumunt, à Regibus Poloniæ ex insigni benignitate mittuntur. Quando arduum aliquod negotium in exercitu incidit, ad concionem vocatur ab ipso Duce universa plebs. atque is primùm vultu ad reverentiam & modestiam composito, aliquoties versus multitudinem se inclinans, destinatum ingreditur locum, & detecto capite, sub extenso Regio. vexillo, inter cæteros assidentes, solus cum IV Consiliariis stat, statumque causæ, quæ in deliberationem venit, pleno comitatis sermone, proponit. Tunc vel crimina, si quæ illi obijciuntur, diluit, aut, in proprium usum, aliquem ab exercitu favorem submisisse petit.

Illic

Illic omnia, quæcunque accepit, munera proferre, atque, ut ea sibi concedantur, multitudinem flagitare debet. Hæc si renuat, omnia libidini ejus non vulgari, in voce & gestu, cultu permittit. Dum Præfectus exercitus eos alloquitur, verba illius summo silentio excipiunt, postea sententias suas alternis obruunt acclamationibus. Ad bellum maritimum aptissimos longus effecit usus. vehuntur lintribus, quibus à latere ad instar tabularum fasciculos ex arundine compactos, contra tempestates & fluctus maris adnectunt, ac summâ velocitate onustis triremibus Turcarum sæpissimè potiuntur. Plurimi eorum frameis non utuntur, sed sclopetis omnes. quo genere militiæ Reges Poloniæ, potentissimorum in orbe terrarum Principum peditatum adæquare possunt. Castra etiam, dextrè in aliquot ordines redactis plaustis, ad normam fortissimi propugnaculi muniunt, quæ Tabor appellant, & contra hostium impetum extremum ibi quærunt refugium. Hi itaque Zaporohenses ad bellum Turci-

P 2

cum

cum accerfiti, dum Borodavcæ, ignavissimi, ut antè commemoravimus, hominis culpâ tardiùs, quàm ex communi usu erat, castris Polonis se conjunxissent, nec ob adventum hostis, sibi aut equis competentem commeatum comparare potuissent, largiter profectò juvabantur à militibus, tum fæno, tum exiccato pane. at respectu tantæ multitudinis illis victus non sufficebat, his diminuebatur. Cosaci verò indies magis frendentes, iteratis querimoniis Petrum Konaszevicium turbare non desinebant, qui, pro insigni suâ in Rempubl. fide, pullulantem in exercitu suo seditionem. statim Chodkievicio & Commissariis denunciavit, obnixè petens, ut serpenti malo maturè obviam irent. Zaporohensium alii missionem flagitabant, alii immensam mercedem exigentes, turpissimè (ut vulgus solet) cum patriâ suâ nundinabantur. Vladislaus, cujus nomen in summâ apud illos est veneratione, communicato cum Ducibus & Commissariis consilio, Petrum Opalinscium Castellatum Posnanensem, Lubomir-

*Traictatio  
Cosaco-  
rum Za-  
porohen-  
sium.*

bomirscium & Iacobum Sobiescium in castra eorum, cum æquissimis pro communi bono postulatis, misit. Adducti ii in publicum consilium, cum summâ observantiâ à Petro Konaszevicio sunt excepti. Vtrique collegæ visum erat, ut Sobiescius eos alloqueretur, tanquam plurimis & præcipuis ex belli Moschovitici contubernio optimè notus. Nec audientis multitudinis volubilitas, nec temporis ipsius ratio prolixum postulabat sermonem. Brevibus igitur verbis, honorificè tamen, Vladislai, Chodkievicii, & Commissariorum nomine, enumeratis eorum in Rempubl. meritis, & collaudato præsentì obsequio, per ipsius Vladislai salutem eos Sobiescius obtestabatur, ne difficilimis Reipubl. temporibus, & in extremo ferè discrimine desererent religionem Christianam, Patriam, & tot seculis partam gloriam. Ad refarcienda verò damna, in summis publici ærarii angustis, quinquaginta millium florenorum donarium illis obtulit. Hoc unum tamen sollicitabat, ut post eventum belli istius prosperum,

P 3.

fine



sine querimoniis & Russiæ Provinciarum ejulatu, in assignatis locis promissam pecuniam expectarent. Durius hæc excepit jejuna plebs, quæ plerunque timere nescit, & præmium jacturæ impar, & incertum solutionis tempus, communi acclamatione incusabat. Tandem præparatis eorum antea, per Petrum Konaszevicium & alios legionum præfectos, animis, facile omnia insinuavimus. id tantum mordicus postulabant (quod nos statim concessimus) ut pollicitationes nostræ publico continerentur instrumento; hoc verò Chodkievicii & Senatorum, qui expeditioni Chotinensi aderant, ac omnium Commissariorum sigillis obsignatum, ac propriis manibus subscriptum, quam primum ad Regis notitiam perveniret.

Interim ne Chodkievicius, Constantino Vevellio aliquot diebus in castris detento, abhorre omnino ab honestis pacis conditionibus videretur, in eam incumberebat curam, ut aliquem Internuncium, modestiâ & judicio commendatum ad Vefira-

femem

femem mitteret. Iacobus Zelinscius, aulæ Lubomirscii præfectus, omnium expectationi responsurus censebatur. Hic itaque unâ cum Vevellio, certa à Chodkievicio & Commissariis mandata ad Vsfaimum detulit. Ac in primis more institutoque omnium gentium petiit, ut illic commorandi, sic inde redeundi, conjunctam suam cum decoro Reipubl. securitatem. Postea veteris amicitiae singularia exempla recensuit, non sine magnâ apud amicos cognatosque Regis sui Principes invidiâ. sudore & sanguine Polono Valachiam ac Moldaviam propugnatam cum livore Christianorum. meditati contra Othomanicam domum belli vix non universæ Christianæ Reipubl. spretam societatem, ad primum denique inaugurationis Osmani nuncium, Petri Ozdze Trembovelienfis Capitanei ad Ianuas Legati profectionem, ut is ex adepto avito imperio, præmissâ novo Principi gratulatione, antiqua, inter duo hæc imperia, foedera, Regio ac totius Poloniæ nomine, confirmaret. Nullo tamen merito

*Zelinscius  
in castra  
Tutcarum  
proficiscitur.*

Sigif-

Sigismundum ab Osmano laceffitum iudicabit posteritas, dum Otfinovium Secretarium ac Internuncium ejus, multis opprobriis fatiatum audiet. Si Cosacorum fuetâ insolentiâ irritabantur Turcæ, ex consuetudine sociorum & amicorum Principum, aut per literas, aut per nuncios cum Rege exoptulandum prius, quam bellum erat proclamandum. Retinendæ enim Turcarum amicitiae causâ, maximo studio ac summo semper conatu, Zaporohensium licentiam refrænare Respubl. intendebat: distentæ eo Reipubl. vires, armæque distracta, dum Cosacos reprimere deberent, Tartaris resistere cogeantur. Osmani igitur nutu, ex quo pendent Tartari, arceantur eorum in Poloniam incursiones: facile & Respubl. providebit, ne quid à Cosacis Turcæ detrimenti capiant. Tales de futurâ pace sermones conferente Zelinscio cum Vezirazeme, belli tamen fortuna ab hostibus tentabatur. Summo manè legiones eorum ad sylvam castris Polonis oppositam comparere coeperant. mox directas

rectas versus Lubomirscianam portam grandiores bellicas machinas sæpius explodebant; frequenti globorum ictu, ex cohorte Stanislai Stadnicii concisi sunt aliquot equi, interemptus Breniecus, & alter ex commilitonibus auditu privatus. Appropinquante jam meridie, omnia illa, ac numerosissima, quæ circa sylvas cernebantur agmina, Ioannis Wejeri Palatini Culmensis munitionibus retrò relictis, vehementi insultu ad fossam Moscinii tendebant. Hungarus enim ex ejus cohorte transfuga, eam valli partem ut minori præsidio & rudiori operâ munitam, præsentissimo patère periculo sciens, Turcas illuc ducebat. Quorum equites, ligatis ad arbores equis, dum se Ianizeris adjunxissent, pari omnes validissimoque impetu demonstratum à proditore locum petebant. Inopinato strepitu implentur Polona castra, conclamatur ab omnibus, jam fossam transfiliisse hostes: animantur à Ducibus milites, anhelans turba, quò vocatur, currit. Chodkievicius tractandæ pacis abjectâ spe,

Q



spe, deploratâque Zielinscii vitâ, per sacra fidei mysteria, per fas patriæ & communem salutem, per charissima denique cujuscumque pignora, suos obtestatus, in hostem omnes ruere jubet, ipse verò, ante Lubomirscianam portam equo infidens, cum Prætorianâ Vladislai cohorte ad ultimum se periculum reservabat. Lubomirscius autem ad fossam Moscinii subsidia disponebat. At Poloni, cum extremo fato summâ fortitudine decertantes, tanquam devota pro Republica capita, defiliunt ex fossâ imperterriti sclopetis explosis, manibus & armis hostibus commiscuntur. Tandem Numine propitio inclyta Virtus triumphavit, Turcarum plurimi occubuerunt, præcipui aliquot capti, & lethalibus vulneribus confossi, brevi post interierunt. Vidisses vix non ad nauseam truncata Turcarum capita à vilissimo quoque trahi, gestari abscissos cum annulis digitos, sericeas vestes, pileos Turcicos ex tenuissimâ Asiaticâ telâ contextos per castra venundari, barbarorumque numismata passim ostentari.

Fekiety

Fekiety Hungarus invaserat relictos in sylvâ equos, necatisque qui illic manserant Turcarum nonnullis, & equis aliquot abactis rediit, multò plùs præstiturus, si maturius ei advenisset auxilium. Karakasz Bassa Budinensis Præfectus (quæ dignitas plerunque non nisi optimè meritis, & in re militari eminentissimis Proceribus confertur) illic cecidit. Magnâ ille nominis famâ elatus, & ab universo Osmani exercitu pridie interitus sui honorificentissimè exceptus, bello adhuc Chotinensi magis inclarescere ambiebat: nec vastus animus Vsaimum, gloriæ & Principis gratiæ æmulum, ferre poterat. Dum igitur ignavum suum regimen modò convitiis, modò scommatibus proscinderet, fidelemque cum dexteritate operam in delendis hostibus Osmano polliceretur, ejus ductu Turcæ conatus illo die omnes exequi studebant. Versipelli ingenio præditus Vsaimus, lubens tumido homini, & rei cum Polonis gerendæ penitus ignaro, palmam detulit. In primum se impetum Karakasz Bassa in-

Q. 2

servit:

65

seruit : in subsidiis ejus collocatus Vſai-  
mus , quamvis suppetias ferre debebat ,  
acerrimum tamen , majoremque suum ,  
quàm Poloni essent, hostem ultro deseruit,  
ut ex clade atque cæde illius , Osmani an-  
tea conceptam de se opinionem restaura-  
ret. Karakaszii cadaver quadrigis albis, &  
cooperto curru in castra advectum , cun-  
ctis lugubre exhibuit spectaculum. mor-  
tuo magni habebantur honores , totiusque  
exercitus conspersum lachrymis funus cum  
barbaro ejulatu efferebatur. Canitur &  
nunc à Turcis , qui Heroum in bello de-  
functorum manes singulari cultu prosequi  
solent.

Moscini Hungarus proditoris suæ ex-  
hibuit pœnas , ob infelicem successum , &  
quasi malè præstitam fidem , in minutas  
partes à Turcis dissectus. Verùm ii vindi-  
ctam simulantes , sequenti die castris suis  
egressi , plurium legionum signa & bom-  
bardas majores postquam de longè osten-  
tassent , tandem cum illo apparatu in de-  
clivio quodam usque ad vesperam latita-  
bant.

bant. Tartari non procul ad Braham op-  
pidum more suo prædabantur, aggressi eos,  
qui Cameneciam victus causâ se contule-  
rant, vehiculis ac equis ademptis, plurimis  
in vincula coniectis , cæteros mactarunt.  
Magna exercitus pars jam se accinxerat ad  
comparandum Cameneciæ comneatum ,  
sed multi eo prætextu turpissimam fugam  
in animis volventes , severi edicti ansam  
dederunt , ne quis Tyram transire auderet.  
Tunc primùm Chodkievicius universum  
exercitum ad concionem vocavit , atque  
viribus ob diuturnitatem morbi destitu-  
tus , & in suo tentorio lectisternio sufful-  
tus , languidâ voce , novum , insperatum ,  
generosi verò cujusque auribus ingratissi-  
mum consilium in hæc verba proposuit :  
Pertinacem Osmani in continuando bello  
mentem optimè omnes cernitis : quanta  
equorum ex foeni penuriâ , quanta om-  
nium ex continuis morbis strages grasse-  
tur , docet vos quotidianus tot calamita-  
tum sensus. retentorum stipendiorum so-  
lutio tam citò non est speranda , matura-

*Prima vi-  
ce ad con-  
cionem vo-  
cati mil-  
ites.*

*Oratio  
Chodkie-  
vicii.*

Q 3

que



que subsidia frustra expectantur ; quandoquidem nulla de adventu Regis , ac generali Regni expeditione notitia hactenus ad nos pervenerit. Hostem aggredi diminito & attrito exercitu , cui equitatu , maximo sui robore privatur , periculosum arbitror : impetum Turcarum iteratis vicibus in castris sustinere , minùs tutum ob notabilem pulveris inopiam censeo. Nunc de modo & ratione receptus sententias vestras promite. Vbi enim de dignitate & salute Vladislai Principis agitur , fatiùs erit acervatim recedere , quàm sparsim fugere.

Cessavit hîc Chodkievicius , versisque huc & illuc oculis , vultus , gestus , motum denique militum suorum contemplabatur. Vnde facilè colligi poterat , vocem hanc genio suo & gloriæ tot rebus gestis acquisitæ imparem ideo emisisse , ut uniuscujusque in exercitu expiscaretur animum. Fælicissimè ejusmodi tentamen Imperatoriæ successit arti. Omnes attoniti , insolitam Chodkievicii orationem duriùs exceperunt. à primo ad ultimum ruebant cuncti in hanc

in hanc sententiam , honestiùs censerî , pro patriâ gloriosè occumbere , quam evitandi , inevitabilis tamen , fati gratiâ ignominiosè fugere. in arduis probari virtutem , in periculis agnoscere viros. ducerent se ( abducere enim nefas esto ) quò vellent generosi Duces , mox constans obsequium sacramento militari confirmatum iri. Petrus quoque Konaszevicius , cum præcipuis legionum Zaporohensium Præfectis illic præsens , ne latum quidem unguem ab eâ exercitus concordiam abscefferat : ita ut ignobilis illa multitudo cum nobilissimis etiam viris alacritate contenderet. Chodkievicius igitur , factò cum Commissariis secretiori conventiculo , alloqui denuo in hunc modum exercitum coepit : Communes vestras pro tuendâ charissimâ patriâ voces , intensa studia , fortissimorumque militum invicta pectora , quantopere animum meum cum ægro corpore luctantem refocillarint , videt hic , cui abdita humanarum mentium arcana semper patent. Nunc jam vires resumo , nunc hos artus quasi reviviscere

*Alacris  
miserum  
Polono-  
rum.*

*Chodkie-  
vicius ite-  
rum allo-  
quitur mi-  
lites.*

viviscere sentio, dum florem Reipubl. meæ in pristinâ majorum gloriâ reflorescere intueor. Maçte innatâ fortitudine, ô Polona & Litvana Militia ! priùs me deferet conflictatus tantis doloribus spiritus, quàm ego tuos deferam conatus. Auspice DEO, cujus hîc vertitur cunctis potestatibus adorandum Nomen, fortunâ Duce, Virtute vestrâ comite, lubens vel cum extremo anhelitu præibo, quocunque nos Patriæ fata vocabunt. Ne verò me, aut Commissarios ingratos putetis, quamvis posteritas suum unicuique decus rependet, cœlum mercedem parabit, Respubl. ( si me bello huic superstitem cernetis ) devinctam se meritis vestris agnoscat; & Regia benignitas digna periculis vestris præmia distribuet: Nunc tamen salutem populi pro supremâ lege considerantes, ligatam solvimus potestatem, vobisque loco donarii trimestria integra, prout quisque sub signis meretur, stipendia pollicemur, fidemque nostram promissis addicimus.

Dimissâ concione, consternationem primam in

mam in gaudium conversam aspeximus. prodibant milites ex tentorio Chodkievici lætitiâ gestientes: hi dextris juncti mutuum in discrimine auxilium spondebant: illi fugæ, si compareret, autorem diris devovebant, nihilque in castris tum temporis aliud præter tales perpetuas acclamationes audisses: hîc stando moriendum; hîc extrema mala potiùs expectanda, quàm signa derelinquenda.

Cosacorum Zaporohensium octo millia eâdem nocte irruerant in castrorum Turcarum inferiorem partem, ubi cæsi Karakasz Bassæ stativa erant. insignem occasionem ex ipsâ nocturnâ obscuritate nacti, exiguo opere tentoria occuparant, quibus discerptis, Turcis, qui nihil adversi metuentes securissimè dormiebant, confossis, equis, camelis, & Karakasz Bassæ, ut præfecti militiæ, signo, & splendido rubro vexillo, atque diversi generis suppellectili potiti, in castra sua incolumes properarunt.

Tardior Zielinscii reditus Chodkievici-  
cium mirum in modum afficiebat, ac ad

R eum  
71

*Irruptio  
Cosacorum  
Zaporo-  
hensium in  
castra Tur-  
carum.*



eum reperendum uni ex Turcarum speculatoribus tradi iussit ad Radulonem Valachiae Palatinum pertinentem Epistolam, quæ brevi ad manus Zielinscii pervenit.

*Consilium  
Vladislai  
cum Sena-  
toribus.*

Vladislaus à Medicis præmonitus, morbum Chodkievicii in horas magis invalescere, Senatores & Commissarios ad se accersivit, de ulteriori belli progressu deliberaturus. Accessit unanimis consensus, castra angustiori ambitu stringi, Regem verò tam de periclitante Chodkievicii salute, quàm de expeditionis istius statu certiores reddi. Quidquid privatum constituerat consilium, per Constantinum Plichtam Castellanum Sochaczoviensem, & Iacobum Sobiescium absenti Chodkievicio referendum erat, nisi lethalis ipsius morbus prohibuisset.

Extra castra tamen velitationes non desinebant. instabat Polonorum alacris miles. Stanislaus Zoravinscius Castellanus Belzenfis, Senatoriâ dignitate, & legionis in exercitu præfecturâ venerandus, atque longo morbo affectus, imperterriti nihilominus

minus animi vigorem indicavit, dum se selectæ magnatum juventuti, Nicolao Sienvio, Ioanni Rozrazevio, in ista Martis ludicra immiscuisset. Simon verò Kopieczynius, Christophorus Wasicinius, Ioannes Gdeszynius, Ioannes Swiczynius, coeptum redintegrabant certamen. Fekiety ad infestandum hostem expeditus, magnum equorum numerum, mulos, bufalosque plurimos adduxerat.

Rediit cum Vevellio Zielinscius, repentinâ magistratus mutatione retentus. Nam *Reditus  
Zielinscii.* Dilaver Bassa, Mesopotamiæ Præfectus, origine Cerkieffum, alii Roxolanum affirmant; sunt qui narrent, dum post necem Osmani à Ianizeris in domo suâ obsessus, à captivis Russis acerrimè defenderetur, Ruslico eos sermone animasse. Is itaque, propectâ ætate, longo rerum usu, atque sancito cum Persarum Sopho foedere, magnam sibi apud Turcas conciliaverat auctoritatem. Auxerant ei Osmani gratiam raræ ex Asiâ advectæ opes, quibus præter naturam, juvenis, & aliàs magnarum rerum con-

temptor Princeps aded inhiabat, ut fordidissimum quemlibet avaritiâ superaret. Empto Dilaverius illorum, qui aulâ potiebantur, favore, & Imperatori donatâ magnâ in auro pecuniâ, quamvis tardiùs in castra venisset, statim tamen summum Primi Vesiri Magistratum obtinuit, dejecto Vsaïmo, qui ob gestum infeliciter Chotinense bellum, vulgi tædio affecti invidiâ, & furentis Principis odio flagrabat. Parùm abfuit, quin & vitâ privaretur, nisi eum nonnullorum vetusta amicitia juvisset, quæ eum in Secundum Vesirem promovit.

Adeptâ Dilaverius primâ in Otomani-  
co Imperio dignitate, bellandi ob decrepi-  
tam senectutem minùs cupidus, ac mune-  
rum, quæ ab Internuncio Polono offere-  
bantur, avidus, arcano communicato con-  
silio cum Hodziâ sacrorum Imperatoris  
Ministro, & in pueritiâ pædagogo, atque  
cum Æthiope Gisleragâ, libidinum palatii  
præfecto, humanissimè Zielinscium tracta-  
vit, promissisque Legato venturo publicis  
liberè

liberè veniendi & recedendi literis, pacis  
spe eum plenum dimisit.

Zaporohenfes tamen nocturnis suis ex-  
cursionibus hostes vexabant, fixa eorum  
trans Tyram tentoria occuparunt. cæde-  
bantur somno obruti Turcæ. alii celeri  
versus pontem suum fugâ inopinarum pe-  
riculum evaserunt. Cosaci verò, solam quæ-  
rentes prædam, spolia pro plenâ victoriâ  
reportarunt. Fortuitus nihilominus casus  
Vsaïmum, de quo plura retulimus, Vesirem  
secundam, ibidem cum aliis pernoctan-  
tem, in extremum ferè discrimen impule-  
rat, vix enim ex manibus unius Cosaci  
elapsus, veste pretiosâ, pileo, cingulo, ar-  
mis atque pecuniâ spoliatus, tanti nominis  
vir, totâ nocte erroneus, in nemore vaga-  
batur, repertâque angustâ speluncâ, ramis  
cujusdam arboris coopertâ, in qua abscon-  
ditus aliquantulum latitabat, illucescente  
die, præ pavore semivivus, & vix à Turcis  
agnitus, ad pontem suum pervenit.

Postquam proxima mortis signa in  
Chodkievicio apparerent, tum ut ipse in

R 3      secessu



secessu commodius amplæ domui suæ dis-  
poneret, animamque, mox corpus coacer-  
vatis doloribus exhaustum derelicturam,  
ante horrendum tremendæ Majestatis Tri-  
bunal, Sacramentis ritu Christiano præpa-  
raret, tum ut obitus ejus facilius in suo &  
hostium exercitu celari posset, in arcem  
Chotinensem est devectus. Quicumque  
transiens Chodkievicium vehi cognovis-  
set, is veluti jam Imperatoris sui funus ef-  
ferretur, ita de longè lachrymis atque sus-  
piriis coopertum undique, tanquam jam  
feralem currum, prosequabatur. Quò faci-  
lius variis ærumnis afflictus exercitus com-  
meatu recrearetur, Nicolaus Kossakovius  
Capitaneus Wisnensis, cum Woronicii le-  
vis armaturæ cohorte, Korsunensibus Io-  
annis Danylowicz Palatini Russiæ, & cum  
selectis Palatinatus Volyniæ equitibus, ac  
Vladislai centum peditibus, dum plaustris  
hinc & inde adversus hostium insultus se-  
piretur, ad Cameneciam iter convertit.

Vigente adhuc & florente omnis ordinis  
militiâ, latè castra Polona extendebantur.  
at de-

at deficientibus copiarum viribus, Lubo-  
mirscius propugnaculum Wejeri dirui, re-  
liquas munitiones coarctari, & Zapor-  
ohensium castra propiùs Dinophii vallum  
submoveri curavit.

Frequenti prædâ inescati Cosaci noctu  
expedierant duorum millium legionem,  
quæ ab Hungaris Bobovii peditibus, tum  
& à lixarum & calonum plurimis comita-  
ta, Tyramque transgressa, sueto stratage-  
mate nonnullis tentoriis Turcicis est potita.  
multi interempti numerabantur, alii solo  
strepitu dissipati, cùm terga darent, in Ty-  
râ mergebantur. Occupaverant jam Zapo-  
rohenses Turcarum pontem, exquisitâ ope-  
râ, magno labore à Valachis & Moldavis  
jussu Osmani fabricatum, quem parvo ope-  
re dirupissent, si ut vincere, ita victoriâ  
uti scivissent. Verum spoliis incumbendo  
tempus terentes, Turcis illo clamore in  
castris suis concitatis, satis ad reprimen-  
dum omnem impetum spatii concesserunt.

Tandem Chodkievicium cùm naturæ &  
gloriæ satis, patriæ ac familiæ suæ parùm  
vixisset;

*Zaporo-  
hensium  
irruptio  
nocturna.*

*Chodkie-  
vicis obi-  
tus.*

vixisset ; post tot morborum supplicia ,  
 Epilepsiâ enecatus : qui ex publicis priva-  
 tisque votis immortalis esse debebat, Cho-  
 tini VIII Calend. Octobr. inter secundam  
 & tertiam pomeridianam horam mortalem  
 exuit vitam. Ad constituendam tanti He-  
 rois magnitudinem, Fortuna & Virtus, ra-  
 ro & pari cursu, contendisse mihi videntur.  
 Indulserat ei fortuna , quamvis aliàs man-  
 cipiorum suorum negligens Domina, sum-  
 ma beneficia. Paternum, Maternumque  
 genus clarissimis imaginibus resplendens.  
 Pater Castellanus Vilnensis, Marschalcus  
 supremus M. Ducatus Lithvaniæ , natus  
 Proavis ac Abavis, militarem gloriam, Se-  
 natoriamque dignitatem adeptis. Mater  
 Christina Zborovia Palatini Cracoviensis  
 filia , Fratrum summis honoribus ac Magi-  
 stratibus eminentissimorum soror, majores-  
 que numerans suos, magna olim Reipubli-  
 cæ Polonæ pace & bello decora. Consi-  
 derare in Chodkievicio licebat non po-  
 stremam humanæ felicitatis partem ; di-  
 gnâ tali stirpe corporis constitutionem :  
 vultum

vultum primo aspectu austerum, sed maje-  
 statis plenum , alti animi & ipsius Martis  
 indicem, exporrectam frontem, aquilinum  
 nasum, omnia generosissimi Imperatoris si-  
 gna. Eadem Fortuna , quæ magnificam ei  
 dederat originem , nec opes denegavit,  
 conciliaverat & illustria connubia , pri-  
 mis nuptiis Sophiam Meleciâ , à Palati-  
 no Podoliæ & exercituum Regni Duce  
 procreatam , in matrimonium antea Si-  
 meoni Duci Slucensi elocatam , secundis  
 Annam Alexandri Ducis in Ostrog Voli-  
 niæ Palatini filiam , utrasque conjuges na-  
 talibus , institutione , sanctimoniâ , pud-  
 citiâ, moribus , & amplissimis ætate nostrâ  
 in Poloniâ hæreditatibus celeberrimas.  
 Non inferiores opibus Honores in eo elu-  
 cebant : Pocillatoris nempe M. D. Lithva-  
 niæ , & præter ætatem exercituum Ducis ,  
 Capitanei Samogitiæ , Commissarii Livo-  
 niæ , Palatini ad extremum Vilnensis di-  
 gnitates. Continuata verò trophæa, iterati  
 toties triumphî , perpetuum quasi actum  
 faventis fortunæ denotabant. Sed hæc à

S

Virtute



Virtute minimè deferebatur, quæ fidissima vitæ Chodkievicii comes, vivit nunc in animis omnium, & tamdiu vivet, quàm diu Orbis hic stabit. Atque commendant inprimis pietatem ipsius, castæ mentis sincerus divini Numinis cultus, preces ante prælia supplices. post victorias gratiarum actiones humiles, pluribus ante obitum annis quolibet die Sabbathi, post expiata per confessionem delicta, ad Eucharistiam devotissimus accessus, extructum sumptuoso opere Cretinge Patrum Minorum de observantiâ cum Basilicâ Monasterium, erectum Bichovii Canonorum S. Augustini Regularium coenobium, in Samogitiâ Patres Societatis Iesu fundati. Testantur Magnanimitatem summi semper conatus, dicta heroica, structuræ magnificæ, Bichovum vallo & propugnaculis ex militari arte exquisitissimè cinctum; Lachoviciana arx & ingeniosâ munitione & splendidis ædificiis præstantissima: armamentaria certè Regia, machinis bellicis singulari industriâ confe-

fectis repleta. Liberalitatem magnâ suâ laude exercuit, egenos, vulneratos, aut egregio aliquo facinore insignes milites juvabat modò pecuniâ, modò veste, hunc equis, illum armis, omnes hospitalitatè devinciebat. Clementiâ maximum sibi nomen apud exterar, remotissimasque gentes comparavit: in captivos, quamvis à naturâ ad iram promptior, nunquam sæviit, imò honore eos & muneribus dignatus dimittebat. æmulatus etiam hac in parte Imperatorum Romanorum gloriam, humanissimum se in hostium cadavera præstitit. Post subsecutam Kircholmensem victoriam, cæsorum Germanorum Ducum funus præfentiâ suâ, splendido apparatu, & magnâ pompâ exornasse illum vidit Rigenfium civium turba, audierunt externæ gentes, mirati sunt hostes. Bella Livonica summam illius dexteritatem posteris illustrabunt: loca limosa paludibus, lacubus, & sylvarum saltibus invia, incredibili celeritate victricibus signis peragrabat:

S 2

ad mul-

140 BELLI CHOTINENSIS,  
ad multa castella cùm venisset, vidit statim & vicit.

Volmariam sine suorum jacturâ aperto insultu cepit, recuperavit Parnaviam portâ stratagemate effractâ, per idem bellicum instrumentum pulvere impletum, cujus primus in Hungariâ ad Iavarinum usus Christianis feliciter successit. Rigam, Dinamuntum, Derpatum, Bialocamenum, parvis viribus, magnâ virtute, & insigni artis militaris peritiâ sæpius tutabatur. Nec solùm hostibus, sed mari etiam ingenti suo spiritu terrorem incussit, dum naves Suecorum incendisset.

Kircholmenfis de Carolo Sudermanniæ Duce Sueciæ Tyranno reportata victoria, omnium potiùs gentium miraculo, quàm historiæ fide dignâ esse censetur: tantâ, stupentibus & nunciis, qui proelio aderant, felicitate ac fortitudine, exiguis licet copiis, cum numerofo hostium ex Suecis, Gallis, Belgis, Germanis collecto exercitu dimicavit, ut vix audito hoc sæculo

LIBER SECVNDVS. 141  
culo exemplo, novem millia armatorum hominum cæsa tunc numerarentur. Addam, quod veritas à me extorquet, Chodkieviciam tot annis nec uno proelio à Suecis attritum, totius Livonici belli fuisse victorem. In dissidiis civilibus, propriis sumptibus, fido consilio, imperterrito animo, dexterrimo regimine, partes sequebatur Regias. Moschovitici item bellis implicarunt eum fata. in periculofissimo rerum statu exercitui præfuit, atque simul hîc cum seditiosi militis procacitate, illic cum maximis, nec cum suâ parvâ manu comparandis Moscorum viribus decertando, & fartam tectamque Reipublicæ gloriam, ac militantis nobilitatis salutem conservavit. Invidiâ postea apud malevolos laborabat, quòd minùs prospere illam provinciam administrasset. quasi non pro majori reputaretur laude unum civem servare, quàm mille hostes occidere. Ex alterâ Vladislai expeditione, recuperatâ magnâ Ducatus Severiensis parte gloriosus  
S 3 rediit.



rediit. Ad extremum, post tot res feliciter gestas, ita benigna sors extremum ejus vitæ cursum disposuit, ut unâ cum bello, omnium, quæ antè confecerat, celeberrimo, nominisque immortalis gloriâ caduca sua terminaretur vita. Viguit in eo laboris, æstus, frigoris, inediae tolerantia. in disponendis excubiis vigilantia, in mittendis exploratoribus sumptuosa solertia. in acie autem instruendâ ea promptitudo atque dexteritas, quæ cum summis veteris & recentioris ævi Imperatoribus æquari poterat. Architecturæ militaris erat peritus, & dimensionum Geometricarum non ignarus. Generosissimorum equorum, exquisitorum armorum studiosissimus, omninoque facie, gestu, gressu, voce, vestitu, ad Martem à naturâ compositus. In dicendâ sententiâ & militaribus orationibus succinctum, at nervosum audivimus. Comem, affabilem, & accessu facilem vidimus; in familiari consuetudine suavissimum: nisi Melancholicus prævaluisset humor, partim à

tim à variis morborum affectionibus, partim à continuis bellorum curis, maximè militari in Moscoviâ insolentiâ accersitus. Et ad Chotinumangebatur moribundus, tum ob immutatum à suo consilio bellici apparatus ordinem, tum ob tarda subsidia, & multos in castris defectus, qui animi illius summa molientis grandem impetum retardabant. Sæpiùs in affectibus moderandis præbuit se impotentem, iræ vehementiùs deditus, ac ideo præcipuè in Chotinensi expeditione militum plurimis invisus. Fateamur tamen, nisi is insolentis multitudinis odio, disciplinam militarem rigore suo retinuisset, jampridem hæc communi Reipublicæ malo corruisset.

Corpus ejus Chotino Cameneciam, Cameneciâ Ostrogum advectum, atque ibi, nescio quonam fato, ob privatas fortè domus suæ dissensiones, decimo quarto post obitum mense, à moestissimâ conjugē, pomposè est humatum. Dignum profectò illud

illud pulcherrimarum virtutum præstantissimum domicilium, ut ipsâ ringente invidiâ, supra omnia Græci & Romani factus Mausolea emineat.

Sed nos cum tanti Imperatoris exitu, huic quoque libro finem imponamus.



CHOTI-

## CHOTINENSIS BELLI

## LIBER TERTIVS.



Hodkievicii mors quamvis celari optabatur, mox tamen (ut omnia magna solent) tam per Turcarum, quàm Polonorum castra divulgata in publicum erupit. Condolebat quilibet forti Reipublicæ, quæ in summâ necessitate posita langueret, tali fulcro & ornamento orbata. Tum demum sublata ex oculis virtus suspiriis quærebatur; invidia dolori succumbebat, & quem vivum nonnulli ob arctiorem disciplinam inculpabant, omnes desiderabant mortuum. Lithvanæ legiones Principis solius regimen affectantes, in obsequio Lubomirscii non nihil vacillare coeperant. donec Principis singularis in maiestate modestiæ exemplum insigne ediderit, dum se velle Lubomirscio parère obtestaretur; rationique congruum iudicaret, siquidem numerosus Polonorum

*Lithvanarum legionum tergiversatio.*

T

exer-



exercitus potestati Lithvani antea subja-  
ceret, ut nunc Lithvanorum inferiores nu-  
mero cohortes Lubomirscio ut Polono  
subesse non graventur, quem muneris  
Chodkievicii confortem præteritis comi-  
tiis Respublica declaravit. Acquieverunt  
statim Vladislai persuasionibus Lithvani.  
nec plùs barbarum exitus Chodkievicii  
dederat, neque ulla in exercitu appare-  
bat consternatio. imò quò propius im-  
minere extrema putabantur, eò magis se  
uniuscujusque efferebat animus. Lubo-  
mirscius verò publico indicto consilio,  
autoritatemque suam stabiliendo, milites  
in promisso trimestris stipendii donario  
confirmavit.

Sub idem tempus Fekiety rediens ex  
furtivâ excursionè, quæ prospere illi eve-  
nerat, incidit in Tartaros, hominum &  
equorum prædâ onustos. hac ereptâ, re-  
centi merito, non vulgare sibi in exercitu  
nomen conciliavit.

Turcæ cum vario impetu Polonorum  
vires hætenus frangere non possent, fati-  
gare

gare eas nihilominus conabantur. modò  
enim barbaris acclamationibus, modò  
frequentissimis grandiorum bombardarum  
& sclopetorum explosionibus castra illo-  
rum impetebant. Desilierant & in reli-  
quias diruti Wejeri propugnaculi, quò  
propiori accessu obsessos magis terrerent.  
In maximo versabantur periculo stativa  
Rusinovii legionis, quam nisi promptum  
peditum Lubomirscii auxilium sublevas-  
set, pessimè de illâ actum esset. Occur-  
rerant instanti hosti solitâ alacritate mi-  
lites Poloni, & acerrimè dimicantes, non  
postremâ suâ gloriâ, elegantissimis duobus  
Turcarum vexillis potiti, omnia illorum  
agmina fugarunt.

Kopaczovius levis armaturæ cohortis,  
& Lermuntus Germanorum pedi-  
tum legionis Præfecti, vulnerati, imper-  
territos in eo congressu exhibuerunt se  
viros. Turcæ admotis postridie trans Ty-  
ram quindecim majoribus bombardis, Co-  
sacorum & Rusinovii munitiones frustra  
quatiebant. Constantinus Vevellius propter

*Vevellii à  
Vezi-razemem  
me redi-  
itum.*

requirendas pro Legato salvi conductus (ut jure gentium vocantur) literas, aut tradenda, si vellent, mutua pignora, ad Vezi-razemem profectus, cum eâ rediit Dilaverrii declaratione: Fidem utrinque pignoribus labefactari, præsentisque Osmani majestatem imminui; Sed publicas omnium nationum more literas non denegari. quas sufficienter ab eo contextas Vevellius attulerat. Irritis toties conatibus exulceratus Osmanus, dum vincere jam aut vinci cupidus innato furori habenas laxasset, impotentique suâ libidine, tanquam hiatu aliquo gentem Polonam penitus devorasset, ultimas copiarum suarum vires exercere intendit, die nempe sacrato in honorem

*Omnium  
maximus  
Turcarum  
insultus  
die S.  
Venceſlai.*

D. Venceſlai Bohemiæ Regis, ratione olim & linguâ Polonis conjuncti, vetustique Patroni, ac in extremo hoc discrimine, tutelaris, ut piè credimus, Divi. Ab octavâ in medio horologio horâ usque ad ipsum crepusculum durabat continuus hostium insultus, & plus quàm sexaginta grandiorum bellicarum machinarum sine intermis-

sione

sione boatus: ut tunc cœlum coruscare, aër caligare, terra gemere, tremere sylvæ, hiscere rupes viderentur. Nec res totâ die oculis subjecta in unâ aut alterâ paginâ sufficienter comprehendere, aut à quopiam exactè enarrari potest, quo impetu, quo ausu, vel quâ potius desperatione utrinque est dimicatum. Grandiores bombardæ trans Tyram fluminis ripæ admotæ, modò in adjacentem propiùs castrorum partem, modò in Cosacorum Zaporohenſium fossam, ac in Vladislai jacentis tuguriolum explodebantur. Vnus ex corporis ejus custodia Scotus febris vexatus, & in mediis castris in suo tentorio humi decumbens, quamprimum ad capiendum cibum caput allevasset, repentini globi ictu, memorabili equidem casu interemptus, ejusmodi suâ cæde præstans exemplum militaribus viris reliquit, faventibus fati, periculis etiam obvios sæpiùs remanere tutissimos, eos verò, qui discrimen subterfugiunt, crebrò tamen evitare illud non posse. Præcipuum copiarum suarum robur converterat hostis

T 3

in Pru-

83



in Prusnovii legionem, quæ equestri pugnae assueta, brevioribus tunc sclopetis utebatur, & soli suo equitatu fidens humili se vallo cinxerat. Selecta Turcarum militia, equis abjectis, Ianizeris adnexa, & scutis nunquam antea visis ad recipiendos Polonorum ictus munita, tum inter frequentes arbores, & reliquias paulò antè negligentius dirutæ Zaporohenfium fossæ, facilem proximi accessus modum nacta, undique Rusinovicis imminabat. Tartari ad alteram fluvii ripam horridos clamores edentes, rapidumque cursum, ac si enatare Tyram vellent, fingentes, vano terrore minimè Polonos percellebant. Dum periclitaretur cum suis Rusinovicis, Almadii, Bobovii, & Nicolai Kochanovii divulsi à Principe pedites, ad ferendas ei suppetias properabant. Scoti etiam & Hiberni, fidissimi Vladislai custodes, ipso eos cohortante Principe, illuc se contulerant. Ita tunc Vladislaus, maiestate suâ postpositâ, propriâque salute contemptâ, cum non posset corporis, animi viribus juvabat tantem

tantem in summo periculo Rusinovicis legionem.

Invalescente hostili insultu, ad nobilitatis ipsius florem res devenit. miserat enim ad præcipuas legiones Lubomirscius, ut ex qualibet cohorte alacres aliquot commilitones, ad repellendam extremam hostium vim, destinarentur. Gloriosa observari poterat contentio, omnibus pari studio ad assignatum locum ruentibus.

Tyrones à veteranis inexpertam cedi sibi palæstram exposcebant. Veterani ubi consenuissent, ibi nunc aut vincere, aut fortiter dimicando occumbere expetebant. Currebat ad Rusinovicis alacris nobilitas, capita sua pro patriâ devovens. Postquam transissent eorum tentoria, qui morbis prostrati, acerbissimum quemque casum expectabant, edebantur ab iis lamentabiles ejulatus, & deplorantes miseriam suam sortem, querimoniam, quod dum fortidexterâ propugnare communem patriæ salutem studerent, tum lectulis affixi,

præ

præ tædio & dolore tabescerent, victori verò, quod absit, hosti inermes manus dare, & plùs quàm servile jugulum præbere, victricis patriæ manibus tantùm suspiriis gratulari cogerentur. Rusinovii legio sanguinis Poloni decore, tanquam firmissimo subsidio freta, mox prostratas resumpsit vires. Nobilis illa caterva extra vallum obviam ibat hosti. magnum inde exoritur certamen. indefessi instant Poloni, perterriti fugam capiunt Turcæ. ac ubi primò inclinabat victoria, ibi repentè subsequitur clades. Szembergus ante Almadii munitionum reliquias confecerat in apice collis cujusdam propugnaculum, quod duas continebat majores bombardas, quinquaginta Hungaros pedites, & Thomæ Zamoiscii Palatini Kyovienfis peregrinæ militiæ cohortem. Aderant illic & Georgius Præfectus Vrzendovienfis, Andreas, Ioannes, Nicolaus, Stanislaus, fratres Rzeczycii, qui ubique variis ex occasione periculis, pro patriâ fortiter se objiciebant. Ingenioso stratagemate cum hoste egit Szembergus.

perspe-

perspecto enim ejus impetu intra suum vallum latitabat. Turcæ, cùm nemo appareret, locum præsidio omnino vacuum rati, accurrunt securi, inciduntque incauti in tot globorum ictus. pauci periculum evaserunt, magnus illorum numerus ad inter necionem est cæsus. Ab aliâ etiam Chotinensis oppidi parte insultu suo fatigabant nonnullas cohortes. sed ab iis repressi, non sine insigni strage, per vicinas sylvas dissipabantur. Velitationes quoque, quas nox ipsa diremit, felicissimè tunc temporis Polonis successerant. atque totius diei gloria & fortuna continuata, tantum Osmano imminuerunt animi, quantum cuilibet addiderunt Polono. Brevi post Turcæ in familiari sermone, multis ex familiâ nostrâ, qui legationeungebamur, ingemiscendo fideliter referebant, præcipuo exercitus sui robore Osmanum tunc fuisse orbatum.

In prospero successu, ut fors postulat humana, & adversa metuenda erant, atque inter media arma amplectenda honesta pax censebatur, ob summam præcipuè tormen-

V

tarii



*Legati ad  
Osmanum  
destinati.*

tarii pulveris inopiam, quæ in ultimum discrimen universum exercitum conjicere poterat. Commissarii igitur cum Lubomirscio & Senatoribus, in præsentia Vladislai, facto consilio, id maximè agitant, quinam ex decoro & commodo Reipublicæ legatus ad Osmanum esset destinandus. Seniores auctoritatem dignitatemque Ordinis sui tuentes, id sibi omnino incumbere prætendebant. Commissarii ex Ordine Equestri Comitiorum expressâ lege innixi, idem collegio suo publico jure vendicabant. Verùm dum belli momenta moram non paterentur, relictis altercationibus, cum potestate Commissariorum Senatoria auctoritas ita est temperata, ut ex illis unus, Stanislaus Zoravinskus Castellanus Belzensis, vir ingenio, judicio, ac in rebus gerendis dexteritate singularis, (qui dum hos commentarios contexuimus, diuturno morbo exhaustus, magno sui tam in Republica quàm inter amicos relicto desiderio, ex hac vita decessit) & unus ex Commissariis Iacobus Sobiescius,

biescius, simul in legatione ad Osmanum mitterentur. Vterque eorum Reipublicæ causâ lubens injunctam sibi provinciam, quamvis magnis molestiis & periculis obnoxiam, suscepit.

Tractandæ pacis conditiones, propter evitandas malevolorum sinistras interpretationes à Senatoribus & aliis Commissariis subscriptas, dederunt legati asservandas Andreæ Szoldrscio Præposito Gnesnensi Regis Secretario, & apud Vladislauum Cancellarii officium peragenti. Ipsi verò iter maturabant, acceptis secum nomine Lubomirscii ad Osmanum & Vezirazem conscriptis literis, & certis tam Imperatori, quàm ejus Consiliariis offerendis muneribus, quæ ex suâ militari suppellectili Vladislaus auxerat. Legatos in castra Turcica proficiscentes communibus votis universus prosequabatur exercitus. Reperiebantur alii, prout unicuique proprius inspirabat genius, qui sortem illorum deplorantes, animis & vocibus impendentia pericula præfagire viderentur:

*Legati in  
castra Os-  
mani pro-  
ficiscuntur.*

alii optimâ spe pleni omnia ominabantur fausta. Comitabatur illos nihilominus Polonæ militiæ flos, equorum generositate & ornatu, vestiumque elegantia resplendens. Intercesserant inter Polonorum equitum & nonnullos Turcarum speculatores, mutuae etiam de longinquo salutationes. ac jam utraque pars ad mutua se invitabat colloquia, nisi ea severum Lubomirscii edictum interrupisset. Czauſii aliquot (cubiculariorum id munus est) provectioris ætatis & emeritæ militiæ viri, obviam legatis nomine Vesirazemis occurrentes, per unum ex collegio suo, decorâ canitie, & promissâ barbâ venerabilem, brevi eos, sed amica oratione interpellarunt. cui dum succinctè & ex Reipublicæ dignitate Castellanus Belzensis respondisset; eâdem cum barbaris humanitate per selectos aulicos suos Radulo Palatinus Valachiæ certavit.

*Descriptio  
castrorum  
Osmani.*

- Eam, quæ tum temporis diligentius perpendebatur, castrorum Osmani faciem, brevissimè hîc describere non inutile fortè eveniet.

eveniet. Nec quis existimet, ad amussim & regulam militarem castrorum metandorum Turcis usum esse. par illis ratio constat, quemadmodum in itinere cum exercitu progrediendi, sic & stativa figendi: eum quilibet primum, ut fors indicat, locum occupet. Ad Chotinum verò, hîc ob planitiem, illic ob montes, ibi propter declivia, ad varium naturæ situm, variè se quoque castrorum dispositio referebat. Verum in ipsâ hominum & equorum ingenti multitudine, diversi pecorum & animalium generis gregibus, in tentoriorum frequentia & splendore, machinarumque bellicarum copiâ, prodibat majestas quædam, spectantium oculos modò ad delectationem, modò ad formidinem provocans. lucebant præcipuorum militiæ & Provinciarum Præfectorum speciosa tabernacula, ad instar arcis alicujus moenium artificiosè elaboratâ telâ cincta. micabant passim alibi in apicibus globi deaurati, alibi varii coloris vexilla, alibi aquilinæ alæ, signa item Procerum, equinæ nempe jubæ similibus



libus globis deauratis adornatæ, aut arundini, aut baculo exquisitâ operâ perpolito affixæ. Nullus autem pecude aut hominibus vacuus locus observabatur, imò referta conspiciebantur interdium ac nocturnam publica, quàm privata loca, continuis sine ullo temporis intervallo horis. tot armentorum genera nunc ex pascuis in castra redibant, nunc ad pabulandum prodibant. Oriente demum & occidente Sole, innumera illa hominum animaliumque turba, quotiescunque ad Tyram aquandi causâ progrediretur, talis exoriebatur pulvis, ut id cernentes obrui se caligine putarent. Cæterùm si militaris disciplina, quæ ibi floret, trutinabitur, erubescant necesse est Christiani, quorum hac in parte plurimi à barbaris superantur. Viget illic summum obsequium, puniuntur severè rapinæ, prohibetur strictè ebrietas, absunt longè contentiones & rixæ, duella exulant procul, ac importuni clamores. arma, dum ex acie redeunt, ab omnibus deponuntur, ut non castra, sed togatorum urbem aliquant-

quam ingredi te putes. Ita denique, licet à Paganis, superstitionis devotionibus suis invigilatur, ut magnam noctis partem in eis infumant, horridisque sæpiùs clamoribus ad nocturnas supplicationes excitentur. Excubiæ optimo peraguntur ordine, & ob varios evitandos casus, ante tentoria magna tum accenduntur plerunque totâ nocte duraturæ lampades. Christiani, maximè Valachi, magno tunc premebantur servitio. Iis construendi pontis opera & custodiendi cura erat demandata. Si oneri succubuisent, severissimis poenis terrebantur, non solum vitâ eos, qui militabant, privandi, verùm & gentis reliquias, quæ in suis regionibus remanserant, ad internecionem delendi.

Legati igitur per media castra, quò ostentationis causâ à Turcis ducebantur, postquam penès Radulonis stativa ad assignatum locum pervenissent, repererunt Valachiæ procures, qui illos equis descendentes à Domino suo reverenter salutarunt, polliciti sufficientem pro familiâ & equis

*Legationum cum Palatino Valachiæ studia & officia.*

equis commeatum. quibus responsum est, Regis & Reipublicæ Polonæ ministros nullius rei penuriâ laborare, nec aliquo victus subsidio indigere: hospitalitatem tamen Christiani & amici Principis non respuere. Vt autem in præstandis officiis par pari Valachiæ Palatino referretur, Petrus Trzelatkovius aulæ Procopii Sieniavii Præfectus, ob singularem prudentiæ & modestiæ laudem, morumque elegantiam, in Secretarium legationis assumptus, Radulonem adiit, ut propensissimam utriusque legati in eum voluntatem declararet, atque de tempore, loco & modo tractandarum pacis conditionum, cum illo tanquam Poloniæ vicino, & inter duo hæc imperia intermedio, fido affectu communicaret.

Veniebat in considerationem, magisne expediret in tentoriis suis Radulonem excipiendum præstolari, an eum prævenire. Sed cum nemo unquam humanitate peccarit, jamque Trzelatkovius Valachiæ nobilitatis catervâ stipatus, cum eo nuncio rediret, Palatinum nempe cum toto suo

Senatu

Senatu gratissimorum hospitem adventum expectare; inurbanum omnino videbatur, in ipsis primordiis aliquam contemptus suspicionem edere. Inde Legati Palatinum anticiparunt, quos ille è tentorio aliquot gradibus progressus, unâ cum assistentibus suis Consiliariis humanissimè excepit, ac ad arcanum colloquium invitavit, cui tantum Katerdziejus Kralevensis Banus, primariæ in Valachiâ dignitatis vir, aderat. Legati, redditis Lubomirscii literis, nihil aliud primâ hac vice ab eo postularunt, nisi ut sibi ad Vezirazemem aditus quam primum pateret: Qua in re optimâ fide Radulo egit, & in conciliandâ pace amicissimum se Regno Poloniæ præstitit, partim quod Christianum profiteretur nomen, partim quod sævientibus inter Turcas & Polonos bellis, nec dominatum suum stabilire, nec partas ingentes opes conservare posset. Dilaverius etiam Vezirazemes civilitatis suæ singularia initia statim exhibuit, destinatis quinquaginta Ianizeris, vestitu & corporis constitutione præstantio-

*Primum  
Legatorum  
cum Ra-  
dulone col-  
loquium.*

X

ribus,



*Turcarum  
in Polonos  
conatus.*

ribus, qui majoris honoris gratiâ legatis obsequium præstarent. Arma tamen & in hoc pacis utrinque studio nequaquam cessabant. quin imò Turcæ advectis trans Tyram majoribus bombardis, frequentissimis earum explosionibus partem castrorum ripæ imminentem demoliri enitebantur. Ante portam verò Lubomirscianam equites illorum ultrò adeò se velitationibus immiscebant, ut res ad proelium deveniret, & aliquot Polonorum cohortes, confertis cum hostibus manibus feliciter pugnarint. Simon Kopyczynius, victoriæ fortiter instando, in magnum inciderat discrimen, cuius equus emissariæ hastæ cuspide transfixus, dominum tamen salvavit. Contrariam agnovit fortunam ibidem interemptus Krinicius cohorti hastatæ Alexandri Prusfinovii Palatinidæ Belzensis substitutus. Nimis tunc consternatam fuisse Turcarum aciem vel ex hoc facile notabitur, quòd dum Procopius Sieniavius cum suâ cohorte à munitionibus Chodkievicii ad ferendas Lubomirscianis suppetias vocatus.

tus, aperto campo, graduque & animo intrepido penes ipsa Turcarum agmina transisset, non solum ab illis non aggressus, sed ne laceffitus quidem, quò tendebat, pervenit. Mirum quoque contigit, Turcas, cùm sæpiùs eò & legiones & machinas bellicas dirigere ostentassent, nunquam tamen oppugnationem Zvanecensis castelli tentasse, quod à Valentino Kalinovio Camenecensi Capitaneo, alti spiritus heroë erectum, nec adhuc perfectum, ob fluvii autem oportunitatem & Chorini viciniam ut Polonis multa præbebat commoda, ita ab hostè occupatum non levem intulisset jacturam. Panovcensem artem, uno miliari à Cameneciâ distantem, magis ad elegantiam & amoenitatem, quàm ad Martis opus, ab Ioanne Potocio Palatino Braclaviensi, rerum gestarum gloriâ, & rei militaris peritiâ insigni, extractam, magno insultu Turcæ oppugnarunt, irritoque conatu à Tartaris illusi inde recesserunt. Cameneciæ etiam situm ex vicinis montibus diligentius speculati, nihilque plus agere ausi,

*Zvaniec.*

*Paniowce.*

Armenorum sub titulo S. Crucis facellum in rupe urbi imminente situm combusserant.

Dum Legati in castris Osmani morarentur, transibant penes eorum tentoria ex proeliis redeuntes Turcæ, quorum hi mutili, illi faucii, nonnulli obductas cicatrices præ pudore summâ curâ obtegebant; alii commilitonum cadavera, curribus tectis imposita, cursu celeri in propria stativa devehebant.

*Primum  
legatorum  
cum Dilaverio  
colloquium.*

Atqui Vezirazemes, refarciendæ veteris Polonorum cum domo Othomanicâ amicitiae cupidus, legatos in præsentia Vsfaimi secundi Vefirii, & Baccibassæ supremi Thesaurarii ad se accersit. Castellanus Belzensis barbarorum aures sermonis prolixitati minùs esse suetas, optimè gnarus, paucis verbis, Reipublicæ in conservandis antiquitus sancitis foederibus firmam mentem obtestatus, Dilaverium tanquam supremum consilii Osmani Principem, & ad clavum Othomanici Imperii sedentem sollicitavit, ut in tam salutari utrinque negotio auctoritatem suam interponeret. Vix credi potest, quàm

quàm eum legati accessu facilem, humanitate præstantem, pacis studiosum, cavillationibus inimicum, summam in omnibus dictis & factis fidem ac integritatem præ se ferentem semper agnoverint. Tunc quoque salutatione civili, gestu placido, voce affabili, manifesta statim edidit signa optimæ suæ erga commune pacis bonum voluntatis. Hoc unum à Legatis flagitabat, ut stativa mutarent, atque ea ob commodiora colloquia in suam viciniam, locumque ibidem inter sua & Thesaurarii tentoria assignatum transferrent. Apparebat modò in comitatu, modò in tentoriorum splendore & apparatu, non vulgaris ejus magnificentia, potentissimis quibusque Regibus par, ut quocunque oculos verteres, non Vefirium, sed Monarcham aliquem adiisse te facile censes. Rectà à Dilaverio legati se contulerant ad Imperatoris sacrificulum, & non pridem pueritiæ ejus præcipuum Institutorem, ac inde summâ & auctoritate & gratiâ apud Osmanum pol-

*Colloquium  
cum Hod-  
23a.*

X 3

erat,

89



erat, vocem edebat languidam, nullumque penitus animi ostendebat vigorem, imò cum eum Legati salutassent, veluti simulachrum aliquod, capite immoto, oculis in terram fixis, junctis manibus, lapillos ad instar rosarii, aut coronæ, in filum ordine redactos, tenens, preces suas balbutiebat. Succinctæ Castellani Belzensis orationi, ad fastidium prolixè (ut vitium ætatis fert) respondit garrulus senex, multas inferendo nugas, ac superstitionis Mahometanæ ineptias. In eo tamen à Vezirazeme nihil omnino discrepavit, quòd in reconciliandâ tot sæculis sacrosanctâ inter Polonos ac Turcas amicitia, eandem curam polliceretur. Vt verò de pacis conditionibus faciliùs colloquium procederet, Radulo à Vezirazeme ad expiscandos Legatorum animos missus, in primis antiquas limitum controversias objiciebat, quæ ut à communibus Commissariis dirimerentur, ab utrinque concessum est. Radulo postea vehementissimè in Cosacos Zaporohenses invecus, severam, ob tot latrocinia, in eos animad-

*Colloquium  
cum Radu-  
lone.*

animadversionem poscebat. Verùm Legati totius querelæ statum satis fusè illi enuclearunt: Cosacorum nempe licentiæ scaturiginem manare ex continuis Tartarorum incurfionibus, quas dum semper fertilissimarum Regni Provinciarum vastitas subsequatur, tanta rusticorum multitudo ad summam egestatem (hæc autem facere & pati quævis rubet) redacta, ultro dominorum suorum jugum excutit, in ipsâ desperatione omnium calamitatum solamen ponit, ac inde proprias domos relinquens, aliena quærit domicilia, partimque vindictæ, partim prædæ cupida Cosacorum signa sequitur. Respublica nihilominus, ne foedera cum Turcis sancita violarentur, frequentissimis edictis & Commissionibus eorum licentiam compescere studebat. parabat sæpiùs & contra contumaces arma, quæ jam pridem in illos convertisset, si vires suæ Tartarorum irruptionibus non fuissent distractæ.

Multò etiam major culpa conjici potest in Cosacos Tanaim accolentes, magno

Duci

Duci Moscoviæ subjectos, qui latrocinia sua Zaporohensium titulo velantes, à maritimis excursionibus torâ æstate non cessant. Cùm Palatinus Valachiae Orioviensis & Serocensis regionum recentem devastationem exprobrasset, serioque de tradendis Osmano Cosacorum primoribus expostulasset: Legati aliam non adducebant excusationem, nisi quòd, post denunciatum à Turcis bellum, hostilia quæque exercere omnium gentium more liceret: priscam verò Polonorum fidem ac virtutem minimè deceret, ut quos in finem suum contra communis patriæ hostem armorum socios accepisset, eos ad ludibrium Tyranni, nominisque sui perenne opprobrium prode-  
re deberent. Si verò Zaporohenses ut fœderis violatores puniendi essent; eandem mererentur mulctam Bernascius, Cantimirus, & universa illa Tartarorum colluvies. Nodum tamen in scirpo quærebat Radulo, ad varias defiliendo objectiones: Cecorenses etiam Zolkievii expeditionem Turcici belli fomitem incusando.

At post-

At postquam audisset, Zolkievium à Skinder Bassâ provocatum, arma ex patrio solo in hosticum transferre voluisse, illaris rationibus acquievit. Ad extremum id proposuit, quod Legatos maximè afficere intelligebat, ut nimirum Osmano tanquam vix non totius Orbis Domino, loco pendendi tributi, non vulgaris pretii munera Constantinopolim, quam primùm ex bello rediisset, mitterentur. Tam petulanti & tumido ejus sermone laceffiti Legati responderunt, Rempublicam suam nulli unquam vectigalem fuisse, populumque Polonum per universum terrarum ambitum libertate celeberrimum, ita eam colere, ut cum illius vel minimâ mutatione, suam quoque accessisse periodum existimet: præ hac sibi charissima pignora vilescere; in hac conservandâ nec fortunis, nec vitæ, nec sanguini parcere. Si Osmanus pristinam cum Sigismundo amicitiam inire cuperet; Rex Poloniæ cum vicino & amico Principe, humanitate & muneribus certaret, ad mutudò reconcilianda vetera studia

Y

&

91





& officia, non verò ad recognoscendum Turcarum dominium, cùm hactenus Polonia more institutóque majorum his tantùm Dominis pareat, quos liberis suis suffragiis ad id dignitatis culmen evexerit. Cessit & invitus Radulo istis legatorum rationibus, nec amplius eos irritando ad Vezirazemem rediit, eâ tamen additâ cautelâ, ut in sanciendo fœdere omitteretur mentio eliberandorum Stanislai Koniecpolii campestris Ducis, Samuelis Corecii, Lucæ Zolkievii, Vlodimiri Farensbachii, qui sub arctissimâ custodiâ in vinculis uno à Constantinopoli miliari delitecebant; ne fortè Dilaverius altiùs reputatâ primâ eorum fortunâ ingentem aliquam pecuniam à captivis exigeret; cùm sibi præmanibus sint privata & secretiora media, quibus ii brevi postliminio reverti in patriam possint.

*Vevellii  
artes pessima.*

Constantinus Vevellius, quò technis suis gratiam Turcarum magis adhuc aucuparetur, sollicitabat Legatos, ut aliquot in castris aut Cameneciæ ob alia scele-

scelera capitis damnatos, pro Zaporohensibus, Turcis traderent, & in conspectu suo mulctari eos curarent.

Fabricator ille doli alter Epéus nihil aliud prætendebat; nisi ut ementito rumore, Kosacos jam à Polonis deferri, infensos eos Vladislao redderet, & non contemnendo subsidio castra Polona privaret. Sed concepta fraus minimè ei successit, nec dabatur à Legatis locus vafri hominis ludicris rationibus. Aliquoties tamen Radulo, modò per substitutas personas, modò ore tenus, hoc unum satagebat, ut legati propositas omnes conditiones fusciperent.

Iam ad varias persuasiones adjiciebatur & vanus terror, dum per castra promulgaretur, Osmanum sex integris septimanis in continuando bello duraturum. Sæpius etiam ostentantes se numerosæ Turcarum legiones, nunc versus munitiones Polonas ire, nunc inde redire fingebant, quamvis aliò eas divertere observaretur.

*Veziraze-  
mis secun-  
dum cum  
Legatis  
collo-  
quium.*

Vezirazemis postquam per Palatinum Valachiae Legatorum animos frustra tentasset, tanti Magistratus autoritate plus se efficere praesumebat. Vocatis igitur ad secretum colloquium, vindictam de Zaporohenfibus Cosacis, & perpetuum in mittendis Constantinopolim muneribus tributum urgebat. Nec à gravioribus minis tunc abstinuerat, denunciando, Osmanum in castris ad festum S. Demetrii, ad medium nempe Novembrem permanfurum, in Moldaviâ verò hyberna peracturum, destinatosque Nahajenses, Crimenses, Bialogrodenses & Dobrucenses Tartaros, ut conjunctis cum Valachis, Moldavis, & Europæis Turcis viribus, ditiones Poloniae totâ, sine intermissione, hyeme infestarent, atque Osmano primo vere cum ingentibus ex Africâ & utraqûe Asiâ collectis copiis Polonorum fines transgressuro faciliorem viam struerent. Quum hæc verba Vezirazemes protulisset; fixis in Legatos oculis, summâ diligentiam gestus illorum considerabat; ac ut magis consternatos redderet, infe-

infectis rebus liberum iis in sua castra reditum indixit. Castellanus Belzensis tumidæ barbari hominis orationi modestè, at generosè respondit. Communem nimirum hactenus in istâ expeditione Martem, dubiamque ejus aleam esse; & cladem & victoriam in arcano fatorum sinu pendere, nullamque adhuc apparere causam tam Turcarum fastus, quàm alicujus Polonorum metus: ad libertatem natam, libertatiquè assuetam gentem suam, extrema quævis mala citius passuram, quàm indomitam divinâ providentiâ per tot ætates cervicem, foedissimi servitii execrabile in pendendo tributo jugum subituram. Tali finito responso assurrexerunt Legati, & valedicendo Vezirazemi gratias eidem agere cœperunt, quòd in iis suscipiendis, tractandis, & nunc remittendis dignum magno Principe fidem, omniumque gentium jura sacrosanctè servasset. Obstupefactus ille conticuerat, & dum Legatos intrepidus, propositique sui tenaces conspexisset, apprehensâ familiariter utriusque

Y 3

manu,



manu, ut remanerent, flagitavit, atque exinde in tractandis reliquis pacis conditionibus mirum in modum facilem se præbuit.

Ad peragendum hoc pacis negotium non parvum momentum attulerant largitiones Reipublicæ nomine tam ipsi Dila-verio, quam aliis intimis Osmani Consiliariis promissæ. Turcæ enim naturâ ad nimiam cupiditatem proni, ac eò lucri avidiores, quòd ex infimâ in summam fortunam à Tyrannis suis plerumque evehantur, communi omnes vitio, auri nempe sacrâ fame laborant. Magnâ quoque Legati distinebantur deliberatione, cujusnam precii munera Osmano offerenda essent, non ut ea inter pacta inferere consentirent, quod omnino inferius gentis Polonæ gloriâ judicabant, sed ut per Legatum, ad confirmanda fœdera Constanti-nopolim iter suscepturum, à Sigismundo amico Principi mitterentur: cum præsertim Osmanus præter ætatem, imò contra sublimem, quem præ se ferebat, genium, sum-

summæ avaritiæ angustiiis premeretur, & minimâ spe elegantioris, supellectilis illectus, innatæ cupidini Imperatoriam etiam postponeret dignitatem. Sobiescius itaque, quòd cum Vladislao & Commissariis eâ de re commodius conferret, consensu Vezirazemis intercedente, in sua castra est profectus. Antequam tamen è tentorio ejus discessisset, seriò de prohibendis Tartarorum in Poloniam excursionibus expostulavit, id maximè procurando, ut ob summam Turcarum conniventiam, sine fœderum violatione, liceret Polonis has, ubi Tartari degerent, regiones depopulari. Ingratis Vezirazemes auribus excepit Sobiescii sermonem: Tartaros Othomanici Imperii subditos, eorumque domicilia in ditionibus Osmani esse sita ostendebat: ac proinde si quid Poloni contra Tartaros molirentur, bellum cum Turcis recrudesce-ret: severum autem in Chamum Tartarorum à supremo Domino elatum edictum pro maximâ vindictâ Polonis sufficere posset.

*Sobiescius  
in castra  
Polonia  
profectus.*

*Kossakevii  
in castra  
Polonia  
cum com-  
muni ve-  
ditum.*

Legat-

*Kossak-  
vii in ca-  
stra Polo-  
na cum  
commearu  
vestitu.*

Legatis apud Osmanum commoranti-  
bus, Nicolaus Kossakovius Capitaneus  
Visnensis, redierat in Polonorum castra,  
commeatu Cameneciâ advecto, recupera-  
tis nonnullis ex nobilitate Volhyniæ capti-  
vis, atque profligatâ non contemnendâ  
Tartarorum manu, qui obsessis omnibus  
inter Cameneciam & Braham viis, incautè  
Kossakovium progredi arbitrati, impetum  
in eum fecerant; sed spe frustrati, moxque  
fortiter repressi, & more suo dispersi, reli-  
quum Kossakovio iter tutissimum præsti-  
terunt.

Avidissimè expectabatur à Turcis So-  
biescii reditus, qui altero die ad Castella-  
num Belzensem reversus, restaurandæ an-  
tiquæ amicitiae causâ, digna Osmano à Re-  
ge Poloniæ missum iri munera polliceba-  
tur, dummodo is eâdem humanitate cum  
vicino Principe certaret. Deliniti ejusmodi  
declaratione barbarorum animi, magno  
ardore coepta pacis consilia agitabant: ni-  
hilque omnino ad flagrantia eorum vota  
deerat, nisi ut legati ex veteri consuetudine  
Osma-

Osmano salutato conscriptum foedus tradi  
sibi postularent. Convocaverat Dilaverius  
alios Vefirios, Thesaurarium, Supremum  
omnium causarum Iudicem, ac universum  
Osmani Senatum. Ejus coronâ cinctus, ut  
pro Tribunali Vezirazemes sedere solent,  
ita tunc eas omnes cum collegio suo tam  
in vestitu, quàm in aliis rebus adhibuerat  
solennitates. Venerant in ejus tentorium  
Legati cum Stanislao Suliszevio, qui, ad  
exequendum Ordinarii Nuncii munus de-  
stinatus, Osmanum Constantinopolim co-  
mitari, ex vigore recentium pactorum, de-  
bebat. Aderat & Dziembergereji Tartaro-  
rum Chami Cancellarius. Hilares Procerum  
illorum facies denotabant singulare fan-  
ciendi cum Polonis foederis studium. Mul-  
ti enim senio confecti, aut ob longinquum  
iter tædio consumpti, tum aëri Polono  
minimè assueti, omnes verò appropin-  
quantibus coeli injuriis deterriti, nihil aliud  
quàm ex bello missionem intimis pectori-  
bus desiderabant. Vezirazemes, reliquis ta-  
centibus, & solo nutu verbis ejus annuen-

*Tertium  
Legato-  
rum cum  
Veziraze-  
me Collo-  
quium.*

Z

tibus,



tibus, sic Legatos alloqui coepit: Viri Poloni, quod bonum, faustum, foelixque utrique potentissimo Imperio fit, interruptam inter Reges Poloniae & domum Ottomanicam amicitiam, nunc iterum coalescere videmus. Inviolatas à nobis fore pactorum conditiones, spondemus: Vos, ne perjuriis fidem vestram contaminetis, prospicite. Mox autem ad Invictissimum Imperatorem patebit vobis aditus, quos ille, ut fraternos Legatos aspectu dignabitur.

Ad Dziambergerei postea Cancellarium conversus, in hæc verba prorupit: Præsentem te esse hîc volui, ut confectæ pacis conditiones non ignores; atque nomine Osmani, ante cujus faciem pulvis & Scabellum pedum Domini sui est Tartarorum Chamus, severissimum ei edictum denuncies, ne amplius infesta arma Regno Poloniae inferre audeat. quod si tanti Imperatoris mandata contempserit, non solum dominio privabitur, verum etiam capitis poenam luet. Flexis genibus Tartarus verbis

bis Dilaverii attendebat, & antequam vocem emitteret, inclinato prius ad terram capite, hoc unum inculcavit, ut Tartarorum cum Polonis limites terminentur, loco & fluvio in desertis campis celebri, quem Sina Woda vetustas appellavit. Respondit Vezirazemes: Nulla hîc de finibus Regnorum mentio fit. Tartaris incumbit jussa Imperatoris mei capeßere, non verò ea intrudere, quæ ad præsentem negotii statum nihil omnino pertinent.

Colloquium id cum Legatis egregiâ civilitate Dilaverius finivit. acceptis enim operâ Asiaticâ figulinis vasculis, omnes, qui aderant, Vezirii & Bassæ assurgentes, adjunctis multis pro utriusque gentis concordiam comprecationibus, usitatâ Turcis potione ad elegantiam & saporem confectâ, Legatis propinarunt.

Dimissus Legatus, equis ascensis, antecede-  
bat Legatos, qui cum ante Osmani tentoria pervenissent, paulum substinerant, donec eos Dilaverius ipse introduxisset. Magnum, quocunq; spectares, Tyranni fastum,

*Aditus  
Legatorum  
ad  
Osmanum:*

summâ potentiâ & rarò visâ majestate plena omnia contemplari ibi licebat. Eminebant in edito colle Osmani tentoria, ad instar alicujus castelli, non solum ad belli usum, sed & amoenitatem voluptatémque erecta: comparebant porticus & deambulationes: hîc secreta cubicula, illic latè patentia atria, ut Legati viderentur sibi videre aliquot Regum palatia in florentissimâ pace fabricata, non verò unius Imperatoris militare domicilium. fulgebant globi deaurati, alii ex puro auro congesti, sericei funes, tentoriorum parietes intertexto auro splendidi, ac stragulatae vesti similes. Spatium illud, quod à Dilaverii stativis ad Osmanum extendebatur, Turcarum mirantium multitudinem vix capere poterat. non ætas quemque, non valetudo, non aliqua occupatio retardavit, quin spectaculo insperato occurreret. remissi etiam à Vezirazeme Ianizeri, impellebant eò maximam varii generis hominum turbam. Ianitores, atque eorum Præfecti, argenteos baculos in manibus tenentes, holosericeisque vestibus

stibus induti, aditum Legatis ad Osmanum præparabant. Cæteri Sacerdotum, militiæ, Aulicorum, Cubiculariorum, Scribarum ordines, comptè & eleganter vestiti tantæ pompæ assistebant. Sedebat Imperator in suggestu preciosis pulvinaribus strato, framea atque duo cum pharetris extensi arcus à tergo pendebant. Stabant mimi ac Eunuchi, arcanarum palatii libidinum ministri. Idolum ipse magis, quàm hominem repræsentare videbatur. Corpore enim & gestu immotus, nullum penitus comitatis signum edidit. aquilinus tamen natus, color subfuscus, exporrecta frons, elati oculi generositatem in eo quandam denotabant. Vezirazemes & reliqui proceres, tanquam abjectissima mancipia, demissis oculis, protensis ad terram cervicibus, junctis manibus, extremi servitii miserabilem speciem præbebant. Vocati ad osculum Imperatoriæ vestis (ut mos aulæ Othomanicæ fert) Legati, unâ cum Szulifzevio, Radulone Palatino Valachiæ, Constantino Vevellio, & ex suâ familiâ non-



nullis, Osmanum salutarunt. Statim ultimus ex Baffis Lubomirscii epistolam à Sobiescio accepit, & eam ordine per manus collegarum suorum Vezirazemi tradidit, qui illam procidens ante Osmanum, inter pulvinaria, quibus fulciebatur, imposuit. Peractis his ceremoniis, Castellanus Belzensis à Vezirazeme interpellatus, ut brevibus verbis Osmanum alloqueretur, ita exorsus est.

*Castellanus Belzensis Osmanum alloquitur.*

Ea, Serenissime ac Invictissime Imperator, Clementissimi Regis nostri, & totius Reipublicæ constantissimaque semper meus in retinendâ veteri tum Augustissimâ Othomanicâ domo amicitia extitit, ut etiam inter arma, ac in hoc, quem vidisti, belli furore, salutarem utrique populo pacem meditaretur, & certos Commissarios assignaret, qui restaurandi antiqui foederis potestatem nunc haberent; quod cum jam prævio numine, & singulari Dilaverii Vezirazemis tui prudentiâ ac solertiâ confectum sit, Rempublicam Polonam constitutam pacem in suo robore confer-

servaturam fide jubemus, minimeque dubitamus, te majorum tuorum gloriam ac res gestas hactenus æmulatum, eorum quoque exemplo integram cum regno Poloniae pacem colere non recusaturum.

Cum nihil Osmanus præ majestate Castellano Belzensi respondisset, Legati jam ex tentorio egressuri, munera nomine suo ei obtulerunt, inter quæ præcipua erant framea & aliquot bombardæ elaboratâ operâ factæ, quæ Castellanus Belzensis ornaverat aliquot verbis eum in modum prolatis: Optimè novimus, te summis opibus affluentem Imperatorem, auro, gemmis, & pretiosâ suppellectili non indigere: nec ea nobis in bello, ubi ferum maximè tractatur, præ manibus sunt, sed arma, quibus in propugnandâ patriâ utebamur, hæc tibi amico jam & socio Regis nostri Principi offerimus, fidaque vota adnectimus; ut post præsentem Othomanici & Poloni Imperii arctissimum nexum, cedant tibi in communis hostis

hostis nostri cladem, & tuam insignem victoriam.

*Triumphus  
undique  
ex confe-  
ctâ pace.*

Publicæ lætitiæ, quam ex sancito foedere universus Turcarum exercitus gestabat, præclara sequenti nocte edita indicia conspeximus. Quotquot enim in amplissimis Osmani castris numerabantur tentoria, tot in apicibus eorum accensæ candelæ, per colles & declivia, ac ipsam planitiem, cum incredibili oculorum voluptate, tanquam aliquæ stellæ sereno tunc coelo micabant. Zaporohenses, animadverso barbarorum triumpho, sclopeta sua figillatim explodebant. idem egerunt in castris suis Poloni. atque non exiguo temporis intervallo continuus ille durabat fragor, qui etiam ad Turcarum aures pervenerat.

*Collo-  
quium  
Legato-  
rum cum  
Veziraze-  
me.*

Conquerebatur sæpius Vezirazemes, multos ex Christianis ortos, Turcarum alumnos passim ad Polonos aufugere: in quibus investigandis & extradendis variæ observabantur difficultates. Id verò præcipuè à Legatis exigebat, ut Poloni primi de Osmani provinciâ, quam ut hostes ingressi sunt,

sunt, decederent, castrâque sua trans Tyræ moverent. Nimis periculosa hæc conditio videbatur, ne Turcæ Vladislai exercitum plurimis calamitatibus attritum, & viribus suis diminutum cernentes, mutatis ex occasione (qua bella plerumque constant) animis hostilem in eum impetum molirentur. Multas ided & speciosas quærebant excusationes, ac primùm objiciebant tædiosam temporis protractionem, in expectandis curribus suis, equis & cæteris impedimentis ob diuturnæ obsidionis metum in Poloniam aVectis. nec minus prætendebant gentis Polonæ decorum, cum ex consuetudine militari, qui primi campum ingrediuntur, postremi ex eo decedere soleant.

Ostendebant, quantum moræ in transitu Tyræ exercitui numerofo & apparatu belli aggravato infumendum esset. ad extremum non vanam inducebant considerationem, si Poloni ponte Turcico uterentur, verendum ne in tantâ Turcarum in stativis suis

A a

per-  
99



permanentium viciniâ , intervenirent ex ambabus partibus calonum & lixarum contentiones , quæ ex parvis scintillis magnum incendium excitare , & sopitum bellum iterum fovere possent. Vezirazemes, ut hanc suspicionem depelleret , Ianizeros ad custodiendum, ne destrueretur, pontem, & omnes rixas avertendas destinaturum se pollicebatur. quod postea præstitit , rarâ inter barbaros fide, & singulari casuum humanorum exemplo. Nam Turcæ , qui ad delendum Polonum nomen , magno sumptu & difficili opere pontem supra Danubium fabricassent, ii brevi post, fatis confilia mortalium revolventibus , ponte suo, qui fines Podoliæ attigerat , hostibus domum redeundi commoditatem præbuerunt. Tandem ne tempus altercationibus eluderetur , nunciaverunt Dilaverio Legati , castra Polona trans Tyram moveri , multâque trans fluvium apparare tentoria, quæ hominibus & equis vacua , ad fallendos Turcas , extendi ad Braham Lubomirscius jusserat. Quamobrem unicum jam  
super-

supererat ,<sup>a</sup> ut conscripta ad amussim pacta Legatis traderentur: quæ pari reverentiâ ac humanitate manibus ipsius Vezirazemis porrecta Castellanus Belzensis accepit. atque ea breviter hîc annotare non incongruum censuimus.

Stanislaus Suliszovius, tanquam venturi Legati Internuncius , Osmanum Constantinopolim comitabitur : Ianuæ Imperatoris Cubicularius ad Sigismundum Regem Poloniæ maximis itineribus properabit, ad conducendum , & cum summâ dignitate excipiendum Polonorum Legatum : Hic verò quàm primùm fieri poterit , ex Viris genere , autoritate & prudentia excellentibus destinabitur : Veniet cum eo Regius Secretarius , qui , more ab aliis Christianis Principibus recepto , in aulâ Osmani commorabitur : Navigatione Borysthenis Kozaci Zaporohenses à Polonis prohibeantur : & si de aliquâ subditis Osmani illatâ ab ipsis injuriâ expostulabitur , graves illis injungantur poenæ : Tartari Biallogrodenfes , Tehinenses , Kilienses , Dobrucenses ,

Crimenses, ab incurſionibus in Regnum Poloniae omnino abſtineant: ab Oſmano verò tranſitu Oczakoviendi arceantur: Quòd ſi alicui Polonorum damna intulerint, ea omnia recompensent, & Chamus Tartarorum ſeverè ab Imperatore Turcarum tanquam à Domino ſuo puniatur: Huic tamen ab utrinque Edicto non ſubjaceant ii, qui piſcationis & venationis cauſa per deſertos campos vagantur: Tartari quando ad finitimas regno Poloniae provincias Turcica ſigna ſequentur, ditiones Poloniae ne invadant.

Ad componendas limitum controverſias, ex utraque parte Commiſſarii Iudicio & experientia pollentes aſſignentur: Rex Poloniae Tartarorum Chamo ſolitum ſtipendium ſolvat; atque id laſſos advehi jubeat; unde certior redditus Chamus Legatos ad ea quae ſibi conferrentur recipienda mittat, & more majorum ſuorum ad bellum à Rege Poloniae vocatus arma pro Republica Polona ſumat: In praefecturam Moldaviae promovean-

veantur Chriſtiani ab omni Avaritiae ſuſpitione alieni, pacis ſtudioſi, utriusque Imperii ſaluti ac tranquillitati addicti: Arx Chotinenſis Palatino Moldaviae tradatur: Commercia inter Oſmani & Sigismundi ſubditos libera, & tutae mercatoribus viae praestentur: Amici & hoſtes communes reputentur: Priſtinum robur vetera pacta retineant, moderna inviolata permaneant: Quicumque autem ea violare auſus fuerit, PERIVRVS ESTO.

Pactis talibus receptis valedicturi Dila-

*Legatorum  
ultimum  
cum Dila-  
verio collo-  
quium.*

verio Legati, Stanislaum Suliszevium, tanquam Regis ſui Internuncium, & eximia dexteritatis virum: plurimum commen-

*Receſſus  
Turcarum.*

darunt; ac ut in hoc ſuſcipiendo cum Oſmano itinere, patrocinio ejus protegeretur, obnixè flagitarunt.

A a 3

mero



mero in monte aliis eminentiore collocatæ, copiarum suarum reliquias expectabant: reliqua multitudo, nullo penitus observato aciei ordine, inter carros & mulorum ac camelorum onustos greges tendebat: curribus coopertis vehebantur decrepiti senes, & morbis ac vulneribus affecti milites; exportabatur commeatus varii generis abundantia, pulveris tormentarii & globorum ea copia, ut magnam partem Chotini asservari Dilaverius iussisset. Osmanus cum Senatu, Magnatibus ac Aulicis suis, occupato in medio exercitu loco, paulatim progrediebatur. Statim ac Turcæ recessissent, Legati in Polonorum se castra contulerunt. Currebat in conspectum eorum, omnium militiæ graduum turba. Erant, qui exultantes spargerent voces, venisse tandem malorum finem, appropinquare jam missionem suam, non plus se coeli injuriis, vigiliarum molestiis, inedia, siti, variisque morbis expositos fore. Ob restitutam Patriæ pacem, laurearum unumquemque in eam rediturum, illis parentes & fratres, his

*Reditus  
Legato-  
rum in  
sua ca-  
stra.*

uxo-

uxores ac liberos in complexum occursum, quod tot charissima simul pignora è faucibus fati eripuissent. Vladislaus refo-cillatis parum viribus prodierat in publicum, ad audiendum die nempe Dominico venerandum Missæ sacrificium, atque vix tentorium ad devotiones peragendas assignatum ingressus erat; cum opportunè ibidem lætissimus ad eum de reditu Legatorum, & confectâ pace, nuncius advolaverit. nec inde discessit, donec convocato universo castrensi Clero & Exercitu, laudante Dominum, psalmos decantante, supplex ipse divinæ majestati gratias redderet. Mox Andreas Szoldrscius Præpositus Gnes-

*Szoldrscii  
ad Regem  
profectus.*

nensis, rei gestæ & feliciter peractæ seriem Sigismundo deferens, celerrimo se itineri accinxit. Sobiescius, Matthæo Lesniovio Succamerario Belzensi assumpto, à Vladislao & aliis Commissariis, foederis conditiones Cozacis Zaporohenfibus, datam

*Collo-  
quium  
Sobiescii  
cum Cosa-  
cis Zapo-  
rohenfibus.*

exolvendo fidem, quod urgentibus Turcis, ut ad enormia supplicia præcipui illorum traderentur, Legati tamen securitatem eo-

rum

rum cum dignitate Reipublicæ conjunctam defenderunt, nihilque pactis inscribi permiserunt, quòd Zaporohensium Exercitum labe aliquâ deturpare posset. Totius denique Reipublicæ nomine, tam Konaszevicius, & alios in Magistratu constitutos, quàm universam plebem admonuit, ut pactis starent, & à Piraticâ exercendâ in Ponto Euxino, & mari Imperio Othomano subiecto abstinere. Paucis, atque ad humilitatem compositis verbis respondit Konaszevicius, infimos se Majestatis Regiæ & Reipublicæ servos esse, nec ullâ in re publicis edictis refragari aut velle, aut posse. Cum tamen Konaszevicius de exercitu retro ducendi modo ac ratione à Vladislao exquisitus, crastinâ die consilium suum explicaturum se promississet; inscio Principe & Lubomirscio, seorsim primus cum summâ omnium Polonorum indignatione Tyram transit.

Venerat Caterdziejus Banus Czalevensis in castra Polonorum à Radulone, postulans, ut pactorum exemplar, quod

quod Legati Vezirazemi dederant, propriisque manibus subscriptum figillis suis obsignarent. quod dum statim obtinisset, arce Chotinensi à Zbigneo Silnicio receptâ, & Constantino nobili Moldavo in Præfecturam ejus substituto, ad Osmanum rediit.

Apparebat lamentabilis, & hostium etiam commiseratione digna redeuntis Poloni exercitus facies: flos ille in maciem & pallidos vultus; equorum apparatus in squalorem, equitatus in peditatum versus, congestæ in exiguos manipulos numerosæ non pridem copiæ, lachrymas intuentibus extorquebant. Procedebat magna curruum pars, victu, militari ac domesticâ suppellectile vacua; efferebantur passim mortuorum cadavera, alii mutili, alii ob tot molestias exangues gradum ex castris pedetentim trahebant, portabantur in vehiculis nonnulli variis morbis vexati: multa signa, plurimæ aquilæ, at sub iis rari commilitones numerabantur. Ac his tamen calamitatibus oppressi, pauci disciplinam servabant:

*Reditus  
in Patriam  
Poloni  
Exercitus.*



vabant: adedò enim omni obsequiò & ordine soluti ad transeundum Tyram properabant, ut non Polonorum reditum aut receptum, sed turpissimam fugam spectantes de longinquo hostes facillè judicarent. Multi temeritatis suæ luerunt poenas, modò à Tartaris inter virgulta & declivia prædæ inhiantibus, modò ab ipsis Cosacis Zaporohenfibus vitâ ac residuis facultatibus spoliati.

*Turcarum  
pons.*

Egregiâ commoditate Polonos juvit Turcarum pons industriâ operâ constructus.

Fixa erant ad reprimendum rapidissimi fluvii velocem impetum ex densis truncatis arboribus retentacula quædam, tabulatum firmis arboribus ad mensuram innixum, terrâque coopertum, grave illud sustinebant pondus: compactæ ab utroque latere contignationes, & transeuntibus securitatem, & operi elegantiam addebant. duæ etiam extabant januæ, ad claudendum & aperiendum pontem ædificatæ.

I.

Lithvani jam trans Tyram Vladislaum præstolabantur. Tartari interim à viâ Camenecensi divertentes ex latibulis suis Polonos laceßere conabantur, imminebantque nonnullis cohortibus. sed ex familiâ Sobiescii aliquot nobiles ad eos proruperant, & cum Ioannes Gdeszynius unum cepisset, cæteri majorem Polonorum manipulum latere alicubi credentes, terga subito verterunt.

*Tartarorum  
conatus.*

Excitatus in exercitu irrumpentis hostis rumor, ansam dederat, ut hastatæ aliquot cum omni ferè peditatu cohortes Vladislai currum, quo æger vehebatur, cingerent.

Intempestivâ nocte, multis frendentibus, valetudinarius Princeps ad Zuanum substitit: nec castra tunc suo ordine & loco disponebantur, cum alii in alterâ amnis ripâ ad pontem Turcarum pernoctassent, alii huc & illuc erronei vagarentur. Vladislai itaque quieti, & reliquis coadunandis copiis dato sequenti die, tertio postea Cameneciam

B b 2

per-

1104



*Tartaro-  
rum in  
Poloniam  
incurſio.*

perventum est. Szoldrſcius verò Præpoſitus Gneſnenſis Leopoli Regem repererat, qui Minoris Poloniæ Palatinatibus collectis, expeditionis generalis reſiduum præſtolabatur. Magnam Ruſſiæ provinciis ad tempeſtivum adventum remoram Tartari attulerant, quorum ferociâ fumantes pagi edebant ſe & in ipſius Sigismundi iter peragentis conſpectum. Nuradinus enim Chamī frater ultimus, poſitis ſuis ſtativis in Kozlovienſibus, & fundi Zloczovienſis, Zborovienſibus ac Iarczovienſibus campis, in Ruſſiæ, Volhyniæ & Belzenſem terras, ſeveriſſimas fecerat excuſſiones, villis & oppidis incendio undique conſumptis, abactâ equorum ac pecudum optimâ prædâ, abductâ in ſervitutem tantâ ruſticorum utriuſque ſexus multitudine, in vincula conſectis ex nobilitate plurimis, mancipiorum Polonorum gemitu Turcarum caſtra impleverat.

Reſtauratum cum Oſmano foedus iniquius ſe ferre Rex ideo fortè ſimulabat, ut hoc apud Turcas rumore, nominis, & a

id bellum adventus ſui, expeditioniſque Regni famam augeret. Quod minimè ſine dubio hoſtes in ſtabiliendis pactis permoverat, dum iis captivi ipſi inauditum hætenus univerſæ Poloniæ apparatus denunciarent. Cæteri Polonorum ſtatus, & privati tam ſummorum, quàm infimorum lares, ingenti lætitiâ deſideratiſſimum pacis nuncium exceperunt. Ac Gregorius XV Pontifex Maximus, VI Idus Octobris, quibus Oſmanus opprobrio ſuo ſatiatus receſſit, feſtum hunc & publicis ſupplicationibus ſacrum diem toti Poloniæ Regno indixit.

Tu igitur, ô Patria mea chariſſima, humiliter proſtrata, venerare Statorem, Liberatorem ac Conſervatorem DEVM tuum, qui te, deficientibus humanis conſiliis, nutantibus omnium animis, orbéque terrarum ſtupente, dexterâ Excelfi ab extremo interitu vindicavit, deſperatam tibi ſalutem reſtituit, & averſâ clade, inſigni triumpho Sarmaticam gentem ornavit. DOMINVS NOMEN EI EST.

B b 3

Quare



Quare supplex largitorem omnium bonorum, ad Thronum ejus procidens, votis onera, ut in nominis sui GLORIAM, rerum eo bello gestarum felicem memoriam, Legum & Libertatum intactam basin conservet, totque collatis beneficiis addat perpetuitatem.

F I N I S.



1171  
14



102 BELLE CHOTINE 1615. TAC. 101  
Quare supplicem largiorem omnino bono-  
rum, ad Thronum eius proletem, velle  
onera, ut in nominis sui Cae. Cae. Cae. res  
cum eo bello gestarum solite in verborum.  
Legum & Libertatium in eadem belu con-  
seruet, obsequi collatis beneficiis ad hoc  
perpetuam.





